

Jisas - Angaataha

Maakiho

Kima Piwiha Gaaha Waniha

Maakiho Jipatipaisihaare

Kimandi Maakihomi Utipimandi Piwiha Nesipahaare

Maakiho so Jisaasihoai niwipinjohiyihiya 12 kaiwihyaamihomahe. Owe. Iyataahandi kandi Aposerihiya Porihiho naisoho Banapaasihomi mwaahore. Aihi Banapaasiho so Maakihomi sapihoeti ami saanihoetihore. Iyati ko jihi nehi masihonji Poriyi Banapaasiyaisati daayainjamapi ami ipoti kuri numwasi notaise. Ko saihyataati ami Poriho koai maariho biyati windi wimaawise. Aihihandi kandi ipoti Maakiho Porihopi wonya taahonyonya kawisataise. Aihi ami Kiraisihomi isihyaami jihimatohiyihiya jihiya Maakihopi (Joni Maakihopi) saiwi gwinyaawaayopo. Ipoti wura Maakiho Romihandaahapi notaise. Noti kapih Pitaahoaisa bindataise. Siyati bindataati ami Pitaaho koai piwiha sitorihandi kaundihi ami Maakiho atisati neti kima komi piwima jipatipiyataise.

Iyataati Maakiho Jisaasihopi jipatipiyati kataunjisiha satati kandaase. Jisaasiho Awaisiho Autaahaatihomi piwiha iwisi maapi yapimbataapihi noaatipati nasati ami isihyaamihatihi noti nasayati daayataise ndaase.

Maakihomi Piwiha Napimasahaare

Awaisihomi piwiha iwisiho napindihandapiha (1:1-13)

Autaahaatihomi piwiha iwisi napisiho otipipati kaihndihandapiha (2:14--13:37)

Autaahaatihomi piwiha iwisi napisiho napwindihandapiha (14:4-47)

Autaahaatihomi piwiha iwisi napisiho napotati asohoematati nepasitihandapiha (16:1-20)

1

Kima Piwiha Joniho Isihiyai Baawusisiho Piwiha Ausaasitihandapihaare

(Matiyuhu 3:1-12; Rukiho 3:1-9, 3:15-17; Joniho 1:19-28)

1 Kima Piwima Gaaha Waniha Autaahaatihomi Mwaaho Jisasi Kiraisiho katati kataunjati kaiwaiwaapihaare.

2 Iyataati Autaahaatihomi piwiha atisati neti ausaasiho Piropetiho Aisaiyaaho sata katati ahairihireti namasati noaipataise:

"Atime utaaho woaisi Nini Nisi piwiha nunyati ami neti nandusaasito. Nandusaasisanihi piwiha ausaati daihira titihehima daahuwitaise." (Marakaiho 3:1)

3 "Isihya iwiwiriho owehapihi utaaho wo bindata isihiyai gaata numwaati piwiha ausaati sata kaunditaise. 'Awaisiho napitandihira daihira titihepumapi daawupise,' unditaise," (Aisaiyaaho 40:3) tati Autaahaatiho Aisaiyaahomihetapi katati ahaisihaare.

4 Aihi ipotihura utaaho wo komi ambipati Joniho isihya iwiwiriho owehapihi noipati bindataise. Noipati bindata isihiyai gaata numwaati piwiha ausaati kaundati waapohora baawusataise. So Jono Autaahaatiho Aisaiyaahomihetapi katisihore. Isi ko Joniho isihiyai piwiha ausaati sata kaundataise. "Sami maipihaiwa kiyohiwaiwa namamapi sahi Autaahaatihomihyaatimatitaatiwi namihaniwi waapoho nepise. Aiwi baiwi akitinihi nepemaitiwi waapoho nesaihi ami Autaahaatiho sahi maipihaiwa

kiyohiwaiwa nesamaitaise," undataase.

5 Aihī sura isihīya yapipati Judiyaahandami aunahipihaiwa nahatewaraahapihīyauni ami Jerusaremihandā bimohiyihīya nahatiyauni Jonihoaapihi komi piwiha atitaatiwi niyawaayopo. Naiwi Jonihomi piwiha atisawaawi kiyaami maipihaiwa ausaahauhi Joniho waapihaati Joritanihaata baawusataise.

6 Joniho sura maasapiho kamerihandami atitāti nausohaati niyohore. Iyati tapaatihiouni apipaami mwaahouni nanataise. Iyati Joniho yamepati autaahi komi bwandipataapihi wisasanahore.

7-8 Iyati isihīyai piwiha ausaati satati kaundataase. "Utaaho wo ningi nanitipihāati apipaahi awaisiho nisi ipoti napitaise. Iyataati nini awaisihoninindaahandi kandi ko ningi nanitipihāati apipaahi awaisihore. Iyataati nini komi otipipatihoninindaahandi kandi otipipatihīyaami kiyohipati kaindi nambititi komi asupati nausohaumaamaito. Ami ninihi nehi waapohora sangi baasusataayoni ami Jisaasihohi sangisi Autaahaatihomi Itipihora baasonihī sahi noaipapi ko Autaahaatihomihīyaatimatitaapo," undataase.

Kīma Piwima Joniho Jisaasihoi Baawusindihandapihaare

(Matiyuhō 3:13-17; Rukiho 3:21-22)

9 Aihī suraanihi Jisaasiho yapipati Garirihandami aunahipati Nasaretihandā namasi nasati Jonihoaapihi noaipasīhi Joniho waapihaati Joritanihaata baawusataise.

10 Siyati Joniho Jisaasihoi baawusihī Jisaasiho nehīhaati notataaheti jata yamihapati tiwatawamasihī jataise. Aihī Autaahaatihomi Itipihō koho dipihomatiyati autaahapi piriruti nasati Jisaasihomiheti bindataise.

11 Aihī piwiha wa yamihapataatihapi Autaahaatiho Jisaasihoi saundataase. "Kinyi nisi Maasihohōyitinihi maariho nahinyati ami gi maariho wihiwataati kinyapi nini maaritataayo," undataase.

Kīma Piwima Bwaasirihiri Ko Napitaise Tati Jisaasihoi Nunjesitihandapihaare

(Matiyuhō 4:1-11; Rukiho 4:1-13)

12 Aihī sura ketinihi Autaahaatihomi Itipihō Jisaasihoi numwaasi yapipati isihīya iwiwiriho owehata notaise.

13 Siyati notī isihīya iwiwiriho owehapihi bimihī waatiho wo sanawihī wo nusaipataise. Siyati asisihā utarihandeti bimihī Bwaasirihiri Jisaasiho Autaahaatihomi piwiha nemaso ami napitaise tati nunjenataise. Siyati Jisaasiho kohasipihōaisataahihī bimihī Autaahaatihomi otipipatihīya yamihapataatihapihiya napiwi koai anditiwipi iwatatamanawaayopo.

Kīma Piwima Jisaasiho Otīpīpati Namasati Garirihanda Autaahaatihomi Piwiha Ausaasitihandapihaare

(Matiyuhō 4:12-17; Rukiho 4:14-15)

14 Joniho isihīyai waapohora baawusisihō aimi napwinjihī Jisaasiho Garirihanda niyataise. Niyati Autaahaatihomi piwiha isihīyai iwatatamanitandihā ausaati kaundataase.

15 Ausaati isihīya usihīya asihīyai saundataase. "Autaahaatiho isihīyai iwinjaati bimindihandi ausaimaninati waati noaipaitandi wani kimura akururandaati aimi nasati detindaise. Isi sahi maipihaiwa kiyohiwaiwa namasi japihi nepemaitiwī Autaahaatihomi piwiha gaaha waniha baiwi

giwunyaapise," undataase.

Kima Piwima Isihiya Murimurapi Jisaasiho Gaatihi Kiya Koai Nuwipinjai Niyohitihandapihaare
(Matiyuhu 4:18-22; Rukiho 5:1-11)

16 Jisaasiho sata kaundamapi durihiri Garirihandainapi niyataise. Niyati utaahuri wuri saingihom saaho ikih araiho kipwinihonihi noaitaatiwihih durihiraatihi taami timasihi kuri usonataise. Saahomi ambipati Saimonihore. O saingihomi ambipati Endiruhore. Kurami otipipati kaimi bimipati araiho noaitaatiwihati kaimi bindamaahure.

17 Aih Jisaasiho kuri saundataase. "Isihiya nisihiyaimatitaatiwihiyai numwaitaatimihandapi nini sahuraasangi kaindisasitaani ningi nanipinjai namise," undataase.

18 Uta kuri kaundihi keti kuraanihi kuri atimi ikih araiho nosihih kapihi ahotih namasi Jisaasihoai nuwipinjai niyamaise.

19 Aih Jisaasiho wonji niyatosati jata Jemisihotih saingihom Jonihotih kuri kopuhoti bindama taami ikih gwinihi titihemasih winjataise. Suri utaasuri Sepetihom mwaahure.

20 Aih Jisaasiho kuri iwinjatosa gaatihi kuri kurami sapihoaisuni otipipatihyaisuni namasi Jisaasihoai nuwipinjai niyamaise.

Kima Piwima Utaaho Womi Omayititih Itipihom Maipihom Bimih Jisaasiho
Nemwasitihandapihaare

(Rukiho 4:31-37)

21 Jisaasihotih kingwaasitih naiwi aunahipa witi katami ambipati Kapaniyamihanda bimauhi asisiha waiwa sanausotaise. Sanawih Judaahiyaanami Sapaatihandeti\ f Sapaatihandi sandi asisiha saararehura Judaahiya ikinhururaare.\ fe Jisaasiho ayaayi piwihaapi (Autaahaatihopi giwunyaapi) isihya ahoyanohaaaya nandaati isihiyai piwiha ausaati kataunjataise.

22 Kataunjih piwiha atiwisohiyihya komi kataunjindihandapi waati yaiwimawaapo. Isihya amitiha gaahaiwaisahiya Judaahiya sawanaami winihapipa katiwunjohiyihyaamatiyati kataunjataamaise. Owetise. Kohi Autaahaatihom watipihandisahosi kandi watipihandaahi kataunjataise.

23 Sura utaaho wo komihatih itipihom maipihom bindata ami iwinjatihom sandi anindaatih bindataise. Bindata sata gandaase.

24 "Nasaretihandaahapi Jisaasihoye kinyi nehi Autaahaatihom maaritimbipaahih kaimbihoiyitih nyah aimi gisonaahiyaane. Isi kinyi nyangi nanyopisasitaapi napaapi napise? Nehi nyainjase?" undawaatopo.

25 Saundauhi Jisaasiho itipihom maipihapai waapihita saundataase. "Sahi utaamoai namasi kaahaamaatiwi nehi bipi noaipasi nuwise," undataase.

26 Sata kaundihi itipihom maipihapa utaahoai nepi waati ahowiwi kisihisiwi waati kaahaatimi noaipasi nowaayopo.

27 Itipihom maipihapa Jisaasihom piwiha atiwiwi bipi noaipasi niyauhi isihya sandi mmonawa nahatiya yaiwimapi maariho owesuetih sawana sanawaatopo. "Kimandi wani napindi noaipasitihom? Kimomi kanyatindimandi wanhandi wipetahandi watipihande. Iyati ami itipihom maipihapai waapihita kaundihi bipi atiwiwi utaahomihetapi noaipasi nowaayopo," tiwi kanawaatopo.

28 Siyati Jisaasiho kaindihandapi piwiha yapipati Garirihandami aunahipa nahatewaara nesi kaniwi gamawaayopo.

Kima Piwima Pitaahom Sanohaamaatami Timbipa Jisaasiho Nemwati Titihiwisitihandapihaare
(Matiyuhu 8:14-15; Rukiho 4:38-39)

29 Siyati Jisaasiho itipihō maipihapai nemwasihī ami kandi aʻyindi namasi noaipasi titihī Saimoniya Endiruyaami aʻyaʻyi nandaawaayopo. Aihī ami Jemisiya Joniyaisangi maasi nomaise.

30 Sura Saimonihomi sanohaamaati sisiha nusoaipati yaawihī nanototihihuraasi kaatapi keti apaipi Jisaasihoai kaundawaayopo.

31 Kaundauhi Jisaasiho kaati nanototimbipihī niya ikwiri iwiwati titihiwisihī kaati sisiha nusoaipasitihandi busoati owesuendaise. Aihī kaati Saimonihomi sanohaamaati kiyaapi nandapa turihati turimanataise.

**Kīma Pīwima Isihya Timbipaisahiyai Kiyaami Timbipa Jisaasiho Nemwati
Titihemwasitihandapihaare**

(Matiyuhō 8:16-17; Rukiho 4:40-41)

32 Aihī kura asahataahura ipihō aimi namaatipati asisiha napandosihī isihya timbipaisahiyaisuni ami isihya itipihō maipihapa neti daahi ipihatisa bimisawihiyaisuni numwaasi Jisaasihoapihī nasawaayopo.

33 Aunahipa sataahapihī nahatiya aʻyaʻyami maasometeti masapipihī ahoyanawaayopo.

34 Isihya timbipa kahapa kahapaisawihiyai nemwa titihwiwa itipihō maipihapai neti natausaasataise. Iyataati itipihō maipihapa Jisaasihopi Autaahaatihomi Mwaahoso tiwi usoniwi gwinyaaahauhi Jisaasiho, "itipihōyi maipihōyi kaahaamaatime," undati maahomwaaʻyi neti nuwisapuwataise.

**Kīma Pīwima Jisaasiho Yapipati Garirihandami Aunahipihaiwaara Daayati Pīwiha Ausaati
Kaundindihandapihaare**

(Rukiho 4:42-44)

35 Asisihaatihī bowitandi asisepasihī Jisaasiho nanosipipihī namasi niyati isihya oweta watimihapihī Autaahaatihōai piwaundati gaapundataase.

36 Siyati gaapundati bimihī Saimonihouni komi naisihyauni Jisaasihopi daapi naiwi Jisaasihoai usonawaayopo.

37 Usoniwi Jisaasihoai saundawaatopo, "Isihya nahatiya kinyapi maahapihe?" tiwi daawaayopo undawaatopo.

38 Undauhi Jisaasihomiha piwiha wihoaʻyihā kiyai saundataase. "Nini piwiha ausaitandi napitihoninisi ami aunahipihaiwa deti ahetiwaiwaraahapi nutihaawo nini piwiha ausaati isihyai kaunditaano," undataase.

39 Sata Jisaasiho kaundamapaahi yapipati Garirihandami aunahipi nahatewaara gaamati daayati kiyaami aʻyihaiwa kaiwaapihī piwihaapi. Ami aniwa saiwa Autaahaatihopi giwunyaapi gaapundohiwaiwaare. ahoyanohipipihī Autaahaatihomi piwiha ausaati kaundataase. Ausaati kaundati isihyaamiheti itipihō maipihapa bimimbipai neti tahamansoasati nemwataise.

Kīma Pīwima Utaaho Womi Asaaha Pisapipa Jisaasiho Nemwasitihandapihaare

(Matiyuhō 8:1-4; Rukiho 5:12-16)

40 Utaaho wo asaaha pisapipaisaho nasati Jisaasihomi utatototi atotipiwesati bindataati Jisaasihoai sata nunjenataise. "Kinyi nisi asaaha pisapimba nepinimaitaapaahi kinyihandisi nepinimape?" undati nunjenataise.

41 Siyati nunjesihī Jisaasiho kopi maariho asipiwihī namati ikwiri komiheti ahewisataati saundataase.

"Kinyi asaaha pisapimba nehimaitandi gaare. Isi kinyi noaipapi yaumbwimaninipi gaahoyimate," undataase.

42 Jisaasiho sata kaundihi keti kuraanihi komi asaaha pisapipa owetihi noaipati gaahondaise.

43 Aihi Jisaasiho koai piwiha watipiha sata kaunda natausaasataise.

44 "Kinyi baimbi atime. Isihiya usaisi kinyi asaaha pisapipa nehimahohitihandapi aho nenimasihe tipi usaisi apipaahi windi kamundime. Nehi titihi koyinihi numbwi utaaho pirihiho isihiyaami maipihaiwaapi Autaahaatihoai dipumanitandi nandapa tihisihoapihi noaipape. Koaapihi noaipapi kinyi ambipati nunjapi nandapa wapa nunye. Nunyamih Autaahaatihoai dipumanitandi ko tahane Mosesiho katati ahaisiheti japepihirato. Saimbi kaisamih isihiya gi gisonawa komi pisapipa aimi owesuendaise tiwi gisondaatiwo," undati natausaasataise.

45 Sata Jisaasiho kaundihihandi kandi koho noti isihiya nahatiyai ausaati nahataapihi kaundati gaamataise. Aihi Jisaasiho sandapi namati aunahipihaiwaara isihiyaami ndiheti namoapase. Owe. Nehihapihi isihiya owhapihi bimih isihiyaahih mihopi mihinapihiya koapihi nasawaayopo.

2

Kima Piwima Utaaho Wo Ikwauhiri Biwateti Namihatati Napohoai Jisaasiho

Titihemwasitihandapihaare

(Matiyuho 9:1-8; Rukiho 5:17-26)

1 Asisiha aimi waiwa sanaihi Jisaasiho japihi Kapaniyamihandaahapi nasataise. Japihi napihi isihiya Jisaasihopi aimi japihi nasataise tiwi kaniwi gaamatawaayopo.

2 Saiwi Jisaasiho aimi yamore tiwi atisawaawi isihiya taahiyihiya napiwi ahoyanawaayopo. Isihiya ayaaayami deti maasomwaaayisangi tisaitiwi sisipa yondaise isihiya nandaitihira daihira apipaahi owetato. Aihi Jisaasiho Autaahaatihomi piwiha kiyai ausaati kaundataase.

3 Aihi isihiya murimuri utaaho wo komi ikwauhiri namihata biwatehoai gwitihoti ahiyawo tipwinji Jisaasihoapihi nasawaayopo.

4 Tipwinji napiwi Jisaasihoapihi nandaito tiwi mmonawa isihiya tisaitataati nandaitihira daihira apipaahi owetihi namapi ayihandami ayitaupwataatihi koai nesi yamwaawaayopo. Nesi yamwaapi mihasini ayitaupwataatihi bitotawa titihi Jisaasiho bitosisisini ayitaupwa nawatawaayopo. Nawataposawi utaaho gwitihoti kiyati nanototih wirihireti mihatih Jisaasiho bitosipihipi nusoasawaayopo.

5 Isihiya siya Jisaasihopi utaaho watipihosi nga utaamo kimoai titihemwaitaise tiwi giwunyaahohitihandi Jisaasiho usonataise. Usonataati utaaho ikwauhiri namihatihohoi Jisaasiho saundataase. "Nisi maasiho kinyi maipihaiwa nahatewa nini aimi nehimataayo," undataase.

6 Sata Jisaasiho kaundihi isihiya usa Judaahiyaami winihapipa katiwunjohiyihiya sa piwa atisawaawi kiyaami maarihoatihapi saiwi gwinyaawaayopo.

7 "Kimo satindimandi, 'Maasiho kinyi maipihandi nini aimi nehimataayo,' tindimandi napaapise? Autaahaatihohihi nga maipihaiwa nemwaitaise. Isi kimo utaamo nini Autaahaatihoniniso tati Autaahaatihopi sisipihindaase," tiwi kiyaami maarihoatihohi omayititihapi gwinyapenawaayopo.

8 Saiwi kiya mimaipaiwi gwinyapenihauhi Jisaasiho keti usonataise. Usonatosa kiyai saundataase. "Sahi sami omayititihapi napaapi saiwi gwinyapenihopo?"

9 Piwaamairi kimairami maahiwa nga napaisihaatitaise? Nini utaahoai saunditi, 'Kinyi maipihaiwa nehimataayo,' unditandiharo e 'Kinyi yutihiri gwaumbwi nanopotingirihiri dopi nawopi isisi numwe,' unditandiharo?

10 Isihiya Autaahaatihomihiyaimatitaatiwihiyami saaho Awaisiho jiho isihiya nahatiyaami

maipihaiwa nemaitandihoe tiwi mmoniwī gwinyaitaatiwi nini nasisitaani jasawise," undataase.

Saundatosati Jisaasiho ikwauhiri biwateti namihatisihoai saundataase.

11 "Nini gisi kinyi yutihiri gwaumbwi nanopotingipipa dopi bitotapa nawopi isisi numwe hitataato," undataase.

12 Aihi isihya ikwauhiri biwateti namihatisihoai baiwi iwinjasauhi ko doti nga itipiwati bitonda komi yutihiri nawoti isisi kiyaami ndiheti aimi keti naihi usonawaayopo. Aihi isihya sandi mmonawaawi aungwohandi waati yaiwimawaayopo. Yaiwimapi Autaahaatihomi ambipati mepi autaahepumwawaayopo.

Kima Piwima Utaaho Wo Komi Ambipati Ripaihoai Jisaasiho Gaata Numwaati Ningi Nanipinje Undindahandapihaare

(Matiyuho 9:9-13; Rukiho 5:27-32)

13 Jisaasiho jihara durihiri Garirihandaini taati naihi isihya taahiyihya iwinjaposawi napiwi Jisaasihoaapihi ahoyanhauhi Jisaasiho Autaahaatihomi piwiha kataunjataise.

14 Siyati piwiha kataunjamapi noti ayi windaapihi mmonata utaaho wo komi ambipati Ripaiho Aripayaasihomi mwaaho bimihī usonataise. So Ripaiso Romihanda Gamanihomi otipipati kaitandihō nawiho taakisihandi nesihore. Isi koai Jisaasiho saundataase, "Kinyi dosisi ningi nanipinje," undataase. Undihi Ripaiho Jisaasihomi piwiha atiwisati keti dosi Jisaasihoai nuwipinjataise.

15 Aihi Jisaasiho Ripaihomi ayaayi nandaati maasi Ripaihoaisati nandapa nanataise. Romihanda Gamanihomi otipipati kaitandihō nawiho nehohiyihyaatihi ami isihya maipihatima isihya usoniwi namahohitimatimaatihi Jisaasihoai nuwipinjai taahiyihya niyohiyihyaatihi Jisaasihotihī ami komi otipatihyaatihi bindawa nandapa nanawaayopo.

16 Saiwi Jisaasihoaisawi maasi nandapa taawi nanihauhi Judaahiyaami winihapipa katiwunjohiyihya Parisihya usonawaayopo. Usonawa Jisaasihomi otipatihyai saundawaatopo. "Kimo Jisaasimo isihya maipihya gamanihomi otipipati kaitandihō nawiho nehohiyihyauni ami isihya maipihatima isihya mmoniwimahohitimatimaisa nandapa napaapi nainje?" undawaatopo.

17 Aihi Jisaasiho piwiha sa atisataati namati wihoaayihā sata kaundataase. "Isihya timbipa owehiya ainahiyihya dokitaahoaapihi nowaamaayopo. Iyataati isihya satiwi, 'Nyahi maipihaiwa kamaayaati gaahyaanine,' tiwi genanihohiyihyai japihi gandi numwaitandi napitihoninimahe. Sikatima maipihatima isihya mimaipaiwi usonimahohitimatimaami maipihaiwa nemwati japihi gandi numwaitandi napitihonine," undati Jisaasiho kaundataase.

Kima Piwima Nandapa Onaayohitihandapihaare

(Matiyuho 9:14-17; Rukiho 5:33-39)

18 Aihi asisiha waara Joniho\ f Joniho Isihyai Baawusisiho so Judaahiyai Jisaasiho (Mesaiyaaho) napitaise undati piwiha ausaati kaundataase (Maakiho 1:4-8).\ fe Isihyai Baawusisihoai nuwipinjawi ko kaiwaiwa mmoniwī nepi kaiwi nuwipinjohiyihyaatihi ami isihya Parisihyaatihi Autaahaatihopi gaapunditaatiwi nandapa onaayawaayopo. Aihi isihya usa Jisaasihoaapihi naiwi noaipapi koai satiwi nunjenawaayopo. "Isihya Jonihomi otipipati mmoniwī nepi kaiwi koai nuwipinjohiyihyaatihi ami Parisihyaami otipipati mmoniwī nepi kaiwi nuwipinjohiyihyaatihi Autaahaatihopi gaapunditaatiwi nandapa onaayawaayopo. Onaayauhāndi kandi ami gi nangipinjawi kinyi otipipati mmoniwī nehohiyimiya napaapi onaamaayopo?" undiwi Jisaasihoai nunjenawaayopo.\ f Judaahiya Autaahaatihoi piwaundiwi nahowiwi gaapunditaatiwihura asisiha wiweti nandapa namaaniwi onaiwihyaare. Aiwi ami kiyaami maariho wapaapi asipaitaatiwihura nandapa namaaniwi namapi nehi

bimaawihyaare.\fe

19 Aih Jisaasiho kiyai wihooayih piwiha sata kaundataase. "Utaaho apopaati neti wiraitandi timetisiho komihyaisati maasi bimonih komihya nandapa windi onaamaitaapo. Owetitaise.
20 Ami ko apopaati neti wiraitandi timetisihoai isihya numwaasi naisaihi ami ko komi naisihyaisati windi bimimonih sura komi naisihya nandapa onaitaapo.

21 "Utaaho wo yutihiri napwirinonihura gwindandi asirihiri ahiyati namihawati windi gimwindaise. O siyati jahirihirisati namihawati gwinihonaahi asirihiri watipindaati jahirihiri jiji napwirinjonyonji nusatipihaati waahiwati awaindi napwirindaise.

22 Utaaho wo waapoho niwitandihura wipati pusa napuwahata waapoho asoho niwataamaise. Owetise. O ami wipati siyati pusa aimi napuwahati maiphata nihonaahi windi biyati jimaitaise. O utaaho wo wipati asipata waapoho asoho niwataataahi windi ayumaawati biyati jipiyonih nga maariho witati nandaise," undati Jisaasiho kiyai kaundataase.

Jisaasiho Asisiha Sapaatihandami Awaisihore

(Matiyuhu 12:1-8; Rukiho 6:1-5)

23 Asisiha wa Sapaatihandeti Jisaasihotihi komi otipipatihyaatihi osaataati maasi daiwi bitopi nowaawi komi otipipatihya nandapa wapa witihandi kipowaayopo.

24 Saiwi kipwauhi isihya Parisihya usonawa Jisaasihoai saundawaatopo. "Kima asisiha ikindihaaha Sapaatihandeti kimiya isimiya gi nangipinjawi kinyi kaingiwaiwa mmoniwi nehohiyimiya nyami winihapipa Sapaatihandeti otipipati isihya windi kamaiwise timbipa nepi nopisasiwi nandapa napaapi kipwopo?" undiwi Jisaasihoai kaundawaatopo.

25 Aih Jisaasiho wihooayih kiyai sata kaundataase. "Jihura Daawitih nandapa nandandihapa owetih komihyaisa jaumasih kaindihandapi sahi piwiha awitiwi mmoniwi gwinyapihiyaato?

26 Siyati Daawitihouni komihyauni jihura jaumasih niyati Abaiyataahoai biretihandi nepo undih ami Abaiyataaho nandaati nandapa biretihandi Autaahaatihomi ndiheti ahotitandi ahiyohitihandi neti numwih ko nanataise. Sura pirihiho Abaiyataaho bimihihuraare. Sapa nandapa biretihandi isihya nehihya nepi nandaatiwihapaamaahe. Owe. Nehi Pirihihiyahih nandaatiwihapaare. Saitaatiwihapaatihandi kandi Daawitih neti nanati ami komi isihya koaisawitohohiyihiyai numwih nanihopo," undataase.

27 Saundatosati ami wa saundataase. "Asisiha Sapaatihandi isihya nepi itatamanitaatiwi Autaahaatiho kiyati ahiyataamaise. Owetise. Asisiha Sapaatihandi isihyai neti iwitatamanitandi Autaahaatiho kiyati ahiyataise.

28 Isi Nini Autaahaatihomi Isihyaami Saahonini Awaisihonini Jihonini asisiha sa Sapaatihandi kaindi ahiyohihoninisi ami nini niwahonini asisiha sa Sapaatihandami awaisihonine," undataase.

3

Kima Piwima Asisiha Sapaatihandeti Jisaasiho Utaaho Wo Ikwiri Namihatati Biwatesihoai Titihemwasitihandapihaare

(Matiyuhu 12:9-14; Rukiho 6:6-11)

1 Aih Jisaasiho japihi ayay piwihaapi isihya ahoyaniwi ami Autaahaatihopi gwinyapi gaapundohipihapi niyataise. Niyati nandaati mmonata utaaho wo komi ikwiri namihatati biwateho

sapihi bimihi usonataise.

2 Aihi isihiya usa Jisaasihoai iwinjatawaayopo ami uta ikwi biwatesoai Jisaasiho asisiha Sapaatihandeti titihemwaso tiwo. Ami Jisaasiho koai titihemwahonaahi kinyi sandi asisiha ikinaati Autaahaatihopi giwunyaitihaaha Sapaatihandi nepi nopisasipi kiyapaise undiwi kaundito tiwo.

3 Aihi Jisaasiho ikwiri namihatati biwatesihoai saundataase. "Kinyi dopi kimbibi isihiyaami ndiheti nambi bitose," undataase.

4 Saundatosa isihiya nahatiyai ko sata nunjenataise. "Asisiha Sapaatihandeti gaahati kaitihaawo e maipihati kaitihaawo? Isihiya yaawati naayihaiwa nehohiyihiya itatamaniniwi nga bimitaatiwi nyahi kiyai iwitatamanitihaawo e daahi yaawihaiwa nunyaati siyihiyai tiwaamaitihaawo?" undataase. Aihi kiya wihoaayiha wa kamundiwi kaunditiha owetih nehi jatawaayopo.

5 Aihi Jisaasiho nahatiyai iwinjataati apousataise. Apowindimandi kiya Sapaatihandapi waati gwinyaawaawi utahopi windi maariho asipimaawisauhi usonataate. Aihi Jisaasiho ikwiri biwateti namihatati maipitisihoai saundataase. "Kinyi kinyi ikwiri titihihi mbape," undataase. Undihi ko atisati komi ikwiri titihiwati mbasihi keti kuraanihi noaipati gaatati sawanyinjapihirindaise.

6 Siyati Jisaasiho kaihi isihiya Parisihiya usoniwimapi nuwi keti awaisiho Erotihomihiyaisawi Jisaasihoai tiwitaatiwhandapi piwiha kanawaayopo.

Kima Piwima Isihiya Taahiyihiya Durihiri Garirihandaini Ahoyanotihandapihaare

(Rukiho 6:17-19)

7 Aihi Jisaasihotih komi otipipatihya komi otipipati mmoniwi nepi kaiwi niwipinjohiyihiyaatih durihiri Garirihandainapi kapihi namasi nowaayopo. Niyauhi ami isihiya taahiyihiya wirisandihandi Garirihandaahapihya Jisaasihoai niwipinjai nowaayopo.

8 Isihiya Jisaasiho kaiwaiwaapi piwiha atiwi newaawi yapipati Judiyaahandaahapihyaatih ami aunahipati awaipati Jerusaremihandaahapihyaatih ami yapipati Itumeyaahandaahapihyaatih ami yapihaiwa waapihaati Joritaanihaataihaoayi ahetiwaiwaraahapihyaatih ami yapipati Taiyaahandaahapihyaatih ami yapipati Saitonihandaahapihyaatih taahiyihiya wirisandihandi Jisaasihoaapihi nasawaayopo.

9 Nasauhi Jisaasiho usonata isihiya taahiyihiya wirisandihandi ahoyanihauhi namati komi otipipatihyai saundataase. "Isihiya taahiyihiya waati ahoyanawaayowi nisihini waati nasawaawi nepi nihipi nihawitaawi kopuhoti yandih durihiraatih bindata piwiha ausaati kaunditaani kopuho wo nepi nimaniwise ami isihiya ningi windi nepi nihipi maanihiwito," undataase.

10 Jih isihiya usai kiyaami timbipa nemwati titihemwasih usopihyaasi kandapi ami usa timbipaisahiya koai numwihatiwi uwiwitaatiwi komihini deti deti nasawaayopo.

11 Aihi itipih maipihapaisawihiyaisangi nuwi deti Jisaasihomihini timahiyawi ahosauhi itipih maipih isihiyai timbipa nunya bimisiho kiyaamihetapi waati kaahaata Jisaasihoai saundataase. "Kinyi Autaahaatihomi Mwaahoye," undati kaundataase.

12 Sata itipih maipih kaundihi Jisaasiho itipih maipihapai, saundataase. "Itipihoyi maipihapaarayi nisi ambipati isihiya nahatiyaami ndiheti ausaapi kamaatime," undati watipitati niwisapuwati kaundataase.

Kima Piwima Jisaasiho Komi Otipipati Kaiwaiwa Mmoniwi Nepi Kaiwi Niwipinjohiyihiya Sawana Otipipati Namihaniwi Kaitaatiwi Natausaasitandi Neti Ahoyati Namihainjitihandapihaare

(Matiyuho 10:1-4; Rukiho 6:12-16)

13 Jisaasiho niyati nasaamana sisihoasini bindata komi gwinyaati maaritati numwaasawihyaapi

gandaase. Gaatihi kiya nuwi Koai winjawaayopo.

14 Jisaasiho isihya koaisawi maasititaatiwuni ami Autaahaatihomi piwiha awusaitaatiwi gaata numwaasawihya 12 kaiwi ikwimaindimwitihuhirami yahuritahiyaare. Isi kiyai Jisaasiho ambipati witi asipati satati, "aposerihyaate," unda ambihundataase.\f Sati ambiti aposerihyaate undindimandami tanyaaha siyate, "Nini otipipati kiyonihini nisoniwi nepi kiyohipati sawanaati kaitaatiwi nandisoasataayo," undati ambihundataase.\fe

15 Ami ko kiyai itipihoma maipihapa isihyaamihetapi nemaitaatiwi watipihandi numwitandi gaatati numwaataise.

16 Iyataati Jisaasiho komi otipipatihya ikwiri maindimwitihuhirami yahuritahiya 12 kaiwihiyai namihainjawihyaami ambipati kimate: Wo Saimonihoe. Ami koai Jisaasiho ambipati witi Pita unda nusoaasataise.

17 Aihini ami wuri Jemisiyi Joniye. Suri Sepetihomi mwaahure. Ami kuri Jisaasiho ambipati witi Boanesesihurahe undati ambihundataase. Sati ambitamitinyaaha "asoahaamataimihurahe," undataase.

18 Aihini ami usa kimiyaare: Endiruhoma Piripihoma Batromiyuhoma Matiyuhoma Tomaasiho Aripiaasihomi mwaaho Jemisiho Taatiyaasiho Saimonihoma isihya Jerotihyaamihotihini,

19 ami Judaasiho aunahipati Kariyotihandaahapihotihini siyaare. Judaasiho so Jisaasihoai ipotihura komi tiworisaami ikwiraatimasihore.

Kima Piwima Isihya Jisaasihopi Berisepurihomi Watipihanda Otipipati Kiyataise Tohitihandapihahaare

(Matiyuhoma 12:24-32; Rukiho 11:14-23, 12:10)

20 Aihini Jisaasiho kaundati kiyamapi ayayai nandaasihini ami isihya taahiyihya waati ahoyanihauhi Jisaasihoini komi otipipatihyauni nandapa nandaatiwihandi owe.

21 Aihini Jisaasihopi isihya satihini, "Ko nandapa windi nandandihandi owetauhi," ami komi saingoya sanaapwisa ami sanaati atisawaayopo. Saihi atisawaahi, "Ko naharisataise," tihi gwinyaapi koai numwaitaatiwi nowaayopo.

22 Aihini isihya Judaasihyaami winihapipa katiwunjohiyihya Jerusaremihandahapi napihi Jisaasihopi satawaatopo. "Kimo utaamo Berisepurihoma Bwaasirihisihore. Iyati Berisepurihoma itipihoma maipihapaami mitihomi watipihanda Jisaasiho itipihoma maipihapai nemataise," tawaatopo.

23 Satauhi ami Jisaasiho isihya numwaati neti ahoyati piwiha neti siwipati sitorihandi nepemaahiwati kataunjataise. Iyati saundataase, "Bwaasirihini ami Bwaasirihini napitihya nemataise?"

24 Iyataati ami isihya yapipati naasaipitaahapihya tunnawaawaahi baihi windi bimimitaapo.

25 Iyataati ami wusasi nususasi sawusasi tunnawaawaahi tunnihi natapaatihi windi nga bimimitaapo.

26 Iyataati Bwaasirihini wihiwihoyai natapaatatesi sawandiri tunnataataahi windi anditimitaise. Anditimitati neti nopisasinati owetitaise.

27 "Iyataati utaaho wo watipihomi ayayai ami utaaho wo topitaata nandaati ikipipa ikona namataise. Owetitaise. Nehi jihini ayayami satihoyai anitisa wirihira wisasati ahiyatosataahi nga komihapa ikona naitaise.

28 "Nini kimandi akitihini sangi kasatitaano maipihaiwa nahatewa isihya katihi kiyohiwaiwa Autaahaatihoma nga nemwaitaise.

29 O ami isihya Autaahaatihomi Itipihoma Gaahopi maipihaiwa katihi sisipitawaawaahi sandi kiya sisipitotihandi Autaahaatihoma windi nemaamahonihini kandihini ahotitaise," undataase.

30 Jisaasiho sata kaundindimandi isihiya usa kopi itipiho maipihoaisahore tauhi kandapunje.

Kima Piwima Jisaasihomi Sanaati Saingoya Akiyihyaapihaare

(Matiyuhu 12:46-50; Rukiho 8:19-21)

31 Aihi Jisaasihomi sanaatuni ami saingoya sanaapwisauni napiwi ipaahaapi bitotawa Jisaasihopi noaipasi nasane tiwi piwiha nusoasawaayopo.

32 Iyauhi isihiya taahiyihya Jisaasihoaisawi maasi mihatihia ayititihia koai otaatemapi bindawa saundawaatopo. "Kinyi kinaati kwinyihoya kinaapwisa kimiya ipaahaapi bitotawa kinyapi taawi gaatawaayopo," undawaatopo.

33 Saundauhi Jisaasiho komiha wihoaayihia kiyai saundataase. "Nisi naati nisi nihoarisa naapwirisa diye?" undataase.

34 Saundatosa kaaay i ayaay maasi Jisaasiho sawihoaisawi bimohiyihiyai winjataise. Iwinjataatai saundataase. "Kimiya nisi niya nisi nihoarisa ami nisi naapwirise.

35 Isihiya Autaahaatiho maaritahi gwinyaasirihireti japepihrohiihiya siyaahihia titihia nisihiya akiyihya nisi nihoarisa ami nisi naapwirisa ami nisi naati siyaare," undataase.

4

Kima Piwima Utaaho Wo Nandapaami Kwitaaho Osaataati Tiwihaasihopi Siwipati

Namihanahaare

(Matiyuhu 13:1-9; Rukiho 8:4-8)

1 Jisaasiho jahira namasati durihiri Garirihandaini isihiyai Autaahaatihomi piwiha kataunjataise. Aihi isihiya apipaahi wirisandihandi komihini ahoyanihauhi ami ko wo kopuhoasini yamwaati durihiraatihia deti aripataamihini bindataise. Aihi isihiya durihiraini deti aripataatihia bindawaayopo.

2 Jisaasiho kiyai piwiha siwipati nepemaahiwa taahiwaiwa kataunjataise. Iyati ko saundataase.

3 "Atiwise. Utaaho wo komi osaataati nandapaami kwitaaho tiwihaitandi neti isisi notaise.

4 Isisi noti kwitaaho osaataati tiwihaataise. Tiwihaasihia nandapaami kwitaaho wapa daihira timahiyataise. Timihaihi koho nasati neti nanataise.

5 Aihi ami wapa kwitaaho nawiheti autaahi yapihonya yahonyaahi ahotihihapihi timahiyataise. Siyati yapihonya tiwahaati yahonyaahihia ahotihihapihi timahiyataati ami yapipati nehi yaataatindaati keti kuraanihi nutataise.

6 Nutati taati sanaihi ipiho ipindaati nawihetisi tihia tambatihiri baahi namotaati awaipindaise.

7 Aihi ami wapa kwitaaho anipihia kaariha mwitoaipataatihia timahiyataise. Aihi anipihia kaariha mwitoaipati waati nawataati nandapaami kwitaaho nutisihoi neti namaasati itaatihi gipwipwatati nehaayataise. Siyataati kapa nandapa biyati nga nawati ami nandapa yandipihia windi namingose. Owetise.

8 Aihi ami isapipa kwitaaho wapa yapipati gaahata timihaimbipa nga nutati nga saniyati gwinyanati yandipihia akoho ningotaise. Siyati nga nawasipipaami wapa pihitahi 30 kiyati nandapa yandipihia ningotaise. Aihi ami yandipihia wapa nandapa pihitahi 60 kiyati ningotaise. Aihi ami wapa pihitahi 100 kiyati ningotaise."

9 Aihi ami Jisaasiho satatosati isihiya koai atiwijatohiyihiyai saundataase. "Sahi nisi piwiha atinisoihiyihyaati piwiha sa sahi baiwi atiwipise," undataase.

Kima Piwima Jisaasiho Piwiha Siwipati Namihanati Katisihaapi Sandapi Kato

Undindihandapihaare

(Matiyuhu 13:10-17; Rukiho 8:9-10)

10 Ipoti wura Jisaasiho nehi sawahohihi bimihhi komi aposerihya 12 kaiwihyaatihi ami isihya usa deti komihinitohiyihyaatihi nuwi Jisaasihoai satiwi nunjenawaayopo. "Kinyi siwipati nepemaipi kanyatingihaami tanyaaha ausaapi kanyate?" undiwi nunjenawaayopo.

11 Aihhi Jisaasiho wihoaa'yiha sata kaundataase. "Sangisaahi Autaahaatiho komi isihyai iwinjatindihandapi noasandimbipa aimi neti nasisa gisunyaasihi sahi aimi mmoniwi nehopo. Ami isihya ipaahaapihyaahi piwiha nahatewa nehi siwipati nepemaipihaiwaahihhi atisawaayopo.

12 Ami sandi tanyaaha siyate:

'Kiya nisapi pihitiwi jambiwi windi akipipa mmoniwi namaitaatiwo. Aiwi kiya atiwi pihitiwi atimbiwi ami akipipa windi gimaawunyaata namusesapatitanda. Ami kiya nga mmoniwi nepi ami giwunyaatati nusesipatonihhi nisenda japihi nepemaitiwi napisaihi nini kiyaami maipihaiwa nemwatipane,' ndi piwiha siwipati namihandi kandaato,"

Aisaiyaaho 6:9-10

undataase.

Kima Piwima Jisaasiho Utaaho Wo Isapipa Kwitaaho Tiwihaasihopi Siwipati Namihanati Katisiha Nesipati Katindihandapihaare

(Matiyuhu 13:18-23; Rukiho 8:11-15)

13 Aihhi Jisaasiho komi otipipatihyai saundataase. "Piwiha nepemaiti siwipati namihandi kasatohimaapi sangi gimaasunyainjo? Gimaasunyaatonaahi ami nini piwiha siwipati namihandi kasatohiwaiwa nahatewa napitiyati gisunyaatitaise?"

14 Utaaso isapipa kwitaaho tiwihaaso so siyati utaaho Autaahaatihomi piwiha isihyaami oma'iyititihhi isapipa kwitaahomatiyati tiwihaati yamasihore.

15 Isapipa kwitaaho daihira timihaihi koho neti nainjitimandi sandi isihya Autaahaatihomi piwiha atiwi nepi kiyaami oma'iyititihhi ahiauhi Bwaasirihiri keti kuraanihi nasati Autaahaatiho komi piwiha kiyaami oma'iyititihhi yamatosisiha nemasitihandapi namihanahaare.

16 Ami isihya usa isapipa kwitaaho nawiheti yapihonya nehi yaataati yahonya ahotihihapihi timihaisihomataiwihhiye. Kiya Autaahaatihomi piwiha kiyai katiwunjohiha keti maaritiwi atiwi nepi isiwatawaayopo.

17 Nepi isiwatawaahandi kandi ka piwiha kiya atiwi nehotiha kiyaami oma'iyititihhi piwiha dahopeti gaamati baahi kiyai windi namusese. Aihhi kiya piwiha ka nehi masihonjapi isiwatawaayopo. Aihhi isihya usa Autaahaatihomi piwihaapi pohipaiwihya kiyai nepi uripatitaatiwi itihundiwi tiwauhi yaiwi keti kuraanihi piwiha namawaayopo.

18 Ami isihya usa isapipa kwitaaho anipihhi kaariha mwitaipataatihi timihaihi anipihhi kaariha neti itaatihi windi nga gimunyana gipwipwitati nehaisihomataiwihhiye. Siya Autaahaatihomi piwiha isihya kiyai katiwunjohiha atiwi newaayopo.

19 Siya atiwi newaahandi kandi kiya mambihaiwa kiya baiwi nga bimitaatiwihaiwaapi pihitiwi gwinyapenihotihandi ami nawihhi ikipipa nepi ahoyotihandi ami wiwa wiwa nehi maipihaiwaapaahihhi maariho nusoasawimahohitihandi tisaitati Autaahaatihomi piwihai neti itaatisataise. Aihhi ka piwiha kiyaami piwiha dahopa bimohirihiretapi isapipa kwitaahomatiyati gwinyanati akipipa yandipihhi nandapa windi nimaatati namingose.

20 Iyataati ami isihya usa isapipa yandipihhi yapipati gaahata timahiyati biya nga nuta saniya akipipa ahotati ningosipatamataiwihhiye. Siya isiya Autaahaatihomi piwiha kiyai katiwunjohiha atiwi nepi anitiwi isiwatohiyihhiye. Isi kiya piwiha atisohihaami nandapa akipipa kiyaamihetapi noaipataise.

Usaamihetapi nandapa akipipa pihitati 30 kiyati ningotaise. Aihi ami usaamihetapi pihitati 60 kiyati ningotaise. Aihi ami usaamihetapi pihitati 100 kiyati ningotaise," undati Jisaasiho kiyai tanyaaha nesipa ausaati kaundataase. \f Piwiha kimaami tanyaaha siyate: Isihiya Jisaasihoai nunyaniwi komihiyaimatohiyihya isihiya usa Jisaasihomihiyaimatitaatiwihiyai kiyaaami piwiha dahopa bimohirihiretapi numwaawaawaahi sandi nandapa akipipa yandipiho ningopi namoyaawaayopo.\fe

Kima Piwima Norihiri Asatipati (Ramihandi) Tipopi Yutihiraatihu Noasotihandapihaare

(Rukiho 8:16-18)

21 Aihi ami Jisaasiho kiyai saundataase. "Utaaho wo norihiri asatipati (ramihandi) tipoti yutihiraatihu napapihati noasati ahaitaise? Owetitaise. Ko windi siyati kamaitaise. Ko tipoti autaahiwati aupwipihu ahaitaise.

22 Siyati tipoti autaahihonihu wapa nahataapa asihatinditihu noasandimbipa ausaimanitaise. Iyonihu ami wapa noasandimbipa ausaimaninihonihu isihiya mmondaapo.

23 Sahi isihyaati ningi nga atinisoihiyihyaati baiwi atiwi nepise," undataase.

24 Saundatosa ami Jisaasiho piwiha wa kiyai saundataase. "Piwiha wani nini kasatonihu atisohimaapi sahi baiwi gwinyaapise. Sahi isihiya usaisi wapa nunyohirihiri kireti japepihirati Autaahaatihu ami sangi nasamitaise. Nasanyati ami waati pihitati tisaahiwati nasamitaise.

25 Iyataati ami isihiya usa Autaahaatihomihaiwa waati nga mmoniwi nehohiyihiyai Autaahaatihu ami waati pihitati kiyai numwitaise. Ami usa Autaahaatihomihaiwa windi waati nga mmoniwi namehohiyihiyai ami nehi masihonya kiya mmoniwi nepi gwinyaahonyonya kiyaamihetapi ko nemaitaise," undataase.

Kima Piwima Isapipa Kwitaaho Nawasitihandapi Jisaasiho Namihanati Katindihandapihaare

26 Jisaasiho sata kaunda owematosa ami piwiha wa namihanaha kiyai saundataase. "Autaahaatihu komi isihiyai iwinjatindihandi siyate. Utaaho wo isapipa kwitaaho yapipataatihu niyaamati tiwihaasihomatiyahande.

27 Tiwihaatosati apatihu ami otapihaati nanihiyati utaaho nanoti nepati daaya bindataati isapipa kwitaaho ko tiwihaasihopi napitiya nutati gwinyanati nandapa akipipa ningoti ahotise tati windi mmonati gimunyaase.

28 Yapipatamihandisi yapipati sawandipi waapoho atipati numwihisapipa nutati nawataise. Iyati yanisa saniyati kwitaaya nandawisa nandapa akipipa yandipiho ningoti ahondaise.

29 Iyati nandapa akipipa akuraahahi kapa kipwitaatiwi timetihihura mba niyaamati tiwihaasiho namatanaati neti kanaata tisetati kipotaise," undati kiyai kaundataase.

Kima Piwima Nandapaami Kwitaaho Maasitetihandapi Jisaasiho Namihanati

Katindihandapihaare

(Matiyuhu 13:31-32; Rukiho 13:18-19)

30 Jisaasiho sata kaundatosa ami wa saundataase. "Autaahaatihu isihiyai iwinjaati bindata komi kaindihandapi napitiya namihanaati katitahaawe? Nyahi Autaahaatihu komi isihiyai winjatindihandapi siwipati maahiwiti namihana nepemahiwa katitahaawe?

31 Autaahaatihu komi isihiyai iwinjatindihandi nandapa isapipaami kwitaaho apipaahi turikaarehonji maasitetihandamatiyahande. Iyataati maasitetihandami kwitaaho apipaahi turikaarehonji osaataati yamapi tiwihaawaayopo.

32 Tiwihaahauhi ko kwitaaho nutati nawati ami osaataatami wapa ipi yandipihoko kwitaaho yamahohipapai nusatipihaati keti gwinyana saniya apipaahi awaipatititi ami kati isititi saatitipiyataise. Ami katami isititi saatitihoeiti koho ainjhipipa nasati nga katihisi sihwihatihisi itiha itaayati bimitaise," undati Jisaasiho kiyai kaundataase.

Kima Piwima Jisaasiho Piwiha Namihana Nepemaahiwihaiwaahihi Kataunjindihandapihaare
(Matiyuhu 13:34-35)

33 Jisaasiho piwiha saiwaamatiyahaiwa pihititi siwipati namihana nepemaahiwa isi wirisandihiyai kiya nga mmoniwi nepi gwinyaitiwihamwaaŷi kataunjataise.

34 Ko siyati nasisoari piwiha siwipati nepemahiwa namihana kataunjataise. Iyataahandi kandi ami kouni komi otipipatihya koai niwipinjohiyihyauni nehi sawanaahi bindawaahura kaiwa piwiha nepemaahiwa namihana katiwaiwaami tanyaaha nesipati iwinjapwaati kiyai kaundataase.

Kima Piwima Durihiraatihi Itinambitihiri Awaindi Waati Tiwayaasihi Jisaasiho Kiri Yatihite
Undindihandapihaare

(Matiyuhu 8:23-27; Rukiho 8:22-25)

35 Jisaasiho saiwa piwiha kataunjamapi sura asisiha napandosura koai niwipinjohiyihya otipipatihyai saundataase. "Durihirami mihihinapi kopuhoti nutihaawo," undataase.

36 Sata nutihaawo undihi kiya atiwi kopuhu Jisaasiho aima bimisihoti naapwaatawayoyo. Naapwaatiwi kapihi isihya wirisandihiyai namasi Jisaasihoaisawi nowaayoyo. Niyauhi ami kopuhu wiwaisangi maasi kiyaisa notaise.

37 Saiwi taawi niyauhi mbipa watipihapa durihiraatihi dotaise. Iyati durihiri neti ahoyati tiwayaasihi ami nausiha kopuhomi bopinini tiwayaati naweta ami mihiatihi kopuhooatihi waapihaati nandaati tisaitataise.

38 Aihi sura Jisaasiho kopuhomi ahoasihopi dawaapihi yutihiri (kusinihandi) mitaapaitiwihihi mitaapa nanotondaise. Siyati nanototihisi komi otipipatihya owetitihahati kendaisi waapoho nanaati nawatisaanipani kinyi nyangi nyasonipi ginyunyaapaino?" undawaatopo.

39 Saiwi Jisaasihoai ahowimihauhi ko nepati mbipaisuni durihirisuni itihunda saundataase. "Mbiparaŷe mbimwaapi bipi namihaape. Ami durihirangisangi waati timipiyaapi bipi yatihitipi ahomaimbi nimande," undataase. Sata Jisaasiho kaundihi mbipauni durihiruni yatihititi owendaise.

40 Aihi ko koai niwipinjohiyihya otipipatihyai saundataase. "Sahi napindapi yayoyo. Nisapi sahi windi gimaanunyaahowo?" undataase.

41 Aihi kiya sandi mmonawaawi apipaahi aungwohandi yaiwi sawana sanawaatopo. "Utaamo kimo napitetahondaatitindiho ami mbipa itipihoko itipinjithanduni durihiri tiwayaasitihanduni komi piwiha atiwisati bipi keti owendaiso?" nnawaatopo.

5

Kima Piwima Itipihoko Maipihapa Utaaho Womiheti Bimihihapai Jisaasiho Nemasitihandapihaare
(Matiyuhu 8:28-34; Rukiho 8:26-39)

1 Aihi kiya Jisaasihotihisi komi otipipatihyaatihi saiwi durihiri Garirihandi nahaitiwi mihihini nuwi yapipati ami aunahipati taunihandi Geraasahiyaamihata noaipawaayoyo.

2 Notiwi Jisaasiho kopuhu aima namasi taati naihi keti utaaho wo itipihoko maipihapa bimoho Jisaasihoai iwinjatosati napihisi nutanamaise. So utaaso itapipa ahiyohipihisi jomaahipati nawihaatihi

nanoti bimainjaho katihi nasisoaari bisotimbipihhi jomaahipataatihapi noaipasi nasataise.

3 So utaaso itipihho maipihapaisaho nahateweti itapipa ahiyohipihhi jomaahipataatihhi nanoti bisondaahore. Iyataati isihiyaisangi ipipati gwihiri watipihapaaraahisangi windi andititiwi wimisasawihore.

4 Isihya ipipati gwihira anitiwi wisasawi ahiyauhisangi nehi bipi nainjaati ahiyami nahateweti konihi notoatitihhi isihya anditititaatiwihandi owetihhi kaimbiwi namihaahauhohore.

5 Iyataati apatihhi otapihaati jomaahipati itapipa ahiyohiwaiwaatihhi nanda noaipa sisihho sihoarihiri gaamati konyahata nawihaara sawaho tunna namautahore.

6 Isi ko jata Jisaasihho kaanihi wonji taati napihi keti yuhiti niyati Jisaasihomi utatototi timahiyati komi atotipati Jisaasihomi auhiraapihhi deti atotipiwesati bindataise.

7 Atotipiwesati bindataati Jisaasihhoai waati kaahaata saundataase. "Jisaasihoye, Autaahaatihho nahatewai ipatisamati autaahi yamihapataatihhi bimisihomi Mwaahoye, kinyi ningi napitinitaape? Nini Autaahaatihhomi ambipataahi watipindi waati kahitataatoni kinyi ningisi yaasihandi windi namaaninye," undataase.

8 Itipihho maipihho sata kaundindimandi Jisaasihho ami aimi saundati, "Kinyi itipihoyi maipihoye, utaamo kimoai namasi noaipasi numwe," undati kaundihi kandapise.

9 Aihhi Jisaasihho koai saundati, "Kinyi ambipati napimahoye?" undati nunjenataise. Nunjesihhi ko saundataase. "Nisi ambipati Taahihonine. Sandi Taahihonine hitohitimandi ami itipi maipihyaani taahiyihyaanini bindihaawihito," undataase.

10 Iyati itipihho maipihapa Jisaasihhoai saundiwi, "Nyahi kimbihhi bimitihaawiyoni nepi natipinyoasitaini, owe," undiwi kaundawaatopo.

11 Aihhi kapihhi maasapiho taahihho sisihonjamihini deti bitotawaayopo.

12 Aihhi itipihho maipihapa Jisaasihhoai waati kaahaatiwi saundawaatopo. "Jisaasihoye, nyahi nowa kimaiwa maasapimaiwaamiheti nandaitaani nepi natipinyoase," undawaatopo.

13 Satiwi itipi maipihatima kaundauhi ami Jisaasihho, "gaasi nuwi maasapiho soeti nandaapise," undataase. Satati kaundihi itipi maipihatima utaahomihetapi noaipasi nuwi maasapihoeti nandaawaayopo. Nandaahauhi maasapiho so taahihho ambipati owehandisi 2,000 kiyaho nahato mihetapi yuhiti noti mihopi durihiraatihhi nahandi witamataise. Siyati nahato 2,000 kiyaho durihiraatihhi witati waapoho nanati nahato konihi napomataise.

14 Aihhi isihya maasapiho yamaniwi jaawi bitohohiyihya sandi mmoniwiwimapi yuhiti nuwi isihya osaataati bitohohiyihyaaisuni ami aunahipata bimohiyihyaaisuni kaundiwi gaamawaayopo. Aihhi isihya kiyaami piwiha atiwimapi mmondaatiwi yuhiti nasawaayopo.

15 Kiya yuhiti napiwi mmonawa utaaho itipihho maipihapa komiheti bimihhi konyahita naharisa daayatoatisihho naharindihandi owetati komi amitiha biyati iwinjapwaatihhi nanihiyati uti apotina nanihya bimihhi napiwi usonawaayopo. Kiya koai saiwi usonawaawi aungwohandi waati yayawaayopo.

16 Aihhi kiya utaaho itipihho maipihapaisaho Jisaasihho titihemwasihhoaisuni ami maasapiho nahato durihiraatihhi witati waapoho nanati napwindihanduni mmoniwi piwiha nesi nuwi isihya nahatiyai kaundiwi gaamawaayopo.

17 Aihhi kiya saiwa atiwi mmonawaawi Jisaasihhoai kiya namasawi saundawaatopo. "Kinyi nyami yapipati kimati namasi wapihapi keti kimikuraanihi dosisi numwe," undawaatopo.

18 Jisaasihho aimi japihi nutandi kopuhoti nasaamasihhi ami utaaho itipihho maipihaiwa komiheti bimihhi titihemwasihho Jisaasihhoai nunjenati saundataase. "Nini gisati maasi nutaani kinyi gaare nde?" undati nunjenataise.

19 Sata ko nunjesihi Jisaasihomiha wihoaayihaha sata kaundataase. "Kinyi ningisapi windi namutaise. Owe. Isi nehi kinyi ayipipihapi numwe. Numbwi ami kinyi kiwahonyihya nahatiyai Awaisiho gisi gitamanitandi maariho wihiwati ami gaahati kahisati ami itipihoma maipihapa kinyihetapi nemasitihandapi piwiha ausaapi kaunde," undataase.

20 Sata Jisaasiho kaundihi ko keti kuraanihi kapihi namasi noti aunahipa witi katami ambipati aunahipa awaipati taunihandi Dekaporisihandi Ikwimaitimohata noaipataise. Sapihi noaipati ko satati, "Jisaasiho itipihoma maipihapa nisiheti bimimbipa nenimasihini nini noaipati wani gaahonine," undati komihiyai piwiha ausaati kaundataase. Kaundihi isihiya komi piwiha atisawaawi ese tiwi maariho owetihini yaiwimapi aatimawaayopo.

Kima Piwima Jairaasihomi Metihaati Aimi Napomasihaati Jisaasiho Japihi Ahowimati Ami Apopaati Waati Komi Apotihiri Iwisihini Kaatami Timbipa Owetindihandapihaare

(Matiyuhu 9:18-26; Rukiho 8:40-56)

21 Aihini Jisaasiho japihi kopuhu nesi Garirihiri durihiraatihini nahaita mihihini notataise. Notati durihiraini aripataatihini bitosihini isihiyaha koai iwinjaposawi taahiyihiyaha koapihi napiwi koai otaatemapi ahoyanawaayopo.

22 Aihini sura utaaho wo Judaahiyaami ayayipiwihaapi ahoyanohaaayayipi jatisiho komi ambipati Jairaasiho Jisaasihoai usonatosati noti komi utatototi timahiyaha ahondaise. Timahiyati Jisaasihomi auhiraapihi ko atotipiwesataise.

23 Timahiyaha atotipiwesati ahondaati Jisaasihoai gouseti saundati nunjenataise. "Nisi maasihaama metihaati aimi napwitandi detisi ami kinyi kinyi ikwiri kaati ahiwitaapi namme. Ahiwisamihini kaati japihi nepati nga bimitando," undataase.

24 Sata Jairaasiho kaundati nunjesihi ami Jisaasiho komi nunjesiha atiwisati koaisati maasi komi ayipipihapi notataise. Siyati koaisati maasi naihi isihiyaha taahiyihiyaha wirisandihini komihini numwihatihini nowaayopo.

25 Aihini kiyaami otihatihapi apopaati waati kinaungwiha pihitati 12 kiyahaiweti jitimainjahaati kiyaisati maasi notataise.

26 Saati apopaati dokitaahiya taahiyihiyai iwinjasihi kiya kaati yaawihandi pihitiwi nunyauhi nenjahaate. Iyati kaatami nawiho aungwohandi kiyaai nunyainjahaate. Iyataahandi kandi windi gaamausetati daahi maipitati jitimainjahaate.

27 Siyati jitimati ketinjahaatisi Jisaasiho kaiwaiwaapi atisataati koenda nasataise. Nasati Jisaasihomi ipoti dawaataati notaati Jisaasiho apotihiri nipata niyosirihini isiwataise.

28 Kaati Jisaasihomi apotihiri isiwati numwihatindihandini kaati siyati gwinyaataate. "Nini Jisaasiho apotihiri niyoti nipaatihiri numwihatihini ami iwisanihisangi nisi timbipa jitimatoaasohitihandini nga owetataise," tati andititati giwunyaasitihandaaha.

29 Siyati kaati Jisaasihoai numwihatihini kaatami jitimatoaatindihandini keti kuraanihi owetati jitipa dihiwati niyaipasihini mmotinataati aimi noaipati gaahaanine tati gwinyapenataise.

30 Siyati apopaati Jisaasihomi apotihiri isiwihini komi watipihandini windi aimi apopaatamihetini naihi mmotinata keti kuraanihi nepemaitati kapihi isi wirisandihiyai saundataase. "Utaatindi ndi nisi apotihiri nise," tati nasenataise.

31 Aihini komi otipipatihiyaha Jisaasihoai saundawaatopo. "Isimiya metati kinyihini napiwi nangimatiwi mipanindisaatimaati nasenipi ndi nanimihataati nise tipi namaasenime," undawaatopo.

32 Satiwi komi otipipatihiyaha kaundauhahandini kandi wiwati numwihatindihandini nde tati usondandini nepemainana mihini mihini jataise.

33 Aihini kaati apopaati kaatami jitimasitihandini owetihini mmotinata aungwohandi yayati itipi nasati Jisaasihomi utatototi timahiyataise. Siyati kaati komi auhiraapihi atotipiwesati bindata kaatami

timbipa jitimatoaatindihandi Jisaasihomi apotihiri iwisura dihiwati nipiyaipasitihandapi titihi ausaati koai kaundataase.

34 Aihi Jisaasihomiha kaati saundataase. "Maasihaamo nisapi kinyi satipi, 'Koai nini numwihatiti wisanaahi nisi jitimahohitihandi nga owenetitaise,' tipi kinyi ginunyaahingitihanda kinyi jitimapoatingitihandi owesendaise. Isi kinyi jitimahingitihandi owendaisi kinyi maariho wihita napaisatitonihini numwe," undataase.

35 Siyati Jisaasiho kaati taati kaundihi Jairaasihomi ayipipihapihiya piwiha isisi noaipapi Jairaasihoai saundawaatopo. "Kinyi kimaamaati aimi napwisi napaapi nehihandi kataunjisihoi pohirundipi kaundise?" undawaatopo.

36 Ami Jisaasihohi kiyi Jairaasihoai kaundohiha windi atihomaawise. Nehi metihaatami sapihoi saundataase. "Kinyi windi yamaime. Owe. Nisapi ko nga nisi metihaati titihiwiwitaase tipi nehi ginunyaape," undataase.

37 Aihi taahiyihiya niwipinjai niyohiyihiyai saundataase. "Sahi nahatiyaati nanipinjai namaapiwise," undataase. Saundatosati nehi Pitaahoisuni Jemisihohisuni ami Jemisihomi saingihoni Jonihohisuni numwaasi nehi kingwaasisataahihi Jairaasihomi ayipipihini notaise.

38 Jisaasihotihini kiyatitihini nuwi Jairaasihomi ayipipihini noaipawaayopo. Noaipapi Jisaasiho mmonata isihiyi pihitihini yuyi tiwi gwiwi nehotauihoni usonataise.

39 Aihi Jisaasiho nandaati kaayi taawi gwiwi nehotohiyihiyai saundataase. "Kimaati metimaati napotaamaise. Owe. Nehi nanotondaise. Isi sahi napaapi taawi gwopo?" undataase.

40 Sata Jisaasiho kaundihi kiyi ko kaundisihaapi etitaatindaase tiwi sisawaayopo. Aihi kiyi nahatiyai neti ipaahaapi natausaasatosati metihaati kaatami sanyii sapiyaisuni komi otipipatihingwaasisuni numwaasi maasi metihaati napoti ahotimbipihini nandaataise.

41 Nandaapi bitotawa Jisaasiho metihaati napomasaamaatami ikwiri neti iwiwatata piwiha sawanaamihaara saundataase, |b'Tarita Kumwi,'|r undataase. Sandi |b'Tarita Kumwi,'|r undindimandi saundataase. "Metihaaye, Nini gi kahitataatoni kinyi nepapi dopi bitose," undataase.

42 Sata Jisaasiho kaundihi kaati keti kuraanihini Komi piwihetihini nepasi daayataise. Saati metaatami kinaungwiha 12 kiyahaate. Aihi isihiyi ayayii Jisaasihohisawini nandaahohiyihiyi sandi mmonawaawi apipaahi aungwohandi waati yaiwimawaayopo.

43 Yaiwimihauhi Jisaasiho kiyai saundataase. "Kimaati metimaati titihiwihonihini nepasitimandapi isihiyai ausaapi apipaahi windi kamundimapise," undati watipititihini kaundataase. Iyatosati ami saundataase, "Metihaati nandapa wapa nanda nunyawise," undataase.

6

Kima Piwima Jisaasihohi Sawahomi Isihiyi Nasaretihandaahiya Ahosumwahotihandapihaare
(Matiyuhu 13:53-58; Rukiho 4:16-30)

1 Sati aunahipita Jisaasiho metihaati titihiwiwa kiyamapi kapihi namasi titihi komi aunahipataahapi notaise. Naihi ami komi otipipatihiyi maasi Jisaasihohisawini nowaayopo.

2 Nuwi noaipapi asisiha Sapaatihandeti Judaahiyaami ayayii piwihaapi ahoyanotihandaatihini Jisaasihohi nandaati namasati Autaahaatihohini piwiha kataunjataise. Kataunjihini isihiyi nahatiya Jisaasihohini piwiha atisawaawi aungwohandi yaiwimaposawini satawaatopo. "Kimo utaamo amitihini gaahandini gwinyaasitihandini maahapihapi nehende? Iyati ko piwiha maahapihapi atisa nehe? Iyati ami watipihandini napitiya mmonatini neti giwunyainjihini watipihaiwa kaindihoni?"

3 Kimo utaamo Maariyaahaatami mwaahoro? Komi saingoya Jemisihohi Josesihohi (komi ambipati witi Josepihohi) Judaasihohi Saimonihohi ami sanasihiyi kimbihini nyangisawini maasi bimohiyimiyaami saahoro?

Iyati ko jihi otipipati ayaayi aymatitaatiwihati kiyati bimisihoro?" tiwi katiwi mimaipaiwi usonawaawi kopi windi maarimitiwi Jisaasihoai ahosumwawaayopo.

4 Kiya saiwi kiyauhi Jisaasiho kiyai saundataase. "Autahaatihomi piwiha atisati neti ausaasiho aunahipati titihi nehi ko sawahomihataahuni ami ko nehi sawahomihyaamihatihuni ami ko nehi sawahomi ayipipihi saniya sapiya saingosaahoya sanaanisa sanaapwisaamihatihuni ko ambipati awaipati owehore. O ami ko komi aunahipati namasi noti aunahipa wita ami isihya nehi kiyai usaapihi Autahaatihomi piwiha ausaataataahi ami kapihi ko ambipati awaipati netaise," undataase.

5 Saiwi kiya Jisaasihoaisuni komi piwihaisuni ahosumwahauhi ko watipihaiwa komi aunahipata kiyaami ndiheti windi kamaise. Owe. Nehi ninaasiyaisaahihi ikwiri ahiwisati kiyaami timbipa nemwataise.

6a Komihya Autahaatihomi piwihaapi baiwi windi gimunyaahauhi sandapi Jisaasiho waati aungwohandi gwinyaataise.

Kima Piwima Jisaasiho Komi Otikipatihiya 12 Kaiwihiyai Otikipati Kaitaatiwi Numwindihandapihaare

6b Aihi Jisaasiho kapihi namasi aunahipati kahati kahataahima noti daayati Autahaatihomi piwiha isihiyai kataunjataise.

7 Jisaasihomi otikipatihiya 12 kaiwihyaasi kiyai ko numwaati detematosati itipihoma maipihapa isihyaamiheti bimonihapai nepumwaitaatiwi ko kiyai komi watipihandi nunyataise. Komi watipihandi nunyati neti tipitapaati yahuri yahuri wapihi wapihapi natausaasataise.

8 Siyati natausaasataati piwiha wa watipihaha sata nunyataise. "Nini sangi nandisoaasisanihi sahi nowaawi kahapaamapipa wapa mipi nehi taanahiyaati nuwise. Nehi sami ngirihirihii mwiwipisawi daayohirihirihii isisi nuwise. Ikihi ami nandapa biretihanhi ami nawiho ikiha kipiwi windi mipi nehi taanahiyaati nuwise.

9 Iyataati ami sahi asuipatihi gaasi nipaatiwise. Aiwi ami apotihiri nehi sami ambipateti niyopi nipaatohipipaahitane. Iyawaahandi kandi ami apotihiri wapa isipipa windi mipise. Owetane.

10 Sahi nuwi aunahipati wita noaipapi ami ayaayi wangaapihi nandaawaawaahi sapihi kapihi bimambiwi aunahipati namasi nowaahura ayaayi saayi namasi kapihi noaipasi nuwise.

11 O ami sahi nuwi aunahipati wita noaipasahi isihya windi sapi maaritiwi namaasamaapi piwaamaasatiwi ami sami piwiha atihomaasisaihaahi kandi kiyaami maipihandapi, 'nyamihandimaahesamihande. Isi kandapi Autahaatihu wihoayihandi nasamitaise,' undiwi nunjitaatiwi sami auhirami atasahaapihi ikwaatipihoma namaasandimbipa kapihi tiwihaapi nemapi nuwise," undati piwiha itatamanati winihundati kaundati natausaasataise. \f Ami saiwi kiyohitmandi isihiyai saundiwi nyahi sangisenda windi japihi namaapito kiyaatangisinihi nasamihaayo undiwi siwipati nunjawaayopo. \fe

12 Siyati Jisaasiho natausaasihi nuwi isihiyai saundiwi, "Sahi sami maipihaiwa kiyohiwaiwa namapi nepemaitiwi ami Autahaatihuenda napiwise," undiwi Autahaatihomi piwiha ausaawaayopo.

13 Aiwi kiya Jisaasiho watipihandi numwindihanda itipihoma maipihapa taahiwaiwa isihiyai timbipa nunyati bimiwaiwai nepi tahamaniwusoasawi nemawaayopo. Aiwi ami atipati oripihati noaapi isihya taahiyihya timbipaisahiyai iwinjaahauhi kiyai gausoendaise.

Kima Piwima Joniho Isihiyai Baawusisiho Napwindihandapihaare

(Matiyuho 14:1-12; Rukiho 3:19-20, 9:7-9)

14 Jisaasiho komi otikipatihiyaisati otikipati kaindihandi nga auta noaipasahi ami isihya nahatiya mmonawa gaatihu kandapi aunahipati nahatewara kaniwi gaamatawayopo. Aihi ami sandapi isihya piwiha nesi kaniwi daayohiyihyaami usa satawaatopo. "Jonihu Isihiyai Baawusisiho so

animwaahipatombi saiwa kaitandi watipihandisa nepasi isihya kamaitaahetahaiwa watipihaiwa kiyataise," tiwi katawaatopo. Satauhi ami awaisiho Kiyi Erotiho piwiha sa atisati netaise.

15 Aihhi ami usa satawaatopo. "Kimo utaamo Eraijaahoe," tawaatopo. Eraijaaho so Kiraisiho sangi noaipasihhi kinaungwiha taahiwaiwa gimunyaatahaiwa jhi aimi bimainjati napwihohopitopo. Aihhi ami usa satawaatopo. "Autahaatihomi piwiha atiwi nepi jihura ausaapi isihiyai kaundohiyihyaamatiyaho wo noaipa watipihaiwa aungwohaiwa kiyataise," tiwi Jisaasihopi katawaatopo.

16 Satiwi isihya katauhi awaisiho Erotiho piwiha sa kaahihhi atisa netaise. Siyati kaahihhi atisataati ko awaisiho Erotiho sandaase. "So Jonihoai nini naahutarihiri nisatonihhi aimi napwisihosi ami ko japihi animwaahipatombi nepatete," tati kandaase.

17-18 Apopaati waati kaatami ambipati Erotiyaasihaate. Ami saati Erotihomi saingihhi Piripihomi apwaataate. Piripihomi apwaataatitihandhi kandi awaisiho Erotiho kaati aunihiwisati neti wirataise. Siyati neti wirasihhi kandapi Joniho Isihiyai Baawusisihhi konihhi jinjihaati awaisiho Erotihoai saundataase. "Kunyahihhi Piripihomi apwaataati nepi wirahingitimandi winihapipa nepi nopisasihhi kiyapaini sandi titihimaahhi maipihandhi kiyapaise," undati itihundataase. Siyati Joniho Isihiyai Baawusisihhi Erotihoai kaundihi kandapi awaisiho Erotihoai apowihhi namati tingaatihaisahiyai natausaasihhi nuwi Joniho Isihiyai Baawusisihhi isipi numwaasi nuwi isihya napwihohipihhi ipipati watipihata wisasawi napuwawaayopo.

19 Erotiyaasihaati Joniho Isihiyai Baawusisihopi apipaahhi aungwohandhi apowihhi Joniho sohoai timapise unditihati kati Erotiho awaisihopimainjihhi windi kaundati kamaise. Owe.

20 Ami Erotiho Jonihopi yayati ami koai Erotiho biyati iwinjatiho. Iyati ami Joniho Autahaatihomi ndiheti utaaho apipaahhi gaahhi titihotihhi Erotiho yayati gwinyaataato. Iyati ami Joniho piwiha ausaasiwaiwa Erotihomi omaiyititihhi neti nusopisasinjihandhi kandi ami Erotiho Jonihopi maaritati komi piwiha atiwisataise.

21 Siyati nitana Erotiyaasihaati bimainjihaatishi kaatami maarihopi asisihhi Erotihoai sanaati namwisihhi noaipataise. Siyati Erotihoai asisihhi sanaati namwisihhi noaipasihhi Erotihomi yatihhi otitihhi otipipati awaiwaiwa isipi kaiwi bimohiyihhiyaisuni ami pwisipi yaipati kiyohiyihhiyai tahaapundiwi iwinjatohiyihhiyaisuni ami isihya usa awaisawihhiyaa Garirihandaahapihhiyaisuni numwaati ahoyati kiyaisa maasi nandandi nandapa aungwohandhi tihataise.

22 Aihhi Erotiyaasihaatami maataati nasa nandaati awaisiho Erotihomuni isihya ko gaata numwaasihhi nandapa maasi nainjawihhiyaami ndiheti waipati sanahiwiiya waipwaasihhi kiya kaatapi aungwohandhi maaritawaayopo. Saiwi kaatapi kiya aungwohandhi maaritawaawi awaisiho Erotiho kaati apwaimaamaati saundataase. "Gisi wapaapihisonaahhi satipi ningisi sapaapinyisi naninye ndipi kande ami nini kapa gisi nahimitaano," undataase.

23 Ko awaisiho Erotiho piwiha watipihhi kaati apwaimaamaati saundataase. "Kinyi ningi wapaapi nanisesamaahhi nahimito. Nisi otipipati awaisihoninimandhi isihiyai iwinjaati bimohipatisanghi tipitapaati wihooayihati kinyi kaimbi jatitaapi nahimito nanisesamaaho," undataase.

24 Saundihi kaati sanaatenda yuhiti noti saundataase. "Nore nini awaisiho Erotihoai ko ningi napindi nanimitandi nunjendande?" undataase. Sata nunjesihhi sanaati maataati satipi kaunde undati saundataase. "Joniho Isihiyai Baawusisihomihhi mitihhi nisatipi nesimbo undipi kaunde," undataase.

25 Sata sanaati maataati kaundihi kaati atisamapi keti yuhiti niya awaisiho Erotihoai saundataase. "Wani kimura kuraanihhi Joniho Isihiyai Baawusisihomihhi mitihhi nisatipi nyaihandaapihhi ahiyapi nesimbinimitaape," undataase.

26 Sata apwaimaama Jonihomihhi mitihopundihi awaisiho Erotiho apipaahhi awaindihandhi komi maarihhi

yaawati naayawisataise. Siyati awaisihomi maariho yaawihandi kandi ami ko piwiha apipaahi watipiha isihya maasi nandapa nanihohiyihyaami ndiheti apwaimaamaati kaundisihaapi gwinyapenataati sandi utaahomi mitihopindini owe unditandihandi owendaise.

27 Aihi ako komi piwiha watipiha watipita katisihaapimainjihi namati tingaatihaisaho woi saundataase. "Kinyi ayihandi napwitohitihandaatihi numbwi nandaapi Joniho Isihiyai Baawusisihomi mitiho nisatipi nesi nambi apwaimaamaati numwita numwe," undataase. Numwe undihi ko tingaatihaisaho keti kuraanihi atisati ayihandi napwitotihandaatihi noti nandaati Joniho Isihiyai Baawusisihomi mitiho nisatataise.

28 Mitiho nisatati nyaihandaapihi isisi nasati apwaimaamaati nunyataise. Apwaimaamaati numwihi kaati netati sanaati nunyataise. \f Kimandi Erotiyaasihaati Erotihomi Tingaatihaisahiya akitinihi Joniho sohoai tiwauhi napotaise tati mmondande.\fe

29 Saiwi Joniho Isihiyai Baawusisihomi mitiho nisatauhi aimi sore tauhi komi otipipatihiya atisawaayopo. Atiwimapi napiwi Jonihomi ambipati nesisuwi jomaahipataatihi akosihaara ahiyawaayopo.

Kima Piwima Jisaasiho Isihya Taahiyihya 5,000 Handi Nusatipahaapihiyai Nandapa Numwindihandapihaare

(Matiyuhu 14:13-21; Rukiho 9:10-17; Joniho 6:1-13)

30 Isihya Autaahaatihomi piwiha ausaapi kaunditaatiwi Jisaasiho natausaasisawihya aposerihya japihi napiwi kiya kiyohiwaiwaapuni ami katiwunjohiwaiwaapi Jisaasihoai kaundawaatopo.

31 Aihi isihya wirisandihandi Jisaasihooapihi nuwi napiwiyaawasauhi ami Jisaasihouni komi otipipatihiyauni ikiniwi nandapa nandaatiwihura apipaahi owendaise. Saimainjihi namati Jisaasiho komi otipipatihiyai saundataase. "Isihya owehapihi apipaahi watiminihapihapi nehi titihi yawanaani nutihaawo ami sahi mbipa baiwi nepi maariho witiwi ikindaatiwo," undataase.

32 Sata Jisaasiho kaundihi kiya atiwi nehi sawanaahi kopuhu woti Jisaasihoaisawi wapihi isihya owetati apipaahi watiminihapihapi nowaayopo.

33 Saiwi kopuhoti niyauhi ami isihya taahiyihya kiyai iwinjawaayopo. Saiwi iwinjaposawi isihya taahiyihya aunahipihaiwa nahatewaraahapihiya Jisaasihoaisawihya niyohipihapi auhiraapihi durihiraini wihoayai nowaayopo. Numbiwi Jisaasihoaisawihya mehiyauhi kiya jiji nuwi noaipapi timaniniwi bindawaayopo.

34 Aihi Jisaasiho komi otipipatihiyaisati kopuhoti ipoti noti timahiyataise. Timahiyati kopuhu namasi ko isihya wirisandihandi usonata kiyaapi maariho aungwohandi tundataise ami kiya sipisipihandi satiho owehandamataiwihyaatiho. Aihi ami ko namasati piwiha taahiwaiwa kiyai kataunjataise.

35 Siyati Jisaasiho kataunjihi aimi ipiho tipateti namaatipaitandaihi komi otipipatihiya napiwi koai saundawaatopo. "Kimbihis isihya windi bimimaawi owehapihisi aimi ipiho noti napwihataise.

36 Isimiya kimiya nepi natipusoase kiya nuwi sawana osaataati nandapa niyamahohipihuni ami aunahipihaiwaara yahapihi deti nandapa mmoniwi nawiho nunyawu nepi nando," undawaatopo.

37 Aihi Jisaasiho wihoayaihi komi otipipatihiyai saundataase. "Sahi sawanaati isimiya kimiya nandaatiwihapa nunyawu," undataase. Ko saundihi ami kiyaamiha koai saundawaatopo. "O ami nyahi kiyai napindi numwitihaawe? Kinyi nyangi natipinyoasisamihis nyahi nowa nawiho ikihuri yahura nandapa biretihanhi nga newa kimiya isimiya nga nunya gaamaitaano?" undiwi nunjenawaayopo.

38 Aihi Jisaasiho kiyai saundati nunjenataise. "Nandapa biretihanhi sahi napitaiwi isipihyaate? Nuwi mmoniwise," undataase. Aihi komi otipipatihiya nuwi kiyaami nandapa biretihanhi awitiwi

mmonawaayopo. Mmonawa biretighandi 5 kiyati ikwiri naasairitihimi ami araiho 2 kiyati yahuritihimi kipwindihimi mmoniwimapi Jisaasihoai saundawaatopo. "Biretighandi 5 kiyati ikwiri wihitihiritihimi ami araihuri 2 kiyati yahuritihimi kipwindataise," undawaatopo.

39 Saundauhi ami Jisaasiho komi otipipatihiyai saundataase. "Sahi isimiyai nepi tipitapaapi kitarihiraatihimi yatihimi bimita kihonji kihonjaapihimi ahoaiwi ahiwisai nuwise," undataase.

40 Saiwi nepi kihonji kihonjaapihimi ahoyauhi ami isihiya 50 kaiwisangi ami 100 kaiwisangi kihonji kihonjaapihimi bimai nowaayopo.

41 Saiwi bimauhi Jisaasiho nandapa biretighandi 5 kiyati ikwi wihitihiritihimi ami araihuri 2 kiyati yahuritihimi netaise. Neti isiwatata autaahi yamihapataatihimi jatata sapa nandapaapi Autaahaatihimi, "Kinyi gaahoye gaare," undataase. Sata gaare undatosati Jisaasiho biretighandi neti naumboti araihoaisati ahoyati komi otipipatihiyai nunyataise ami kiya nepi isihiyai nunyawu gaamaitaatiwo.

42-43 Nunyawu gaamihauhi isihiya siyati ahoyainjitighandi kiyaami maaritohirihireti nanimbwi gaata gwisaha yaawihimi nawipipa biretighandi araiho kanaahipa ahotimbipa otipipatihiya asiwi nepi ikihaiwa 12 kiyahaiwa tisaipi kipowaayopo.

44 Sandi nandapa biretighanduni ami araihouni isihiya nanihohiyihiyaami nehi usihyaahihimi awitauhi 5,000 kaiwihyaare. Ami asihyauni ami manyinyauni windi awimitopo, owetise.

Kima Piwima Jisaasiho Durihiraatihimi Autaahi Itipa Daimi Naindihandapihaare

(Matiyuhu 14:22-23; Joniho 6:16-21)

45 Saiwi nandapa naniwi owetihimi keti kuraanihimi Jisaasiho komi otipipatihiyai tariwundati kopuhoti yamwaasi durihiraatihimi wihini nahaitiwi aunahipati Betisaitaahandaahapi jihimi taawi nutaatiwi kaundataase. Iyati ko isihiyai kiyaami aunahipataahapi neti natausaasitandi kapihi daahi bindataise.

46 Siyati isihiya nahatiyai natausaasamapi Jisaasiho nehi sawahohihimi Autaahaatihimi piwaundati gaapunditandi sisihooasini nasaamanataise.

47 Aihimi aimi asihananaataatihimi Jisaasiho ko taati gaapundimbipihimi ikatighaati bitonda jata komi otipipatihiya aihimi durihirami otighaati kopuhoti taawi niyauhi iwinjataise.

48 Iyati Jisaasiho komi otipipatihiyai iwinjata mbipa waati mbwaati kiyaisuni ami kiyaami kopuhoai neti kwititwa ikipinda tiwandihimi kiyai bipi ahiyawi nepi taawi saihira kopuho aisi niyauhi iwinjataise. Siyati ko kiyai iwinjatosa kapihi ikatighaati bitonjati aihimi bowitandi detitihimi 3 kirokihdamuni ami 6 kirokihdamuni otihamwaayi Jisaasiho durihiraatihimi itipati daimi autaahi nasataise. Iyati ko kiyai bipi nusatipaito tati taati nasataise.

49 Siyati kiyai nusatipaito tati durihiraatihimi autaahi daimi napihimi komi otipipatihiya koai keti iwinjawaayopo. Saiwi iwinjaposawi kiya kopi naahirisa panaahaise tiwi gwinyaawaawi kiya yaiwi kaahaatawaatopo.

50 Kiya koai iwinjawaawi yayawaayopo. Yayauhigandi kandi ami keti kiyai Jisaasiho piwaundati saundataase. "Sahi windi yamaiwise. Nini Jisaasihoninisi sahi nepi andititwise," undataase.

51 Saundamapi Jisaasiho kopuhoti yamwaati komi otipipatihiyaisati maasi bindataise. Aihimi ami mbipa waati mbwaati itipinjitighandi yatihititi owendaise. Aihimi komi otipipatihiya apipaahi awaindighandi maaroamapi yaiwimawaayopo.

52 Saiwi kiya aungwohandi maaroamapi yaiwimahohitimandi ami kiyai Jisaasihopi windi namausesipainjihimi. Iyati ami ko watipighandi kiyati biretighandi 5 kiyahandi isihiya taahiyihiyai naumboti numwindighandapi kiya windi gimunyaawaawe ami Jisaasiho wapa wapa nga kaitaiso tiwi kopi windi gimaawunyaatati namausesipainjitimandi kiyaami maariho daahi nimbiputawaawe.

Kima Piwima Jisaasiho Isihiya Taahiyihiya Timbipaisahiyai Titihemwasitighandapihaare

(Matiyuhu 14:34-36)

53 Aihi kiya durihiraatihi napiwi yapipati Genesaretihanda durihirami wihini notawaayopo. Notiwi kapihi kiyaami kopuho yamepata wiraposawaayopo.

54 Saiwi Jisaasihotihi komi otipipatihiyaatihi kopuhotapi noaatipihauhi isihiya taahiyihiya aimi keti kuraanihi Jisaasihoai usowi iwinjawaayopo.

55 Saiwi iwinjamapi yapipati Genesaretihandami aunahipati nahatewaara gaamapi yihiti nuwi isihiya timbipa kahatamatipetahapaisahiyai gwithihoaatihi ahiyawu isisi wapihi wapihi Jisaasiho sapihi sore tauhihapihiki kapihi numwaasi nasawaayopo.

56 Aihi nahataapipihiki Jisaasiho daimi naimbipihiki aunahipati awaipati taunihandaatihi ami gwiharaahonyaara ami osaataati isihiya kiyaami naisihiya timbipaisawihiyai aunahipa isihiya ahoyaniwi nandapa ami wapa nunyawu nehohipihiki maaketihandaatihi numwaasi nasawaayopo. Numwaasi napiwi ahiwisawosawi Jisaasihoai saundawaatopo. "Jisaasihoŷe, isihiya timbipaisahiya kinyi apotihiri giwita nehi winjase," undawaatopo. Aihi isihiya timbipaisahiya saiwi Jisaasihomi apotihiri numwihatiwi iwihohiyihiya kiyaami timbipa owetihi noaipapi gaahiyaatawaayopo.

7

Kima Piwiha Judaahiya Kiyaami Ikwauhiri Nasisoari Bausohitihandapihaare

(Matiyuhu 15:1-9)

1 Isihiya usa Parisihiyauni ami usa Judaahiyaami winihapipa katiwunjohiyihiyauni Jerusaremihandaaahapi napiwi Jisaasihoai otaatemapi ahoyanawaayopo.

2 Bindawa Jisaasihomi otipipatihiya usa kiyaami ikwiri jiji waapohora bahomusawi nehi nandapa nanihauhi kiya usonawaayopo. Saiwi kiya kiyaami satoya kiyohirihireti japepihiriwi ikwiri nehi niwipihaiwaimaawi bausawihiyaare. Isi Parisihiya kireti japepihiriwi katawaatopo.

3 Parisihiyauni ami isihiya nahatiya Judaahiyaisangi satoyaami winihapipa katiwunjauhi nehohipipa namaamapi anitiwi isiwatawaayopo. Saiwi anitiwi winihapipa isiwatawaahiyaasi nandapa nandaatiwihura jiji ikwiri bausawosawi ipoti nandapa isipi nanawaayopo.

4 Iyataati ami wiwa saiwi kaiwihiyaare isihiya ahoyaniwi nandapa nunyawu nawihu nehohipihapipi wapa nawihu nunyawu newaawaahi ami ikwiri nandapa ahoyawu bausawihiyaare. Ikwiri jiji bausawosawi nandapa nanawaayopo. Iyataati winihapipa kimbaahimahe. Kiya satoyaami winihapipa nehohipipa taahipipaare. Saiwi kiya kiyohiwimaiwa saiwa nyaihandi oniha maasanahiri kopuho gwaasiha nawopi itatamaniwi tiwihaapi bausohipatamataiwi napaitiwi niwipihaiwaimaawi bausawihiyaare.

5 Saiwi kaiwihiyaasi kaiwapi giwunyainjiji kandapi namapi Jisaasihoai Parisihiyauni ami Judaahiyaami winihapipa katiwunjohiyihiyauni satiwi nunjenawaayopo. "Kinyi otipipatihiya asoyaami winihapipa katiwinyasauhi atisa newa japepihihipipa napaapi minjapepihiropo? Kiya napaapi ikwiri bahomusawi kipatisawi nandapa nanihopo?" undiwi nunjenawaayopo.

6 Aihi Jisaasiho wihoaŷiha kiyai sata kaundataase. "Sahi apipaahi jaipimundati otaatapihyaatapi Aisaiyaaho titihi katise. Iyati ko sapi satati jipatipaise:

'Isimiya kimiya ningi nehi maahomwaŷapaahihuni nehi piwihaaraahuni nanimaapi mepi autaahepinimawaayopo.

O ami kiyaami maarihohi nisihoaisati nasati windi maasi timaamaamaitise. Owe. Nehi kaanihi nisapi nawisati koai yandihiki ahondaise. Nehi isihiyaami gwinyaahohiwaiwa nisi winihapipa piwihaamataiwi isihiyai katiwunjawaayopo.

***\q2

ainjotati maipihaiwa gwinyapenhohiwaiwa nehahaati ausaimanihauhi kaiwa isihyaamiheti ainjotati maipindaise.

21-23 Isihyaami maarihoatihi maipititi maipihaiwa ahotiwaiwa siyahaiwaapito: Woho ami apopaati usihya ami asihya kihya kihyaisawi ambipati timaamaitiwi ami usaamihapa ikonwi ami isihya siyihyai timapi ami woho apopaati komi kaatami warihoai apwaataati namasi namaatinotihandi nepi nopisasiwi kihaati kihoaisawi ambipati timaamaitiwi ami ikipipa ami wapa usaamihapaapi, 'Ese sapa nyamihapaatane,' tiwi maaritimapi ami apipaahi maipihaiwa kihaiwa kaiwi ami jaipipa kipwi isipi katiwi ami mamaawisawiya maipihapa ainjotahapa maaritiwimapi kaiwi ami isihya usaapi apousati manditipaiwi ami isihya usaapi piwiha maipiha jaipitiwiha katiwi ami kiya nepi sawana genaniwi naimaatiwi ami naharimatihapa kaiwi naharimatahireti bimaawi, saiwa apipaahi maipimaiwa isihyaami maariho omafititihapi noaipasiwaiwa kiyai neti maipiyausoasihi Autaahaatihomi ndiheti kiya noaipapi maipihya ainjotahiyaimatawaayopo," undataase.

Kima Piwima Apopaati Waati Judaahiyaami Dawaataatapihaati Jisaasihopi Giwunyaasihaati Iwitamasitihandapihaare

(Matiyuho 15:21-28)

24 Jisaasiho piwiha sata kaundamapi aunahipati kati namasi aunahipati awaipati Taiyaahandami ami yapipata notaise. Noti noaipati isihya kopi yaho napise niwi maanondotati ayihandi windaapihi nandaati bipi bindataise. Iyataahandi kandi ko isihyaapi windi nga namoatise. Owe.

25 Aihhi apopaati waati Judaahiyaami dawaapipihapihaati kaatami maataati itipihho maipihapa neti daahi ipihatisa timbipa numwihi bimihahaatami sanaati Jisaasihopi isihya aimi yaho napise tauhi atisataise. Atisamapi keti yihiti nasati Jisaasihomi auhiraapihi utatototi timahiyataise.

26 Iyataati saati apopaati Judaahiyaami dawaapipihapihiyaamihaati ami isihya Pinisiyaahiya Romihandami Piropinjihandi Siriyaahanda bimohiyihyaamihaate. Isi kaati Jisaasihoi gouseti kaatami maataatamiheti itipihho maipihho bimisihoai nemati tahamanausoasitandi nunjenataise.

27 Aihhi Jisaasiho kaati wihoayiha saundataase. "Manyinyaami nandapa biretihanhi newaati suhiri numwitihawwi sandi titihimahe. Owe. Jihhi manyinya kiyaami maaritiwi gwinyaahohirihireti naniwi ngaatitande," undataase.

28 Ko saundihihandi kandi ami apopaati kaatamiha Jisaasihoi saundataase. "Ye, Awaisihoŷe, ami suhirisangi nandapa biretihanhi manyinya nanawaawi naumbwiwimihaui mwtisiha nawipipa ganihomi otitihhi timihaimbipa neti nanataise," undataase.

29 Aihhi Jisaasiho kaati saundataase. "Ami kinyi piwiha wihoayiha gaaha kandinga sikaasi gaasi numwe. Ami kinyi metihaatamiheti itipihho maipihho bimisiho aimi kaati numwasi naise," undataase.

30 Jisaasiho kaati sata kaundihi kaati atisamapi japihi kaatami ayipihapi notaise. Noti mmonata kaatami maataati itipihho maipihho neti ipihatisa bimisiho aimi noipasi naihi metihaati gaahaati betihireti nanototihhi sanaati usonataise.

Kima Piwima Utaaho Wo Atihomaahipihho Ami Piwaamaatisohoi Jisaasiho Titihemwasitihandapihaare

31 Aihhi Jisaasiho kapihhi Taiyaahanda namasi aunahipati Saitonihandaahihoayihhi notaise. Noti aunahipati Ikwi Maindimohata (Dekaporisihanda) noaipasi durihiri Garirihandainihira notaise.

32 Aihhi isihya utaaho wo komi atihiri naputati ami biyati piwaamaatati mehitati piwaatahoai numwasi nasawaayopo. Numwaasi napiwi Jisaasiho utaasoai ikwiri ahiwisati atihiri ami maahomwaaŷi

titihemwaitandi giwusoepi nunjenawaayopo.

33 Aihi Jisaasiho koai numwasi isihiya taahiyihyaapi yandih nawisati wapihi noti bitotama atihomaahipihomi atihatimuropi isundipihohi ahiwisati ami komi isundipihohi maahoirisatesi komi omasiheti iwiwataise.

34 Siyati utaamopi maariho asipiyataati awaindihandi maarisati komi omasihai numwihatati iwiwatataati yamihapataatihi jatata awaindi mbipa neti maarisati sandaase, |b"Epata,"|r ndaase. Sandi tanyaaha satatise, "nawatahatipi nutipi nausaate," ndaase.

35 Sata Jisaasiho kaundihi keti kuraanihi utaasomi atihiri nuriwatatati ami komi omasiha usaayati gaatihi nga atisati ami piwiha nga biyati piwandaase.

36 Aihi kapihi isihiya ahoyanihohiyihiyai Jisaasiho saundataase. "Kimandi nini kiyonihi sahi mmonihohitmandapi isihiya usaisi sahi windi apipaahi kamundimapise. Apipaahi owetane," undati kiyai kaundataase. Sata mitaahi bapiya kaundihandihandi kandi ami kiya mwitewi piwiha ka nesi mitaahi kaniwi gaamawaayopo.

37 Isihiya kapihi Jisaasiho kaiwaiwa mmonihohiyihiyai satawaatopo. "Kamaitaahetahaiwaisangi Jisaasiho nahataapa nga kiyataise. Kiyati isihiya atihomaahipihyaami atihiri nuriwatasihhi nga atiwi ami piwaamaatisohiyai maahomwaa'yi niwusoasihhi nga piwaatawaayopo," tiwi apipaahi awaindihandi aatiwimawaayopo.

8

Kima Piwima Jisaasiho Isihiya 4,000 kaiwihiyai Nandapa Numwindihandapihaare
(Matiyuhu 15:32-39)

1 Aihi ami sura isihiya wirisandihandi napiwi Jisaasihoaisawi maasitawaawi ami kiya nandapa nandaatiwihapa owehiyaare. Saimainjihhi namati Jisaasiho komi otipipatihiyai gaatati numwaati saundataase.

2 "Kimiya isimiyaapi nini maariho asipiyataayo ami kiya ningisawi maasi kimbihhi asisihhi 3 kiyati mairi manyeti bimaahu. Aiwii ami kiya nandapa nandaatiwihapa wapa mipi owehiya nehi taanahiyihiyai napiwihyaaso.

3 Ami nini kiya japarihiyai kiyaami ayipipihapi nandusoasisanaahi ami daihira itipi woniwoniwinihonihhi timihaitaapo. Ami kiyaami usa apipaahi kaanihapi napiwihyaaso," undataase.

4 Aihi komi otipipatihya Jisaasihoai saundawaatopo. "Nyahi aunahipa awaiwaiwa taunihandami apipaahi kaanihi bindihaayoni isimiya kimiya taahiyimiyai nandapa biretihanhi napitiyaati maahapihapi newaati numwitihaawe?" undawaatopo.

5 Aihi Jisaasiho komi otipipatihiyai saundati nunjenataise. "Sahi nandapa biretihanhi napitaiwihanhi isipihyaate?" undataase. Siyati nunjesihhi ami kiya koai saundawaatopo. "Biretihanhi 7 kiyahandi isiwaahiyaane," undawaatopo.

6 Aihi Jisaasiho isihiya nahatiya woyihaatihhi yatihhi yapipateti bimitaatiwi kaundataase. Siyati kaundatosati ko biretihanhi 7 kiyahandi neti isiwatata Autaahaatihohi, "Kinyi gaahoyi ipariho'ye gaare," undati biretihanhi naumbwoti tipitapaataise. Siyati naumbwisonyonya komi otipipatihiyai nunyataise ami kiya nepawi isihiyai nunyawii gaamaitaatiwo. Aihhi ami kiya nesi isihiya nahatiyai gaamapi nunyawaayopo.

7 Aiwii ami Jisaasihomi otipipatihya araiho wonya isipihyaare. Aihhi Jisaasiho araihonyaaapi Autaahaatihohi, "kinyi gaahoyi ipariho'ysi gaare," undatosati komi otipipatihiyai numwihhi ami kiya

nepawi isihiyai nunyawwi gaamawaayopo.

8 Kaihi isihiya nahatiya nandapa sapa naniwi gwisimwiwi gandaise. Saiwi naniwi gaatihi nawipipa ahotimbipa otipipatihya koai niwipinjawi ko kaiwaiwa mmoniwi nepi kiyohiyihya asiwi nepi ikihaiwa 7 kiyahaiwara kipiwi tisaahiwawaayopo.

9 Isihiya nandapa sapa nanihohiyihya nahatiya 4,000 kaiwihyaare. Aihikiya nandapa naniwi owetihihura Jisaasiho kiyai kiyaami ayipipihapi neti natausaasataise.

10 Natausaasamapi keti kuraanihi Jisaasiho komi otipipatihyaisati kopuhoti yamwaasi aunahipati Darimanutaahandaahapi notaise.

Kima Piwima Parisihya Jisaasihoai Kinyi Watipihaiwa Wiwa Kaime Nyahi Mmondaano Undohitihandapihaare

(Matiyuhu 16:1-4)

11 Noti noaipasihiki Parisihya usa napiwi Jisaasihoaisawi piwihaara pwisipataahamataiwi nepi tunniwi kaniwi piwanawaatopo. Piwaniwi kiya koai saundawaatopo. "Nyahi kinyapi koai akitinihi Autaahaatiho natausaasihi nasahoe taati mmonaati gwinyaitaani kinyi watipihandi windi nyami ndiheti kaime," undiwi nunjenawaayopo. Sandi titihi akitinihi kiya nunjenawaamaayopo. Owetise. Nehi jaiwaiwi ami ko wipiyonaahi ami kiya koai wapa kawitaatiwi jatawa jaiwaiwi nunjenawaayopo.

12 Saiwi nunjenihauhi Jisaasiho komi maariho apipaahi naayawihiki maariho ditihiri aungwohandi maarisati noamati sandaase. "Sahi napaapi watipitiwimapi ningi sandiwi, 'Kinyi watipihandi kaime, nyahi mmondaano,' ndiwi nanisenihopo? Nini sangisi apipaahi akitinihi sandi kasatataato. Sahi mmondaatiwi watipihandi nini windi kamaito owetitaise," undataase.

13 Sata kaundamapi Jisaasiho komi otipipatihyai numwasi kopuhoti yamwasi durihiri nahaitati wihinapi notaise.

Kima Piwima Jisaasiho Komi Otipipatihyai Parisihyaamuni Erotihomuni Piwiha Katiwunjawi Kiyohiwaiwaapi Yisihandapi Jaawo Undindihandapihaare

(Matiyuhu 16:5-12)

14 Jisaasihomi otipipatihya nandapa wapa mmoniwi nepi isipi namuwi kiya nanipimatiwi nehi taanahiya nowaayopo. Aiwiki biretihandi nehi naasaindihiki isisi nuwihandisi kopuhoti kandihiki ahotihiki mmonawaayopo.

15 Aihiki Jisaasiho komi otipipatihyai piwiha watipihiki sata kaundataase. "Sahi baiwi jaawo. Parisihyaamuni Erotihomuni kiyohiwaiwaapi jaawo ami kaiwa yisihandamatiyahaiwaaso. Kiya kiyohiwaiwa nandapa biretihandi nipitandihandi ahiyauhi nandapa biretihandi kaitaatiwi dohandi waati neti nipindihandamatiyahaiwaasi kaiwa samiheti nasati osamati nasamanitaisi sahi baiwi jaawo," undataase.

16 Aihiki Jisaasihomi otipipatihya sawana sanawaatopo. "Nyahi biretihandi owetihiki kandapi sandi Jisaasiho nyangi kanyatataase," nnawaatopo.

17 Aihiki Jisaasiho kiya kaniwi gwinyaahohitihandi usonataati kiyai saundataase. "Nyahi biretihandi owetihinyase tiwi sahi saiwa napaapi gwinyapenihopo? Sahi sangi windi mmoniwi gimaasunyainjo? Sami amitihiki maasinjapwaatati nisaputamaso?"

18 Sahi ndihaisahiyaatindaahandi kandi baiwi windi mohopo. Sahi atihirisahiyaatitawaahandi kandi sahi windi atiwi namehopo. Sahi baiwi gwinyaapise, nini kiyohipipaapo.

19 Nini isihiya 5,000 kaiwihiyai nandapa biretihandi 5 kiyahandi naumbwiti nunyohuraapi sangi windi gimaasunyainjo e owo? Nawipipa isihiya naniwi ahotimbipa ikihiki napitaiwihiki nepi kipopo?" undati nunjenataise. Aihiki ami kiya koai saundawaatopo. "Ikihiki 12 kiyawaahihiki nyahi asawa newaati

kipohaayo," undawaatopo.

20 Saundauhi ami Jisaasiho jihaati kiyai saundataase. "Isihya 4,000 kaiwihiyai kaatiha biretihandi 7 kaandihandi naumbwiti nunyonihhi naniwi gaatihi nawipipa ahotimbipa sahi asiwi nepi ikihi napitaiwihihhi nepi kipopo?" undati nunjenataise. Aihhi ami kiya koai saundawaatopo. "Tkihi 7 kiyahiha asawa newa kipohaayo," undawaatopo.

21 Saundauhi ami Jisaasiho kiyai saundataase. "O ami sangi sangi gisunyaatati ami sangi nasesipainjo?" undataase.

Kima Piwima Jisaasiho Utaaho Ndiha Niyotahoai Betisaitaahanda Nusorihaasitihandapihaare

22 Aihhi Jisaasihouni komi otipipatihyauni napiwi aunahipati Betisaitaahanda noaipawaayopo. Napiwi noaipihauhi utaaho wo komi ndiha niyotahoai komihya numwaasi nasawaayopo. Numwaasi napiwi Jisaasiho komi ndihaatihi ikwiri ahiwisati nusorihaitandi giwusoepi nunjenawaayopo.

23 Aihhi Jisaasiho utaaho ndiha niyotisihoai ikwira iwisi aunahipatami ipaahaapi noaipapi mangiraini akirepepi noti bitondaise. Noti bitondaati Jisaasiho utaahomi ndiha niyotisihoti maahoaiipati maahoaiipuriwati ikwiri ahiwisati saundataase. "Kinyi wani wapai nga usonapaino?" undataase.

24 Aihhi ko ndiha niyotisiho naingaati jati Jisaasihoai saundataase. "Ye, nini isihiyai iwinjataayo. Iwinjataahandi kandi kiya ipati nesiwesiwa daayataahatamataiwi daayauhi nini iwinjataayo," undataase.

25 Aihhi Jisaasiho jihaati komi ikwiri uta ndi niyotisihomi ndihaati ahiwisataise. Aihhi ko komi ndiha waati nusorihaatati gaatihi nahataapai nga biyati mmonataise.

26 Jisaasiho koai saundataase. "Kinyi aunahipataahapi windi namumbwi kinyi kinyi ayipipihapi titihi numwe," undati neti natausaasataise.

Kima Piwima Pitaaho Jisaasihopi Kiraisihore Tati Ausaati Katindihandapihaare

(Matiyuhu 16:13-20; Rukiho 9:18-21)

27 Jisaasihouni ami komi otipipatihyauni aunahipati gwiharaahonya aunahipati awaipati taunihandi Sisariya Piripaihanda ahetiwaiwaaraahapi daimi nowaayopo. Saiwi kiya taawi daimi nowaawi Jisaasiho kiya komi otipipatihiyai sata nunjenataise. "Nisapi isihya diyaamahoe tawaatopo?" undati kiyai nunjenataise.

28 Aihhi komi otipipatihya wihoaa'yiha koai saundawaatopo. "Kinyapi isihya usa Joniho Isihiyai Baawusisihoe tawaatopo. Aiwii ami usa Eraijaahopi japihi nasatete tawaatopo.\f Eraijaaho so jihhi aimehura Autaahaatihomi piwiha atiwiwa neti Komi piwiha awusaati bimainjati Jisaasiho sangi napihihura Autaahaatiho asohoi aimi numwaasi yamihapataatihapi naihi kinaungwiha aimi pihititi sanaihihopitopo. 1 Ki'yi 17 nihandaapihi mmome.\fe Aiwii ami usa satawaatopo. Autaahaatihomi piwiha atiwi nepi ausaahohiyihya piropetihyaami wore tawaatopo," undiwi kaundawaatopo.

29 Saundauhi Jisaasiho kiyai sata nunjenataise. "O ami sahi nisapi diyaamahoe tiwi gwinyapenawaayopo?" undati nunjenataise. Aihhi Pitaaho koai saundataase. "Kinyi Kiraisihoye," undataase.

30 Aihhi Jisaasiho kiyai saundataase. "Sahi nisapi isihiyai Mesaiyaahoe undiwi windi kamundiwise," undataase.\f Mesaiyaahoe tohitimandi sandi satiwi "Komi Isihiyai Japihi Numwaitandi Autaahaatiho Namihanati Ahiwisihore," tawaatopo.\fe

Kima Piwima Jisaasiho Yaawihandi Neti Napoti Japihi Nepaitandihandapi Katindihandapihaare

(Matiyuhu 16:21-28; Rukiho 9:22-27)

31 Aihi Jisaasiho namasati komi otipipatihiyai sata kataunjataise. "Autaahaatihomi Isihiyaami Saahonini Awaisihonini Jihonihi ambipati yaasihandi awaindihandi nanimitaapo. Aiwi Judaahiyaami aunihiya gwinyaahiya jhiyauni ami Pirisihyaami awaisawihya jhiyauni ami winihapipa katiwunjohiyihya ningisi ahosinimaitaapo. Aiwi nisapi poundonihoni sohonihoni niwisaihi napwito. Napotati asisiha mairimanya saniyonihoni nini asohoninimandi japihi animwaahipatombi nepaito," undataase.

32 Koai nusoaipaitandihapaapi Jisaasiho komi otipipatihiyai titihi ausaati kaundataase. Aihi Pitaaho Jisaasihoai nawisati numwaasi noti yandihoni bitotama koai nuwisapuwati saundataase. "Awaisihoŷe, kinyi satipi windi kamaatime. Owetane," undataase.

33 Ami Jisaasiho nepemaitati komi otipipatihiyai iwinjataise. Winjatata Pitahoai sireti ko katirihireti sata kamaatitandi kaundataase. Iyati koai Jisaasiho piwiha watipihya sata kaundataase.

"Bwaasirihiraŷe,\f Autaahaatihomuni Kiraisihomuni ami komi isihiyaami tiworihomoni sati ambipate. Iyati ami Pitaaho Kiraisihomoni tiworihoni Bwaasirihiramatiyati gwinyaasihi kandapi itihundataase.\fe kinyi ningisi nanimasi nawisapitipi kirayinihi numbwimape. Kinyi Autaahaatiho maaritati gwinyaasipapaapi windi gimunyaahise. Kinyi nehi isihya maaritiwi gwinyaahohirihireti gwinyaapaise," undataase.

34 Saundatosati isihya wirisandihiyaisati komi otipipatihiyai gaatati numwaati neti naasaimbipihoni ahoyataise. Ahoyatosati kiyai saundataase. "Ami isihya ningisi nanipinjitaatiwaahi kiya sawanaami maaritohiwaiwai ahosumapi kaiwaanihoni namamapise. Kiya ningi nanipinjitaatiwi kiya sawana nga itatamaŷiniwi bimitaatiwihandi kandinihi namamapise. Namamapi ipi titi atawihati nepi isihya nanipinjawise.

35 Ami utaaho wo sawaho wani biyati nga bimitandihandapaahihoni anditati napamataataahi ko ipotihura konihoni ningisati maasi bimitandihandihoni nihirati namaitaise. O ami utaaho wo nisapimatonihuni ami nisi piwiha gaaha wanihaapimatonihoni ko sawaho biyati nga bimitandihandihoni nihirati namati ami napotaataahi ko ipotihura nga ningisati konihoni jinjapihi asohoematati bimitandihandihoni naitaise.

36 Iyataati ami utaaho wo maapi yapipatambihaiwa nahatewa kohesayanati netaati kandaahi ko ipotihura asitimatati konihoni jinjapihi bimitandihandihoni nihirataataahi ami akitindi napindi nunyati ko asitimatati bimitandihandihoni naitaise? Apipaahi owetitaise.

37 Siyati ko asohoematati bimitandihandihoni nihirati owetanihi ko nawihoni nga nunya komi maariho asitimatati bimitandihandihoni windi japihi namaitaise. Apipaahi owetitaise.

38 Isihya wani kimura bimohiyimiya maipihandihoni apipaahi tisaitati ami apipaahi maipihura bindawaayopo. Isi ami isihya nisapi mawonaahi ami Nini Isihiyaami Saahonini Awaisihonini Jihonini nisi Apihomoni watipihandihoni nausainjitihandaatihi yamihapataatihapi Autaahaatihomoni enjerihya otipipatihiyaisati nasataahura kiyaapi ningisi manyonihoni kiyai ahosumwaito," undati kiyai kaundataase.

9

c

1 Jisaasiho kiyai sata kaundatosati ami wa saundataase. "Nini sangisi akitinihi sandi kasatataato. Isihya kimiya wani kimbihi bitohohiyimiya usa sangi napwisaihi Autaahaatiho isihiyai iwinja bimindihandihoni watipihandisa noaipahonihoni mmondaapo," undataase.

Kima Piwima Jisaasiho Noaipati Wipetahoemainjitihandapihaare

(Matiyuhu 17:1-13; Rukiho 9:28-36)

2 Asisiha aima 6 kiyati sanaihihura Jisaasiho Pitaahoaisuni Jemisihoaisuni Jonihoaisuni numwaasi

sisihu utaarihooasini nasaamanataise. Aihi kasini sisihooasini nehi sawanaahihi bitotawaayopo. Aihi kingwaasami ndiheti keti Jisaasihomi ambipati wipetahati noaipataise.

3 Iyati ami komi uti apotihiri noipati nehi kihoepi taanahitindaise. Iyati utaaho wo maapi yapipatambiho wapaara bausanati bausonihisi iyati windi kihoepimetitaise.

4 Aihi kingwaasi jawa Eraijaayi Mosesiya\ f Eraijaayi Mosesiya sura jihura Judaahiyaami awaisururapitopo. Mosesiho winihapipa numwisihore. Aihi ami Eraijaaho so awaisiho jiho Autaahaatihomi piwiha atisati neti kopi awusaasihore. \ fe kiyaami ndiheti noaipapi Jisaasihooaisami maasi taami piwaatinjihisi otipipatihingwaasi winjawaayopo.

5 Aihi Pitaaho Jisaasihoi saundataase. "Katipinyasingihoye, nyahi gaanihi kimbihi bindihaayoni ayihaiwa gohparihaiwa nausarisati maurimandi ayimatitaano. Waa'yi kinyapitanihi, waa'yi Mosesihopitanihi ami waa'yi Eraijaahopitanihi nyahi ayimatitaano," undataase.

6 Pitaahouni Jemisiyi Joniyauni apipaahi aungwohandi waati yayawaawi ami piwiha wa Jisaasihoi kaunditaha owetihi namati sandi Pitaaho kandaase.

7 Aihi tiwipati witi nasati kingwaasi neti napipihati namaasamataise. Aihi kati tiwipataatihapi piwiha wa Autaahaatiho Jisaasihopi katihi sataha noaipataise. "Kimo Nisi Maasihoho Akohotihisi Nini Koai Maariho nunyati wiwitihi ko piwiha kasatonihisi baiwi atiwewise," taha noaipataise.

8 Aihi kingwaasi piwiha sa atiwosawi keti keti nepemainaniwi jawaahandi kandi isihiya usaisi maawinjahopo, nehi Jisaasihoho sawahohihi bitosihisi iwinjawaayopo.

9 Sandi siyati noaipasihisi mmoniwi atiwimapi japihi sisihoho koasini namasi noaatipawaawi Jisaasihoho kingwaasi saundataase. "Sahi sisimooasini kimandi noaipasihisi mmonihohitmandapi isihiyai saimainje undiwi apipaahi windi kamundiwise. Kamundiwi bimambiwi Nini Autaahaatihomi Isihiyaami Saahonihisi Jihonihisi Awaisihonihisi napomatati japihi nepasanihura sandapi isihiyai sahi ausaapi kaunditaatiwe," undataase.

10 Aihi kingwaasi komi otipipatihingwaasi Jisaasihoho kaundisiha atiwisi nepi kaundirihireti japepahirawaayopo. Saiwi kiyawaahandi kandi Jisaasihoho, "Nini japihi animwaahipatombi nepaito," undisihaapi windi namausesipainjihisi kaami tanyaaha ko napindapinyatindiho? Niwi kanawaatopo.

11 Aihi kingwaasi Jisaasihoi satiwisi nunjenawaayopo.

"Judaahiyaami winihapipa katiwunjohiyihiya Eraijaahopi ko jihisi napitaise tiwi napindapi katopo?"

Marakaiho 4:5

undiwi nunjenawaayopo.

12 Aihi Jisaasihoho wihoaa'yihi kiyai sata kaundataase. "Ye, mandihisi akite. Kiyai akiti titihisi katawaatopo. Eraijaaho kahapaamapipa neti japihi titihemaitandi ko jihisi napitaise. Iyataahandi kandi Autaahaatihomi Isihiyaami Saaho Jiho Awaisihoho yaawihandi awaindihandi pihititi naitaise. Iyati ami isihiyai koai nehi wapaamataiwi, 'mmopi niwisapi nemapi ahosumwapi pohipiwitaapo,' tati Autaahaatihomi piwihaatihisi napaapi jipatihindise?"

13 Nini sangi akitihihi sandi kasatataato. Eraijaahohi aimi napise. Aimi napihisi ami isihiyai koai kawitaatiwi maaritohipipa kireti aimi kawisopo ami Autaahaatihomi piwiha katati jipatihindirihireti japepihiriwo," undati Jonihoho isihiyai baawusisihopi gwinyaataati sa piwiha kaundataase.

Kima Piwima Jisaasihoho Metihoho Womihetapi Itipihoho Maipihohoi Nemasitihandapihaare

(Matiyuhoho 17:14-21; Rukihoho 9:37-43a)

14 Aihi Jisaasiho Pitaaho Nemisiho ami Joniho Jisaasihomi otipipatihya usenda japihi napiwi niwipaawaayopo. Napiwi iwinjawa isihya apipaahi kiyai otaatemapi bitotawa ami winihapipa katiwunjohiyihya piwihaara pwisipataahamataiwi tunniwi kanihauni iwinjawaayopo.

15 Aihi Jisaasiho aimi nasa noaipasihi isihya wirisandihya winjaposawi waati yaiwipwitawaayopo. Waati yaiwipwitiwimapi keti dosi yuhiti deti Jisaasihoaapihi nuwi, "Aimi soyi nasapaino?" undiwi piwaundawaayopo.

16 Aihi Jisaasiho komi otipipatihyai sata nunjenataise. "Sahi kimiya isimiyaisawi pwisipataahamataiwi piwihaara napaapi tunnihopo?" undati nunjenataise.

17 Aihi isihya wirisandihyaami otihatihapi utaaho wo dotati Jisaasihoai saundataase.

"Katipunjingihoýe, nini nisi maasihohai gisenda numwaasi nasataayo. Itipihho maipihho komiheti bindata timbipa nunyati komi piwiha nemati maahomwaaýi neti niwisapusihi ami ko piwiha biyati windi piwaamaatiho.

18 Iyataati kimo nisi metimoai itipihho maipihho nahateweti siyati isiwatataati koai neti waati maahutati yapipateti neti tusaataise. Sawihi nisi metimo komi maahomwaaýi mipateti sisipa maahoairihiri nasati noamati ami mangiri neti sawaho ikwinati ikitihitisataise. Iyati ami komi ambipati tihrotipitati yahamipindaise. Aihi wani nini koai kinyi otipipatimiyaapihi kiya koai titihiwitondi numwaasi nasataayo. Numwaasi kiyaapihi nasonihandi kandi kiya metimomiheti itipihho maipihho bimisihoai windi nga nemaamahopo," undataase.

19 Aihi Jisaasiho piwiha sa atisatosati isihya wirisandihyaisuni komi otipipatihyaisuni saundataase. "Ese, sahi isimiyaati nisapi windi gimaanunyaahopo. Nini sangisati napitiyahaiwaara maasi bindataati kaindisasitande? Napitaindihaiwaara bindata sami naayiwaiwa neti awisitimapi notoaatitande? So metihohai ningisaapihi numwaasi napiwisono!" undataase.

20 Aihi kiya metoai numwaasi Jisaasihoaapihi nasawaayopo. Aihi itipihho maipihho Jisaasihoai usonataati yayati keti kuraanihi metoai neti yapipateti maahuta wonamaatihi tusaataise. Aihi metihho nehaatati tiwaapananati ahonda sisipa maahoairihiri kiyataise.

21 Aihi Jisaasiho metomi sapihoai sata nunjenataise. "Kinyi metimo napitiyahaiwaara kimiyati kiyataise?" undati nunjenataise. Aihi metomi sapiho Jisaasihoai wihooayihya sata kaundataase. "Metihho sangihohuraape.

22 Iyataati ami wiweti itipihho maipihho nisi metimoai sohoai tiwamaitotati sisihaapihi neti tihooati ami oseteti neti timandaati kiyatoandaise. Isi ami kinyi ganaahi metimoai wapa kawimbi yaindaanyangisi kinyi maariho asipinyime," undataase.

23 Aihi Jisaasiho metihomi sapihoai saundataase. "Kinyi ningi sandapaase. 'Kinyi gaatanaaho, ndapaase.' Ye, nini nge. Kinyi nisapi ginunyaapaapaahi ami kinyi nisapi ginunyaahingitihanda nahataapa taati nanihiyati kinyi ginunyaahingirihiri kireti noaipaitaise," undataase.

24 Aihi keti kuraanihi metomi sapiho waati kaahaata saundataase. "Jisaasihoýe, kinyapi kimo metimoeti itipihho maipihho bimisiho nga nemaitaise ndi nini gihunyaataayo. Saindi gihunyaataahandi kandi nisi kinyapi gihunyaahohitihandi wonji nenoaahitoni kinyi nepi anditinipe kinyapi nini gihunyaahohitihandi noaipati watipititendo," undataase.

25 Aihi Jisaasiho jata isihya taahitihandi kapihi nihiti nasauhi itipihho maipihhoai piwiha watipihya saundataase. "Kinyi itipi maipihoyi isihyaami atihiri nepi niwisapuhinihi piwiha atihomiwi ami maahomwaaýi nepi niwisapuhinihi piwaamaatoihohoye, kimo metimomihetapi noaipasi koyinihi numwe. Kinyi japihi nambi komiheti namindaape. Koyinihi numbwimape," undati itihundati tahamanati nemataise.

26 Aihi itipihho maipihho waati kaahaatati noaipasi notataaheti metihohai neti waati kisihisisa kwaanihoaniya yotamapi noaipasi notaise. Siyati itipihho maipihho metihohai neti yotindihandapi metihho

kwaapanimaasati napomataahomatiyati yapipateti ahondaise. Aihi isihiya taahiyihiya mmonawaawi metiho aimi napomataise tawaatopo.

27 Iyauhi ami Jisaasiho metihomi ikwiri iwiwati titihiwisihhi ko nepati doti titihhi bitondaise.

28 Siyati Jisaasiho kiyamapi ayaayi nandaasihhi komi otipipatihhiya nehi sawanaahihhi Jisaasihoaisawi bindawa koai saundiwi nunjenawaayopo. "Nyahi napindapi itipihho maipihho soai nga windi newaamaamaho?" undiwi nunjenawaayopo.

29 Aihhi Jisaasiho kiyai wihooayihha saundataase. "Itipihho maipihho setahoaisaahhi nehi gaapipataahihhi\fi ami nandapa onaayohitihandaahihhe tati utipihho wiwaatihhi sa ahondaise.\fe nga nemaitaapo," undataase.

Kima Piwiha Jisaasiho Napotati Japihhi Nepaitandihandapi Kasinihandi Katindihandapihaare

(Matiyuhu 17:22-23; Rukiho 9:43-45)

30 Aihhi Jisaasihouni komi otipipatihhiyauni kapihhi aunahipa namasi Garirihandaahira kandi Garirihandami otihapihhi daimi nowaayopo. Aihhi Jisaasiho isihhiyaapi sawahopi aimi yamo napise nnawa napihhi usondaatiwihandapi windi maarimitise.

31 Ami sandi apaapimaahhe, komi otipipatihhiyai taati kataunjataate. Iyati ami ko komi otipipatihhiyai saundataase. "Isihhiyaami Saahonini Jihonini Awaisihoningsi isihhiya tiworisaami ikwiraatihhinimasaihi ami kiya ningi sohonihhi niwitaapo. Niwisaihi napomatati animwaahipatombi asisiha mairima saniyonihhi japihhi asohoninimandi nepaito," undataase.

32 Isihhiya yaasihandi naninyawi nusaihi napomatati asisiha mairima saniyonihhi japihhi animwaahipatombi nepaito undisimaapi komi otipipatihhiyai windi gimaawunyaatati namausesipainje. Siyati namausesipainjihandi kandi kiya Jisaasihoi nunjendaatiwihandapi yayawaawi nesipapi kanyate undiwi koai windi namunjenihopo.

Kima Piwima Jisaasiho Isihhiya Awaisawihiyaimatohirihiretapi Katindihandapihaare

(Matiyuhu 18:1-5; Rukiho 9:46-48)

33 Aihhi Jisaasihouni komi otipipatihhiyauni aimi Kapaniyaamihanda noaipapi ayaayi nandaapi bindawaawi Jisaasiho komi otipipatihhiyai sata nunjenataise. "Daihira nyahi taawa nasihaawi sahi akitindi napindapi piwiha wihiwihooayihhi kanimi nasopo?" undati nunjenataise.

34 Aihhi kiya wihooayihha sapaapi katihhaato undiwi windi kamundopo. Ami wihooayihha kamundohitmandi ami kiya daihira wihiwihooayihhi saniwi, "nyamimatihapi diyaamaho awaisihore?" niwi kaniwawihanditihhi namapi kiya yatihitawaayopo.

35 Jisaasiho yatihhi bindata komi otipipatihhiya 12 kaiwihhiyaasi kiyai gaatati deti komihini ahoyatosati ko kiyai saundataase. "Sami wo noaipati jihomatitandaahhi so isihhiya nahatiyaami nehi ipotihomatati ami isihhiya nahatiyaami yatihhi otitihhi nehi otipipatihomatati otipipati kiyane," undataase.

36 Sata kaundatosati Jisaasiho metihonjhi wonjhi numwaati kiyaami ndiheti otihapihhi ahiwihhi bitondaise. Bitosihhi konjhi komi ikwiraatihhi numwaati isiwataatati kiyai saundataase.

37 "Utaaho wo metihonjhi kimonjamatiyahonjhi ami nisapimatonihi wonjhi metihonjhi numwaati iwitatamanataataahhi so ningi nanimaataise. Iyati ami ningisi wo nanimaati nitatamaso so ami ningisi nanimaataamaise ami ningisi natanoaasisihoi numwaataise," undataase.

Kima Piwima Jisaasiho Komi Otipipatihhiyai Saundati Utaaho Wo Nyami Tiworihomendaataahhi Ami So Nyami Naisohore Undindihandapihaare

(Rukiho 9:49-50)

38 Ahi Joniho Jisaasihoai saundataase. "Katipinyasingihoýe, utaaho wo namaanyipinjaho kinyi ambipataahi itipihho maipihhoai utaaho womihetapi taati tahamana nemasihi nyahi usonihaawi kinyi saimbi kamaime undaati itihunda nimbipuwahaayo," undataase.

39 Ami Jisaasiho koai saundataase. "Sahi napaapi niwimbipuwawaawe nehi iwinjasawise kiyati kaito. Ami utaaho wo nisi ambipata watipihaiwa wiwa kaisiho so nisapi keti maipiha windi kamaatitaiso," undataase.

40 "Isihiya usa nyangi nyaipindiwi nepimaanyamahohiyihya siya ami nyami naisihyaare.

41 Nini sangisi apipaahi akitinihi sandi kasatataato, utaaho wo sangi jasonataati kimiya Kiraisihomihyaaso tati nehi waapohoisangi nasamisiho soai ami nini wihoaáyahandi gaahandi nawihomataindi numwisanihi ko naitaise.

Kima Piwima Kopi Giwunyaahohiyihyai Isihiya Usa Maipihaiwa Kaitaatiwhandaatihi Numwaasi Nandaitauhahandapi Jisaasiho Katindahandapihaare

(Matiyuhu 18:6-9; Rukiho 17:1-2)

42 "Ami isihiya nisapi wani namasawi taawi ginunyaahohiyihya kiya manyinyaamataiwihiyai utaaho wo maipihandi sangi kiyaunjonihhi ami koai nepi jihi nawiha aungwohandi apipaahi naaáyahandi komi naahutarihiraapihi wirapi nahemaposawi durihiraatihi nepi timandaasaihi nawatisati napotaataahi ngaatitaise. Autaahaatiho koai yaawihandi windi namumwitando.

43 Ami kinyi ikwiri maipihandi kinyi kaitaapihandaatihi angisi niyonaahi gaasi keti kuraanihi kirisi tisatimape. Ikwiri nehi naasairisapi asohoýimatitaapihandi nga naitaapo. Ami wiwa ikwiri maindimurisapihoýi opaimbi sisiha kaanihi namaayotati tihatoaatisihaapihi numbwi tihooatitaino.

44 (Ami sapihi kiya maatimaatihiyaami pindipihho noamati kiyaisinihi nisatoaapati nanimi notoaatitaise. Iyati ami sisiha windi namaayotati kaanihi tihati kiyai tihimi notoaatitaise.)\f Wesi 48 handi mmome kima kandamatiyati naahwitarihiri naasairi noaipaso.\fe

45 Iyataati ami kinyi auhiri maipihandi kaitaapihira nangimaasi niyonihhi kinyi maipihandi kiyapaapaahi ami kiri tisatimape. Ami kinyi saimbi ambipati wihoaáyahati tisatipi nehi wihoaáyahatisahoyi asitimatitaapihandi nepi nga bimitaapo ami wiwa ambipati nahatepisapihoýi sisihaapihi nutaino.\f Wesihandi 46 handi ami 44 handi sauri 48 handamatiyahaurisi wesi 48 handi mmome.\fe

47 Ami kinyi ndiha maipihandi kaitaapihira nangimaasi niyonihhi kinyi maipihandi kiyapaapaahi ami gaasi kinyi ndiha wa namwaapi yotime. Ndiha nehi naasaisapihoýi Autaahaatiho gisi biyati ginjaati bimitando ami wiwa ndiha maiwisapi opaimbihongi nepi sisihaapihi yangotitaawo.

48 Iyataati sapihi sisihaapihi pindipihho isihiyai pindipoaamati nainjiho windi namaapotu ami sisiha isihiyai tihatoaatisiha windi namaayotati kaanihi tihatoatitaise.

49 "Isihiya nahatiya sorihho sapipa nandapaatihi ahiyauhi ami nandapa nga jipiyataise. Isi siri kireti sisiha isihyaami omaýititihhi maipihaiwa ahotiwaiwa tihamahonihhi kiyaami omaýititihhi titihitati popitititaise.

50 Iyataati sorihho sapipa sapa gaahape. Gaahapandaahandi kandi sapipaami jipaindihandi nupwihooatati owendaataahi sahi japihi jipaindihandi napitaiwi nepi ahaitaapo. Isi ami sahi sapipaami jipaindihandi samiheti neti tsaitonihhi ami sahi ususaati bipi napaisaati bimaawise," undataase.\f Kimandi wesimandi satatise, Kiraisihoai nuwipinjohiyihya kiya kopi giwunyaahotihandapi yaawati naaáyawisihaiwa newaahandi kandi kiya ususa baiwi geriniwi napaisaati bimaawise ndaase.\fe

Kima Piwiha Jisaasiho Namaatinowihiya Tipitapaatotihandapi Kataunjindihandapihaare

(Matiyuhu 19:1-12; Rukiho 16:18)

1 Aihi Jisaasiho sapihi namasi yapipati Judiyaahanda notaise. Noti yapipati Judiyaahanda waapihaati Joritaanihaati nahaitati kaanihi notaise. Aihi isihya taahiyihiya wirisandihandi koai usoniwosawi napiwi ahoyanihauhi Jisaasiho komihati kiyati namasati Autaahaatihomi piwiha ausaati kiyai kataunjataise.

2 Aihi Parisihiya usa napiwi Jisaasihoai piwiha wa nehi jaiwaiwiha ko napititiha kanyatise tiwi iwinjatawa namasawi saundiwi nunjenawaayopo. "Nyami winihapipa napondaase? Utaaho wo komi apwaataati nemaitandi sandi titiho e titihimaaho?" undiwi nunjenawaayopo.

3 Aihi Jisaasiho kiyai wihoaa'iha saundataase. "Mosesiho winihapipa napititihapa nasanyataise," undati nunjenataise.

4 Aihi kiyai wihoaa'iha saundawaatopo. "Mosesiho satise 'Utaaho apwaataati namataataahi kaati aimi namataayo tati utipihho jipatipiyati nunyati nemati natausaasane,' tati katise," undawaatopo.

5 Aihi Jisaasiho komiha kiyai saundataase. "Sahi maatimaatiwi wiretitiwi Autaahaatihomi piwiha katasimbipa atihomiwi daahi nisaputiwi watipitauhi Mosesiho sapa winihapipa katati jipatipiya ahiyataise.

6 Ami jiji wuwanihura Autaahaatiho kahapaamapipa kiyati ahaisura, 'wohoaisuni ami apopaatisuni kiyati ahiyataise,' tati piwiha katise.

7 'Isi ami woho saniyi sapiyaisi namasi noti apwaataatisati timaamaititande.

8 Saimi timaamaitamaami kasanyuri noaipapi ambipati yandihi yatiwitamaamaise. Owe. Kasanyuri noaipapi ambipati nehi naasapatisahasanyure.'

9 Iyataati kasanyuri Autaahaatiho neti maasi timaamahiwataise. Isi utaaho wo neti kasanyuri timaawipitapaane," undati Jisaasiho kaundataase.

10 Jisaasiho kiyai sata kaunda namihaasahi ipotihho ayipipihapi japihi nowaayopo. Nuwi bindawa komi otipipatihya Jisaasihoai piwiha isihya namaatinohiyihiya tipitapaatotihandapi katisihaapi nunjenawaayopo.

11 Aihi Jisaasiho kiyai saundataase. "Utaaho komi apwaataati namatosati ami waati neti wirataataahi so komi apwaataati jihaati neti maipihandi kawisataise. Iyati ami kasanyurami namaatinjitihandi neti nopisasataise.

12 Iyataati ami apopaati waati warihoai namasi noti woai namaatataataahi kasanyurami namaatinjitihandi neti nopisasati maipihandi kiyataise," undati komi otipipatihyai kaundataase.

Kima Piwima Jisaasiho Manyinyai Gaahandi Numwindihandapihaare

(Matiyuhu 19:13-15; Rukiho 18:15-17)

13 Isihya usa metihonyai numwaasi nasawaayopo konyai Jisaasiho saundati, "Sangisi Autaahaatiho gaahandi kasisane," undati komi ikwiri ahiwisati gaahandi numwitotiwu. Aihi Jisaasihomi otipipatihya kiyai itihundiwi niwisapuwawaayopo.

14 Aihi Jisaasiho isihyai komi otipipatihya itihundiwi niwisapuhutihandi mmonata kandapi ko windi maarimitati apowihi ko kiyai saundataase. "Sahi metihonyai nepi namaawisapupise. Nehi iwinjasawise, kiya ningisenda kaiwi napito. Ami isihya kimonyaamataiwihyai Autaahaatiho nga iwinjatitaise.

15 Nini sangisi akitinihi sandi kasatataato, metihonya wapa nehihapa nunyauhahapa nanihaiwi nehohipatomataiwi isihya Autaahaatiho kiyai iwinjatitandi metihonyaamataiwi kopi windi

gimaawunyaahohiyihiyai ko windi maawinjatitaise," undataase.

16 Sata Jisaasiho kiyai kaundatosati metihonyai numwaati komi ikwira namaahatata nahatonyai kiyaaami mitihoaatihiki ikwiri ahiwisati uripatisati saundataase. "Autaahaatiho sangisi gaahandi kasisane," undataase.

Kima Piwima Jisaasiho Isihiya Ikipipa Taahipipaisahiyaapi Katindihandapihaare

(Matiyuhu 19:16-30; Rukiho 18:18-30)

17 Jisaasiho sapihi namasati taati namasisi naihi utaaho wo yuhiti nasati Komi utatototi timahiyati komi atotipati atotipiwesati bindata sata nunjenataise. "Katipunjingihoyi gaahoye, nini napitiyataatinihi gaahandi asitimatitandihandi neti nasisoaari bimitande?" undati nunjenataise.

18 Siyati ko nunjesihi Jisaasiho koai wihoaa'yiha sata kaundataase. "Ningi kinyi napaapi gaahoye ndipi kandise? Nehi Autaahaatihohihi gaahoso.

19 Kinyi winihapipaami piwihaapi aimi gwinyaapihoye. Winihapipa sandaase.

'Sahi isihiya usaisi windi siyihiyai timaamapise. Sahi namaatiwihyaati usihya asihya usa sami siwaasisa ami sami siwoyaametahiyaisawi ambipati windi timaamaamaitiwise. Sahi isihiya usaamihapa ikomaaniwise. Isihiya piwiha atiwi nepi tipitapaapi mmonihohiyihyaapihi sahi piwiha usaapi jaipitiwiha kamaatiwise. Sahi usaisi jaipundiwi kiyaamapa nawiho ami wapa wapaisangi aipi namausepise. Sahi sami siniya japiyaami piwiha atiwiwi kiyai nepi autaahi isiwatiwise,'

Japihi Numwaasiho 20:12-17; Winihapipa 5:16-20

tati winihapipa ahondaise," undati kaundataase.

20 Aihiki ko Jisaasihoai saundataase. "Katipinyasingihonye, nini metihoninihuraapi sapa winihapipa nahataapa japepihirimi napiti wani kimurandaise," undataase.

21 Aihiki Jisaasiho koai titihiki iwinjatataati maariho nunyati maariho wiwiwati koai saundataase. "Kinyi winihapipa nga japepihirapaahandi kandi nehiki naasaindihiki windapaahihiki nenoaahitapaise. Isi wani numbwi kinyi ikipipa kahapaamapipa nahataapa nepi isihiya usaisi nunyapi nawiho nepe. Nunyapi nawiho nepi isihiya ikipipa apipaahi owehatimai nawiho ko nunye. Kinyi saimbi kiyapaapaahi kinyapihaiwa apipaahi gaahaiwa yamihapataatihiki ahisitotaise. Numbwi saimbi kaimbimapi nambi ningi nanipinje," undataase.

22 Aihiki ko Jisaasiho piwiha kaundisiha atisataati namati mandiropatati windi maarimitati maariho naayawisaho notaise, ami ko ikipipa taahipipaisahondaato.

23 Siyati ko aimi naihi Jisaasiho komi otipipatihiyai gaamati winjatataati kiyai saundataase. "Isihiya ikipipa asaketahiya Autaahaatiho iwinjatitandihandaatihiki napiwi nandaitaatiwi apipaahi naayamaitaise," undataase.

24 Aihiki Jisaasiho piwiha sata kaundihi kiya komi otipipatihiya atisawaawi waati aungwohandi yaiwimapi gwinyapenawaayopo. Saiwi yaiwipwitauihi ami Jisaasiho kiyai jihaati saundataase. "Nisi metihonyaate, utaaho wo Autaahaatiho iwinjatindihandaatihiki nandaitandaisihoai ami koai Autaahaatiho iwinjatitandi apipaahi kimbimatati naayamataise.

25 Sandi utaaho wo ikipipa asaketahoai Autaahaatiho iwinjaati bimitandi apipaahi watipitati naayamati niwipindaise. O ami Kamerihandihiki jaatihirami daundirihira windi namitanati windi napasipasinati kamaayati nga nanihiyati napaisaati nandaasi nutaise," undataase.

26 Aihiki ko Jisaasiho sata kiyai kaundihi, kiya komi piwiha atisawaawi maariho owetihiki yaiwi waati gwinyaawaayopo. Saiwi waati gwinyaawaawi kiya sawana sanawaatopo. "O siyonaahi, utaaho ninapitihyoai Autaahaatiho japihi numwaati asitimatitandihandi numwitaise?" niwi nasenawaayopo.

27 Aihiki Jisaasiho komi otipipatihiyai titihiki iwinjatata kiyaami nasenhohihaapi wihoaa'yiha saundataase. "Sandi apipaahi naayihandisi isihiya kiyaami maaritihiki andititotihanda namwaipaitaise,

owetitaise. O Autaahaatihohi ngaatitaise. Isi Autaahaatihohi komi maaritati gwinyaasirihireti katonihhi nahatewa nga noaipaitaise," undataase.

28 Aihhi ami Pitaaho piwiha wa Jisaasihoai saundataase. "Nyangi nyasome! Nyahi nyami kahapaamapipa isiwahohipipa namasisi gi nangipinjai nasahaayono," undataase.

29-30 Aihhi Jisaasiho komiha piwiha kiyai saundataase "Nini akitinihi sangi sandi kasatataato. Isihhiya usa nisapimatati ami nisi piwiha isihhiya usaisi ausaapi kaunditaatiwihandapimatonihhi kiyaami ayaayi saingihho sahoai sanasihhiyai saniya sapiyai mwaaya maatiyai osaataati namasi naisaihaahi, ami Autaahaatihho nanipimati waati ambipati owehaiwa wihooayihaiwa pihitati numwitaise. Siyati wani kimaapi yapimbataapihi waati ayaayi saingosaahoya sanasihhiya saniya mwaaya maatiya osaataati waati naitaise. Iyati ami isihhiya koai naayihaiwa numwitaapo. Isi siyati kaisihho ami ipotihura gaahandi asiyaimatiwi jinjapihi jinjapihi bimitaatiwihandi naitaise.

31 Isi isihhiya taahiyihhiya wani kimura noaipapi jihimatohiyihhiya ipotihura kiya noaipapi ipotihiyaimatitaapo. Iyonihhi ami isihhiya wani kimura noaipapi ipotihiyaimatohiyihhiya ipotihura kiya noaipapi jihiyaimatitaapo," undati Jisaasiho kiyai kaundataase.

Kima Piwima Jisaasiho Napwitandihandapi Piwiha Mairimaara Kaundindihandapihaare

(Matiyuhho 20:17-19; Rukiho 18:31-34)

32 Aihhi Jisaasihotihhi komi otipipatihhiyaatihhi daihira taawi daimi niyawaayopo, ami kiya aunahipa Jerusaremihandaaahapi niyawaawo. Aihhi Jisaasiho komi otipipatihhiyai ipotema ko kiyaami jihhi daimi niyataise. Iyataati ami komi otipipatihhiyai yawihhi yayi niyawaayopo. Aihhi ami isihhiya usa ipoti niwipinjai niyohiyihhiyaisangi waati yayawaayopo. Aihhi Jisaasiho komi otipipatihhiya 12 kaiwi ikwimaindimwitihhi auhirami yahuritahiyaisaahihhi yandihhi nawisaiwa numwaati koai wapa Jerusaremihandaa nusoaipahonihhi ami isihhiya komi ambipateti yaawihaiwa nunyawihhi kawitaatiwihaiwaapi ningi sanitaapo undati saundataase.

33 "Sahi nisi piwima atiniwise. Nyahi wani taawa Jerusaremihandaaahapi niyahaayo. Isi kapihi Jerusaremihandaa nini Autaahaatihohi Isihhiyaami Saahonini Jihonini Awaisihoninihi nipi nanimaapi pirihihiya isihhiya isihhiyaapi Autaahaatihhoai nandapa tihhiwi dipumanihohiyihhiyaami mitihhiyaamuni ami winihapipa Katiwunjihhiyihhiyaami ikwiraatihhinimasaihi nini napwitandihandapi kiya piwiha nepi nisiheti yanutaapi, 'Kinyi winihapipa nemapaini napope,' ndihhi piwiha wisasitaapo. Saiwi piwiha wisasawihhi isihhiya Judaahhiyaami dawaapihi bimohiyihhiyaami ikwiraatihhinimaitaapo.

34 Saiwi kiya ningi nepi kiyaamihetinimasaihi ami kiya tiworisa ningi sisipihindiwi maahoaipinupwi ami irihira maahwitiwi nindipapi ami sohoningi niwisaihi nini napwito. Napomatati ipoti asisihha mairima saniyonihura asohoninimandi japihi nepaito," undataase.

Kima Piwima Jisaasihoai Jemisiyi Joniya Kinyi Wihiwihooayi Yihooanyangi Nepinyitaape Undimi Nunjesitihandapihaare

(Matiyuhho 20:20-28)

35 Aihhi Jepetihohi mwaahuri Jemisiyi Joniya nami deti Jisaasihoai saundamaase.

"Katipinyasingihonye, kinyi yihooanyangi wapa kanyitaapihandapi gisi nangisendihaawiyo," undamaase.

36 Aihhi Jisaasihohi wihooayihhi kuri saundataase. "Nini sihoasangi napindi kasitande?" undati nunjenataise.

37 Aihhi kuramihhi wihooayihhi gwinyaasihhi Jisaasihoai saundamaase. "Ipotihura kinyi kinyi gaahaiwa sisihhaamatiyati otihwa kaumbwaati isihhiyai niwusainjitihandaatihhi kinyi ganiho gaahoaasini ambipati

wandiha awaisiha nepi isihiyai iwinjatapaahura kinyi yihoanyangi kanyatisamihi kinyatiyaha ambipati ami wandiha awaipati neha wonini kinyi ikwiri gaatihiraihoaayitanihi ami wonini kinyi ikwiri konaamohihoaaŷi gisaha isihiyai iwinjaaha bimitihaawito," undamaase.

38 Aihi Jisaasihomiha wihoaaŷiha kuri saundataase. "Sahuraahi sa piwima ningisi nanisepe kandisaapi windi baimi gimunyaapi monimihurahe. Owetise. Nini yaasihandi waapoho sawinjiho ipiho yahohomatiyahandi nandandiyohitihandi sahuraahi nga ningisami maasi maingwanaani newaati nandaano? Iyataati isihya waapihaateti nandaahauhi waapihaati nurimaasipatamatiyati ningi yaasihandi awaindihandi siyati nanimaasaitaise. Isi siyati yaasihandi nanimaasahonihi sihoaahi kandi nisi maariho ambipati nahandi yaasindihandaatithi maasi maingwanaani nandaasaihi maingwanaangi ahoyati nanyamaasaitaiso?" undataase.

39 Aihi kuri saundamaase. "Ye, yihoanyangisangi kinyi naayihandi kinyi ambipati ami maariho nahatoŷi yaasahandi naitaapaingiwimaiwaamaahi ami kiyaha naito," undamaase. Aihi Jisaasiho komiha wihoaaŷiha kuri saundataase. "Akitinihi sihoaahi nga waapoho nandandiyohiho nanimi ami yaasati naayihandi ningi waapihaatamatiyati nanimaasaitandaindimandi sihoasangisangi nga nasamaasaitaise.

40 Nasamaasahonihandi kandi nini sihoasangisi woŷi nisi ikwiri gaatihiraihoaayitanihi ami woŷi konaamohihoaaŷitanihi ningisapi woŷi otipipati sati kaambi ami woŷi sati kaime satitandihandi sandi nisihandimaahe. Owetise. Sandihi Autaahaatihomihande. Autaahaatihomihandisi isihya sati otipipati ami aunahipa naitaatiwe tati neti timanati namihanati kiyaapi gwinyaasawihiyai numwitaise. Nunyati ahiwitaise," undataase.

41 Aihi ami otipipatihiya sasaahoya ikwimaindimwi 10 kaiwihya kuri Jisaasihoai saundimi nunjesihaapi atisawaawi kiyai Jemisiyi Joniyaapi apousataise.

42 Aihi Jisaasiho komi otipipatihiya nahatiyai numwaati detematosati ko piwiha sata kaundataase. "Sahi kimandi aimi mmopi gwinyaapihiyaate. Isihya usa Judaahiyaanami dawaataatapihiyaami mitihya awaisawihya isihiyaisi iwinjaawi bindawaawi nyahi awaisawihyaaniso tiwi maaritiwimapi wandiha ambipati awaipati nunjawi kiyaami isihiyai nepi uripatiwi otipipati aungwohaiwa kimbimatahaiwa waati nunyawaayopo. Aiwi ami kiyaami awaisawihya Kiŷihiyaisangi kiyaami watipihandi wandihaaraahi isihiyai nepi yatihiti otitihemapi saundiwi, 'Sahi nyami yatihiti pinuwi nyami piwiha baiwi atinyiwise,' undiwi maaritiwi apipaahi watipitiwimapihiyaare.

43 Isi siyahaiwa saiwa gaahaiwaametisi sami otihatihiti saiwa apipaahi windi namoaiwane. Apipaahi owetane. Isi sami woŷi noaipapi usaami jihimatipi awaisihoŷimatitaapaahi kinyi noaipapi nahatiyaami nehi otipipatihoŷimate.

44 Iyataati ami sami wo noaipa jiho awaisihoematitandaahi ko noaipati sahi nahatiyaatami nehi otipipatiho nehihoematane.

45 Sandi apaapimaato. Ami Nini Isihyaami Saahonini Jihonini bwandipihonini nasohitimandi otipipati ningisi nitatamanati anditiniwitandihati isihya kaiwi nitatamanisaihi nga bimitandi nini nasataamaayo. Owetise. Isihya taahiyihiyai nini iwitatamaniti ami Autaahaatiho kiyai nunyati numwaitandi nisi ambipati nawihomataindi koai nunyandandi napitihonine. Nini saindi nunyainjanihi Autaahaatiho nisi ambipati nunyati isihya taahiyihiyai numwaitando," undataase.

Kima Piwima Utaaho Wo Batimiyaasiho Ndiha Niyotahoai Jisaasiho Nusorahaasitihandapihaare
(Matiyuh 20:29-34; Rukiho 18:35-43)

46 Kiya naiwi aunahipa Jerikohanda noaipawaayopo. Noaipapi Jisaasihotihiti sapihi namasi taati naihi komi otipipatihiyauni ami isihya taahitihandi kiyai niwipinjai niyohiyihyauni kati aunahipiti namasisi

Jisaasihoaisawi taawi aimi niyawaayopo. Aihi utaaho wo komi ndiha niyotaho Batimiyaasiho, Timiyaasihomi mwaaho isihiya daihira nuwi napiwiyohipihi bindataise. Komi ndiha siyati niyotahosi isihiya daihira nuwi napiwiyauhihiyai nawiho kahapaamapipaapi itundati daihira mangiraini bindataise.

47 Isi ko daihira mangiraini bindataati isihiya satiwi, "Nasaretihandaahapi Jisaasiho yamo taati nasataise," tiwi katauhi atisataise. Atisataati ko waati kaahaata sandaase. "Jisaasihoýe, Daawitihomi mwaahoyi Satihoýe, kinyi nisapi maariho tihitane," tati kaahandaase.

48 Aihi isihiya taahiyihiya koai itihundiwi, "Kinyi kaahaapa bipi namihaape," undiwi niwisapuwawaayopo. Saiwi kiya koai namihaape undauhahand kandi ko kiyaamiha atihomaawisa waati asakata kaahaata, "Daawitihomi Mwaahoyi Satihoýe, kinyi nisapi maariho tihitane," tati kaahandaase.

49 Aihi Jisaasiho komi gapipa atisataati namati kapihi bitondaise. Bitondaati saundataase. "Napita sopi gaatiwise," undataase. Aihi kiya so ndiha niyotisoai gaatiwi saundawaatopo. "Kinyi maaritipi dosisi name Jisaasiho kinyapi ko nasane ndaaso," undawaatopo.

50 Aihi ko atisataati komi apotihiri tiwathihaati nipaatihiri nausohaati yotamapi dosisi Jisaasihoapihi notaise.

51 Aihi Jisaasiho koai saunda nunjenataise. "Nini gisi napindi kahitandi gaatise," undati nunjenataise. Aihi komiha wihoaayiha saundataase. "Katipinyasingihonye, nisi ndiha nanorihatonihini japihi nga baindi jaitandito," undataase.

52 Aihi Jisaasiho komiha wihoaayiha saundataase. "Kinyi nisapi ko nisi ndiha neti nga nanorihaitaise tipi andititipi ginunyaahingitihandaahi kinyi ndiha nangorihatonihini numwe," undataase. Aihi Jisaasihomi piwheti keti kuraanihi komi ndiha biyati nusorihatihi biyati jati Jisaasihoai niwipinjai daihira notaise.

11

Jisaasiho Aunahipati Jerusaremihanda Awaisiho Kiyihoematati Nandaasitihandapihaare (Matiyuhu 21:1-11; Rukiho 19:28-40; Joniho 12:12-19)

1 Aihi kiya naiwi deti Jerusaremihanda noaipaitaahetihi aunahipihauri Betipaakihandamuni Betaanihandamuni sisiho Oripihooasini niyawaayopo. Saiwi taawi niyawaawi Jisaasiho komi otipipatihuri yahuri jiji natausaasataise.

2 Natausaasataati kuri piwiha saundataase. "Kimihini kimati aunahipimati jahohimata numwise. Numwi titihi mmonama dongihandami mwaaho sipipihoho isihiya windi awitimatiwi dahomaiwiho wiraposisaihi wiranditaise. Isi ko nesipapi nesi nami kimbihini ningi nanimitaatime.

3 O ami isihiya usa sihoasangi sasatiwi, 'sahuraahi dongihoai napitaitaati taami nesipase?' satisaihaahi sahuraahi kiyai saundimise. 'Awaisiho komi otipipati witi ahotihi kati kaitandi kanyatihisi kati kiyati owetanihi japihi keti kuraanihi numwaasisamaitaise,' undimise undati," natausaasataise.

4 Siyati kuri Jisaasiho kaundati natausaasihi numwi mmonama dongihandami mwaaho aimi akururaaho sipipihoho ayihandami maasometeti daihiraami nehini wiraposauhi wirandihi mmonamaise. Mmonimosami taami kandi dongihandami mwaaho numwaasi nutotimi nesipamaise.

5 Saimi taami nesipasihini isihiya kapihi bitohoyihiya kuri saundawaatopo. "Sahuraahi napaapi taami dongihandami mwaaho nesipase?" undiwi nunjenawaapo.

6 Aihi kuri Jisaasiho nasisesaihaahi saundimi kaundimise undatati kaundisiha ka kaundamaase. Aihi kiya kuri, "Gaasi gohi numwaasi numwise," undawaatopo.

7 Aihi kuri dongihoai numwaasi Jisaasihoapihi noaipamaise. Noaipapi kurami apotihiri tiwathihaatihi niyosirihiri nausohaapi dongihandami dawaarihreti ahaihi Jisaasiho kasini nasaamana bindataise.

8 Aihi ami isihiya taahiyihiya apotihiri kiyaami tiwathihaatihini niyohohipipaisangi nausohaapi daihira Jisaasiho nutandihira gaamapi nusapaapi gwaumwi nowaayopo. Aihi ami usaosaataati nuwi ipati iwiwirihoimi isaaha nimanwiwi nesipiwi daihira gaamapi gwaapowaayopo.

9 Aihi isihiya jihuni ipotuni Jisaasihoai otihapemapi maarihiwi nowaawi waapihihiwi satawaatopo. "Nyahi Autaahaatihopi maarihihaayo. Kimo Awaisiho Autaahaatihomi ambipataahi nasahosi Autaahaatihu koaisi gaahati kawisati gaahandi nunyane. Osaana.

10 Kimandi noaipasitimandi nyami asiho Daawitihu isihiyai iwinjaati bimindihandamatiyahandi noaipaitandaisi gaahandi noaipaitandihandi Autaahaatihu koai nunyane. Nyahi Autaahaatihopi waati maarihihaayo. Iyaati Autaahaatihu yamihapataatihu bimisihoai mepi autahewaumihaayo," tiwi konyahitawaatopo.

11 Siyati saiwa noaipasihu Jisaasiho niyati aunahipa Jerusaremihanda nandaati niyati Autaahaatihomi Ayi Awaindihandaatihu nandaati nahataapa katihi ahotimbipai jati mmonataise. Mmonati kiyamapi ipihu aimi noti tipateti namaatipasihu katihi namasi ipaahaapi noaipati komi otipipatihiyaisati maasi aunahipa Betaanihandaahapi notaise.

Ipati Pihoaipihomatiyahati Yandipihu Namingosihu Kati Jisaasiho Yandipihu Namingope Undihi Awaipitindihandapihaare

(Matiyuhu 21:18-19)

12 Saiwi nuwi aunahipa Betaanihanda nanopawi bowihi nepasi japihi kapihi Betaanihanda namasi niyawaayopo. Niyawaawi Jisaasihoai jaumanataise.

13 Aihi Jisaasiho ipati witi pihoaipihomatiyahatami yandipihu namingohati onihu wonji yaninaatihuhi mwinijati ahethi jataise. Jataati wiwa yandipihu ningoti ahotitaiso tati detapi mmondandi niyataise. Niyati detapi yandipihu ningoti ahotitaiso ta mmonata yandipihu ningoitandihura sangindaati nehi yananaatihu nupwaitati mwinati ahethi mmonataise.

14 Aihi kati ipiti Jisaasiho saundataase, "Isihiya kinyi yandipihu jihaati windi nandiwi namaahindaapo, owetitaise," undati kaundihi komi otipipatihya piwiha sa atiwi newaayopo.

Isihiya Kahapaamapipa Ayi Awaindihandaatihu Ahiyawi Nunyawu Nehauhi Jisaasiho Tahamasitihandapihaare

(Matiyuhu 21:12-17; Rukiho 19:45-48; Joniho 2:13-22)

15 Aihi kiya naiwi Jerusaremihanda noaipawaayopo. Noaipapi Jisaasiho Autaahaatihomi Ayi Awaindihandaatihu nandaataise. Nandaati isihiya katihi taawi kahapaamapipa nunyawu nawiho nepi ami nawiho yapipati witiwitaahapiho nunyawu Judaahiyaamihoetemapi nepi kiyohiyihiyaami ganiho neti nepuhotaise. Iyati ami isihiya nawiho nunyawu koho dipisiho gaarehandi Autaahaatihoi numwitaatiwi nehohiwaiwaami ganiho neti nepuhotaise. Iyati ami kiyaisi neti tahamanausoasataise.

16 Neti nepuhoti katihi Ayi Awaindihandaatihu usaayaipataini ami gotitipihiroti isihiya saiwa japihi isisi katihi nandaapi nuwi napiwimaitaatiwi neti niwimbipuwataise.

17 Iyati ami ko isihiyai kataunjati saundataase. "Autaahaatihomi piwiha jipatipindisihaatihapi Autaahaatihu sandaase. 'Nisi ayaayi saayi isihiya yapihu nahandaahapihiya nahatiya napiwi gaapunditaatiwihaane,' tati jipatipindise. Satati jipatipindihandi kandi sahi isihyaami nawiho wihoayaihu titihi kamwaayi namunyawu wihoayaihu wo ikonwiwi nusaitaatiwi sandi sahi kiyawaayopo. Siyawaawi nisi ayaayi ikohiya ikopa kaitaatiwi noaitaatiwihaayemawaayopo," undataase.

18 Aihi pirihiya isihyaapi nandapa tihwi Autaahaatihoi dipumanihohiyihiyaami mitihyauni ami

Judaahiyaami winihapipa katiwunjohiyihyauni Jisaasihomi piwiha sata kaundisihaapi atiwi newaayopo. Atiwi newaawi Jisaasiho sohoai tiwitaatiwihira daihiraapi daawaayopo. Iyataati ami kiya kopi yayawaayopo. Sandi kopi yayotimandi apaapimahe, ami isihya nahatiya Jisaasihomi piwiha atisawaawi kiyaami maariho windosihuni ami Jisaasihopi maaitahe.

19 Aihi aimi ipiho naihi asihananaataatihi Jisaasihouni komi otipipatihyauni aunahipati Jerusaremihandi namasi nowaayopo.

Kima Piwima Jisaasiho Satati Utaaho Wo Wapaapi Gwinyaataati Kapa Akitinihi Naito Tati Kopi Giwunyaati Autaahaatihoai Nunjenihonaahi Nunjesipipa Naitaise Tindihandapihaare
(Matiyuhu 21:20-22)

20 Nanopawi bowihi kohokoaisawi nepasi daihira niyawaawi ipati witi pihoapihomatiyahati awaipitamasihimmonawaapo. Sati ipiti isaaha isititi saatitihitamitati damipati tambatihiri nahataapa osamati apipaahi napoti awaipitamataise.

21 Siyati awaipitamasihim Pitaaho mmonataati gwinyapenataise. Gwinyapenataati bati ipiti kaundindihandapi namati Jisaasihoai ko saundataase. "Katipinyasingihonye, jase, kimati ipimatisi kinyi bati itihundingipati wani aimi awaipititi napomataiso," undataase.

22 Aihi Jisaasihomiha wihoaa'yiha kiyai saundataase. "Sahi baiwi Autaahaatihopi giwunyaapise.

23 Isihya usa baiwi Autaahaatihopi giwunyaahohiyihya kimiri sihoarimiri tipimati, 'kinyi niwautipesi durihiraatihi timandaate,' undiwi nga kaunditaapo. Kaundisaihi ami kireti titihi kiya noaipaitaise. Saiwi kaunditaatiwihya maariho yiyahwi gwinyaapihiyaamahe, owetise. Nehi maariho naasohihi giwunyaapi nyahi katisaihi titihi akipipa noaipaitaise tiwi gwinyapenawaawi katitaapo. Isi nini sangi akitinihi sandi kasatataato, sahi wapaapi gwinyapenawaawi katisaihaahi titihi akipipa sami katohimumwaa'yi kamwaa'yi japepihira titihi kapa noaipaitaise.

24 Isi sahi Autaahaatihopi gaapundiwi wapa naitaatiwi koai nunjenawaawi nyami kaundohipipa akitinihi kapa titihi naito tiwi gwinyaawaawaahi sami katohipipa kapa titihi naitaapo satiti nini sangi akitinihi kasatataato.

25 "Isi sahi gaapunditaatiwi dowaheti utaaho wo sangi maipihandi windi kasindihandapi kopi gwinyapenawaawaahi namapi komi maipihaiwa sangi gaapundiwiwatawa jihi nepumapise. Saiwi kaisaihaahi ami sami japiho yamihapataatihi bimisiho sami maipihaiwaisangi nesamaitaise.

26 (O ami utaaho wo sangi maipihaiwa kasiwaiwa nepimumwawaawaahi ami sami japiho yamihapataatihi bimisiho sami maipihaiwa windi nesamaamaitaise owetitaise," undati Jisaasiho kiyai kaundataase.)\f Utipihaiwa taahiwaiwa wiwaatihi kima piwima windi jipitipimindise. Owe.\fe

Awaisawihya Jisaasihoai Watipihandi ndi Nahinyati Kahitih Kinyi Sandi Kiyapaise Undotihandapihaare

(Matiyuhu 21:23-27; Rukiho 20:1-8)

27 Aihi kiya japihi napiwi Jerusaremihandi noaipawaayopo. Noaipapi Jisaasiho A'yi Awaindihandaatihi nandaati taati daayataise. Aihi p'irisihiya awaisawihya Autaahaatihoai nandapa tihiwi dipumanihohiyihyaami mitihyauni ami Judaahiyaami winihapipa katiwunjohiyihyauni ami usa gwinyaahyauni Jisaasihoapihi nasawaayopo.

28 Napiwi Jisaasihoai satiwi kiya nunjenawaapo. "Kinyi isihyai A'yi Awaindihandaatihi saiwa kamaiwise undipi niwisapupi kaingitimandi watipihandi diyaamihandahe? Aimbami gisi saimbami kaimehita ndi kahitih kinyi kiyapaise?" undiwi nunjenawaapo.

29 Aihi ami Jisaasihomiha wihooaáyiha kiyai saundataase. "O ami nini piwiha wa nehi naasaahihi nasisendaano, sahi wihooaáyiha baiwi nepi kandisaihaahi ami nini kaiwa kaiwa kiyohiwimaiwaapi watipihandi sandaaha satiti sangi kasatitando. Isi nini sandi nasisendaano.

30 Joniho isihiyai piwiha ausaati kaundati ami waapohora baawusindindi Autaahaatihomi watipihandaaho e yapipatambi isihyaami gwinyaahotihandi watipihandaaho wani sahi kandiwise?" undati kiyai nunjenataise.

31 Sata Jisaasiho nunjesihi kiya sawana sanawaatopo. "Nyahi napitititahaawe? 'Nyahi Autaahaatihomi watipihandaaha,' undisaihaahi piwiha Jisaasiho wihooaáyiha sanyatitaise. 'Ami Autaahaatihomi watipihandaahinaahi sahi Jonihopi napindapi gimaawunyaahopo?' nyatitaise.

32 O ami nyahi, 'isihyaami gwinyaahotihandi yapipatambi watipihandaaha,' undisaihaahi ami isihya Jonihopi Autaahaatihomi piwiha atisati neti ausaasihoe tiwi giwunyaapihiyaasi kiyaisi nyapi apowitaiso," nnawaatopo. (Ami kiya saniwi kanihotimandi sandi kiya isihyaapi yayawaawi kanawaatopo.)

33 Aihi kiya yayawaawi namapi Jisaasihoai saundawaatopo. "Nyahi saiwaapi windi mmonaahiyaane," undawaatopo. Aihi Jisaasihomiha ami kiyai saundataase "O siyonaahi ami nisangisi watipihandi sandi so nanimihihanda saindi kiyataayo satiti windi kamaasatito," undataase.

12

Kima Piwiha Isihya Maatimaatiwihiya Wainihandi Osaataati Jaawi Bimohiyihiyaapi Jisaasiho Namihana Katindihandapihaare

(Matiyuhu 21:33-46; Rukiho 20:9-19)

1 Aihi Jisaasiho piwiha namihanaha Judaahiyaami awaisawihyaapi kiyai sata kaundataase. "Utaaho wo wirihiri wainihandi niyaamati naporihiri nisati nisihoapotosati ami waapoho wainihandi namwaitandihandi kiyataise. Kiyatosa ami ayaáyi waaáyi isihya wainihandi ikondaatiwihiyaapi tamangipihapi jaawi bitoaitaatiwihaáyi autaahi niwaataati ayimatataise. Siyati kiya owetihis isihya usaisi saunda nunyataise. 'Sahi nisi osaataati wainihandi kimandi ninjaawi bitosawise. Ninjaawi bitotawaawi wainihandi ningohonihura sapihandi nanawaawi ami niwahonisapihandi nanimitaatiwo. Aiwi ami windi nunyawawi isihiyai nawiho naitaatiwe,' undati kiyaami ikwiraatihimataise. Siyati nunyamapi konihi kaanihi wapihapi nomataise.

2 Nomati ketinjati wainihandi aimi ningoti akuraihura komi otipipatiho woai saundataase. 'Kinyi numbwi nisi wainihandi ninjaawi bitohohiyihiyaapihi noaipasamihi kiya wainihandi windi nahimisaihi nanenapita numwe,' undati natausaasataise.

3 Siyati natausaasihi ko naihihandi kandi kiya wainihandi jasohiyihiya komi otipipatihoai isiwatawa timambiwi ahiyawi nehi taanahihoai japihi nepi natiwusaasawaayopo.

4 Aihi ami wainihandami satiho komi wainihandi jaawi bimohiyihiyaapihi jihaati komi otipipatiho woai natausaasataise. Aihi ami koai isiwatawa mitihaatihis timbipi jitipitahandi tipi mawahandi nunyawaayopo.

5 Aihi wainihandami satiho ami komi otipipatiho woai jihaati natausaasataise. Natausaasihi ko noti kiyai iwinjasihis kiya koai sohoai tiwawaayopo. Aihi wainihandami satiho ami komi otipipatihiya taahiyihiyai natausaasataise. Natausaasihi kiya nuwi kiyai iwinjahauhi jihiyai kawisohipati kati kawiwis usai goti tipusoasawi ami usai siyihiyai tiwawaayopo.

6 Aihi ami komi mwaaho nehi naasohihi maariho biyati wiwiwahoai ipoti natausaasitandi bindataise. Aihi ipotaataatinihi sawahomi mwaahoai wainihandi jaawi bimohiyihiyaapihi neti natausaasataise. Natausaasataati sapihis sandaase. 'Nisi maasihihomi piwiha kiya baiwi atiwiataapo,' ndaase.

7 Satati natausaasihi ko noti noaipasihi wainihandi jaawi bimohiyihiya taati naihi koai iwinjaposawi kiya sanawaatopo. 'Kimo utaamo wainihandi kimandami satihomi titihi mwaaho akohoe. Isi koai sohoai tiwitihaawi napiwise. Tiwisaihi ko naponihi ko wainihandi osaataati naitotahandi namawa nyahi kandi nesaihi nyamimatitendo,' nnawaatopo.

8 Satiwi kanawaawi namapi komi mwaahoai isiwatawa sohoai tipi osaataatami nehahaati yotawaapo.

9 "Isi wainihandami satiho kiyaisi napitiwitaise. Osaataatami satiho nasati kiyaisi siyihiyai tiwamaitaise. Tiwamati komi wainihandi osaataati usai nemwitaise.

10 Piwiha kima sata jipatipindisiha sahi windi awimitiwihyaato:

'Ayaayi ayimatohiyihiya yasiha kimaapi ponyase tiwi namahotiha wani noaipati mihotirisati ayaayapi yasiha aundetihoni anaahihaimatataise.

11 Awaisiho sawaho sandi siyati kaihi nyahi mmonihawaapi apipaahi gaatihi maaritihaayo,'

Aunihihiri 118:22-23

tati jipatipindise," undati kiyaisi kaundataase.

12 Sata Jisaasiho kiyai kaundihi Judaahiyaami awaisawihya komi piwiha atiwisawaawi ko nyapi piwiha sa namihanaha kandaase tiwi Jisaasihoai isiwitotwi gwinyaahohiyihiya namapi isihyaapi yayawaawi koai namasi nowaayopo.

Kima Piwima Jisaasihoai Isihya Nyami Awaisiho Sisaahoai Nawiho Numwitaano Undiwi Nunjenihotihandapihaare

(Matiyuho 22:15-22; Rukiho 20:20-26)

13 Saiwimapi nuwawi bowihi isihya Parisihiyaami usaisuni ami Erotihomihyaami usaisuni ko napitinyatise tiwi bipi iwinjatawa nunjendaatiwi Jisaasihoapihi natiwusaasawaayopo. Aiwi ami piwiha wa wipita asireti kaundonaahi asireti satipihoye undiwi piwiha komiheti nutotiwu.

14 Aihikiya nuwi Jisaasihoapihi noaipapi koai saundawaatopo. "Katipinyasingihonye, nyahi gwinyaahaayo kinyi utaahoyi ainahihoyi piwiha titihi gaahaahihiki katipihoyitiniho. Aimbikiya kinyi isihyaami gwinyaahohiwaiwaapuni kinyapi itihitohiwaiwaapuni windi yamaambi andititipi bitotapa Autaahaatihomi piwiha naasika Akitihaahihiki katipinyasapihoye, isihya awaisawihyaaisuni gwiharaahiyaisuno. Isi wani nyangi kanyate. Nyahi awaisiho Sisaaho Romihanda nahataapipihiki jatisihoai nawiho gamanihomi otipipati kaitandiho nunyahaawaahi sandi Judaahiyaami winihapipa newa nopisasihaayono e owetiso? Isi Sisaahoai nawiho nunyaano e namunyaano?" undiwi kiya nunjenawaapo.

15 Aihikiya Jisaasiho kiyaami jaiwaiwi iwinjatawa nunjenihotihandi usonataise. Usonataati kiyai wihoaayihaha saundataase. "Sahi napaapi napiwiki ningi ninjatawa jaiwaiwi taawi nanisehopo? Nawiho taanauhiko wo isisi nasawaawaahi naninyawewise nini mmondaano," undataase.

16 Undihikiya nawiho wo nunyauhi ko neti mmonatosati ami kiyai saundati nunjenataise. "Kimati siwipimatuni ambibatuni diyaamihate?" undataase. Aihikiya saundawaatopo. "O awaisiho Sisaahomihate," undawaatopo.

17 "O siyonaahi wapa awaisiho Sisaahomihapanaahi ami koai titihi komihapa nunyawise. O ami wapa Autaahaatihomihapanaahi ami titihi kapa Autaahaatihohai nunyawise," undataase. Undati Jisaasiho piwiha kaundihi kaapi kiya namapi yaiwimapi maaroamapi pihitiwi gwinyaawaayopo.

Kima Piwima Jisaasihoai Satiyusihiya Isihya Napohiyihiya Japihi Nepaitatiwihandapi Nunjenihotihandapihaare

(Matiyuhu 22:23-33; Rukiho 20:27-40)

18 Judaahiyaami usa isihiya Satiyusihiya Jisaasihoaapihi napīwi noaipawaayopo. Isiya siya Satiyusihiya satiwihiyaare. Isihiya napohiyihiya japihi windi namepaitaapo tiwi gwinyaapi katiwihiyaare.

19 Isi kiya Jisaasihoai saundiwi nunjenawaapo. "Katipinyasingihonye, Mosesiho nyapi winihapipa kimba sata jipatihiya ahiyataise. 'Utaaho sihimwaaha manyinya oweho nehi bimainja apwaataati namasi naponaaahi sotisomi titihi saingihosi osinihaati neti wirane. Iyonihini manyinya koaapihapi noaipahohiyihiya komi aunahipa naitaatiwimaaha. Owe. Sotisihomi aunahipa naitaatiwe,' tati ahiyataise.

20 Isi isihiya sapiho naasomi mwaaya taahiyihiya 7 kaiwihiya noaipawaayopo. Aihini jihu bwandipihosi apopaati neti wirataise. Ko neti wirati bimainjati maaha oweho napotaise.

21 Aihini ami komi saingihosi komihini noaipasihosi saahomi osinihaati neti wirataise. Wirati bimainja ami koaisangi naasikati kiyati maaha oweho napotaise. Aihini ami kapihoaisangi kati kiyati neti wirati bimainja maaha oweho napotaise.

22 Saiwi nahatiya kaimi nuwi ipotaataatiho 7 hoaisangi naasikati kiyati maaha oweho napotaise. Aihini ipotinihi kaati apopaati napotaise.

23 Isi saati apopaati saaho saingihosi nahatiya 7 kaiwihiya nepi wirapihaatisi asisiha isihiya japihi nepapi asitimatitaatiwiha noaipahonihura saati apopaati noipati diyaamahomi apwaataatimatitaise?" undiwi Jisaasihoai nunjenawaapo.

24 Aihini Jisaasihomihi wihooayihini kiyaisi saundataase. "Sahi moniwi gimunyaapihiyaato? Sahi Autaahaatihomi piwihaatihini jipatihindimbipaapuni ami Autaahaatihomi watipihandapuni sahi apipaahi windi moniwi ami windi gimaasunyaatahiyaato? Ami sahi Autaahaatihomi piwiha jipatihindiwaiwaapuni ami Autaahaatihomi watipihandapuni windi moniwihiyaatisi sahi saiwa nahiriwi katawaatopo.

25 Isihiya japihi nepawaahura wanamataiwi windi namaamaatindaapo. Owetitaise. Nehi Autaahaatihomi otipipatihini yamihapataatihini bimohiyihiya enjerihyaamataiwi bimitaapo.

26 "Isihiya napohiyihiya japihi nepaitaatiwihandapi Autaahaatiho piwiha katisiha sahi aini akitinihi awitiwihiyaate. Mosesiho piwiha ipati mwinihati sisiha sawiha tihindindapi jipatihiya ahaisiha sahi windi awimitowo? Sandi ipihosi aynetahonji maipihonjaatihapi sisiha tihisihaapito. Sa piwihaatihini Autaahaatiho Mosesihoai saundise. 'Nini Abiraahamihosi Aisaakiho Jekopihomi Autaahaatihonine,' undise.

27 Autaahaatiho so isihiya Autaahaatihopi gimaawunyaapihiya napohiyihiyaami Autaahaatihomaaha. Owetise. Autaahaatiho so isihiya sangi napopi asihihiya bimohiyihiyauni ami isihiya aini napohiyihiya kopi giwunyaahotihandaahi kiyaanihi asiyaaimatiwi koaisawi bimohiyihiyaami Autaahaatihore. Isi sahi nahariwihiyaatisi piwiha sa apipaahi naharitiwihi katawaatopo," undati Jisaasiho kiyai kaundataase.

Kima Piwima Autaahaatihomi Winihapipa Awaimbipa Jihapaapi Sapa Awaimbipaare Undati Kaundihandapihaare

(Matiyuhu 22:34-40; Rukiho 10:25-28)

28 Utaaho wo Judaahiyaami winihapipa kataunjisiho nasataise. Nasati atisata kiya Satiyusihiya nunjenihohiwaiwa Jisaasiho nga wihooayihini biyati ausaati nusesipati kaundihi ko winihapipa kataunjisiho atisataise. Siyati biyati gaaha kaundihiyataati namati komiha Jisaasihoai sata nunjenataise. "Winihapipa mahiwapaanihi apipaahi awaimbipa jihapaare?" undati nunjenataise.

29 Aihini Jisaasiho komiha wihooayihini koai saundataase. "Winihapipa apipaahi awaimbipa wapaisi

nusatipihaahapa kimbaare: 'Sahi Isiraherihyaate atiwise. Nyami Awaisiho Autaahaatiho nehi naasohihi ko Awaisihore.

30 Isi kinyi kinyi maariho kinyi amitiha gwinyaahingitihandi kinyi andititingitihandi kinyi watipihandi kinyi gwisaha saiwa nahatewa Autaahaatiho naasomiheti niyonihini kinyi Awaisiho Autaahaatihoaisaahihini maariho napaitipi nunye.'

31 Aihini ami winihapipa wapa awaimbipa kapihapa kimbaare. 'Kinyi kiwahoŷi maariho naminipi kinyi ambipatisi maariho nunyapi baimbi napaitipi itatamanihingipatamataimbi kinyi naisohoi maariho nunyapi ami komi ambipatapihapa nunyapi iwitatamanime.' Iyataati winihapipa wapa awaimbipa kimaurisi nusatipihaati awaimbipaaitandihapa apipaahi owetise," undati Jisaasiho koai kaundataase.

32 Aihini ko winihapipa kataunjisiho Jisaasihoai saundataase. "Katipinyasingihonye, kinyi titihi piwiha apipaahi akitinihi akaaha katapaase, Autaahaatiho Awaisiho nehi naasohihi bindataise. O wo autahaatiho owetise.

33 Isi nyahi biyaati napaita nyami maariho nyami gwinyaahotihandi nyami andititotihandi watipihandi nyami omayititihini saiwa nahatewa akitinihi komiheti niyonihini koaisaahihini maariho numwitihawo. Iyaati ami nyahi yawanaani nyami ambipatisi maariho nunyaati biyaati napaitaati itatamanihopatamatiyaati ami naisihya ami isihya usaisangi maariho nunyaati iwitatamanitihawe. Isi winihapimauri kimauri nyahi atisaati biyaati japepihirotihandi nyahi gaarehandi nandapa kohasipihotihati Autaahaatihoai dipumanihohiwaiwa nahatewaisi nusatipihaataise," undataase.

34 Sata ko winihapipa kataunjisiho katihini Jisaasiho atisata ko biyati titihi akaaha katihiyataati Jisaasiho koai saundataase. "Kinyi Autaahaatiho isihiyai iwinjaati bimindhandaatihi nandaitaapi aimi detitapaise," undataase. Undati kaundihihura isihya nahatiya yayawaawi anditititwi piwiha wiwa Jisaasihoai jihaati namunjenihopo owetise.

Jisaasiho Sawahopi Kiraisiho Diyaamahore Unda Nunjesitihandapihaare

(Matiyuhu 22:41-46; Rukiho 20:41-44)

35 Jisaasiho Autaahaatihomi Aŷi Awaindihandaatihi nandaati katihini gotitipihiroti usaŷaipataini bitonda piwiha ausaati kataunjataati isihiyai saundati nunjenataise. "Isihya winihapipa katiwunjojhihiya Kiraisihopi Daawitihomi mwaahoe tiwi napaapi katopo?

36 Autaahaatihomi Itipihoni neti Daawitihoi giwunyaasihini ami Daawitihohi sawaho satise:

'Awaisiho Autaahaatiho nisi Awaisihoai saundise, "Kinyi nisi ikwiri gaahiraihoaaŷi bime.

Bimaami numbwi nini kinyi tiworisaisi neti kinyi asimwaatitihemasanihi kinyi kiyai nepi ipihatisamihuraatitando,"

Aunihihiri 110:1

undati Autaahaatiho Awaisiho nisi Awaisihoai kaundise,' tati kandaase.

37 Daawitihohi sawaho koaisi nisi Awaisihoŷe undati ambihundataase. Isi Kiraisiho naasikura napitiyati Daawitihomi awaisihotati mwaahotitaise?" undataase. Undihi isihya taahiyihya komi piwiha saapi asakaiwi maaritwi atiwisawaayopo.

Kima Piwima Jisaasiho Isihya Winihapipa Katiwunjojhihiyaami Kiyohiwaiwaapi Kaundindhandaapihaare

(Matiyuhu 23:1-36; Rukiho 11:37-54, 20:45-47)

38 Jisaasiho isihiyai piwiha kataunjataati satati kaundataase. "Isihya winihapipa katiwunjojhihiyaami kiyohiwaiwaapi sahi baiwi jaawo. Kiya saiwihiye. Isihya nyapi awaisawihye nyatito tiwi apotihiri

gaahapa utarihapa niyosi daitaapo. Aiwi ami kiya isihiya ahoyaniwi nuwi napiwaiwi kahapaamapipa nunyawu nehohipipihi isihiya nyangi nyainjapi ipihirete nyatito tiwi apipaahi maaritiwimapihyaare. 39 Aiwi ami ayaayi gwiharaahaayi isihiya ahoyaniwi Autaahaatihopi gwinyaapi gaapundohipipihi (sinekokihandaatihu) mitaahoahapaahaiwi isihyaami ndiheti awaisawihyaaniso tiwi bimaawihyaare. Aiwi wapa usipipaapi ahoyaniwi nandapa awaimbipa tihauhapihi noaipawaahura awaisawihyaanisi nyangisi awaisawihyaaisawi nepi ahinyisawosawi nandapa nyangi maasi jihu nanyamito tiwi gwinyaapihyaare.

40 Aiwi ami kiya asihya osinihyai jaiwundiwi kiyaami ayititihu wapa ahusotimbipa ikowiniwi nusepihyaare. Aiwi ami kiya kiyaami ikopa maipihaiwaami tiwathiatapi isihya kiyaapi gaahya ainahiyihye tito tiwi Autaahaatihopi gaapipa utarihaiwa aipi pihitiwi gaapundiwhiye. Isi kiya saiwi kiyohiwaiwaapi ipotihura Autaahaatihu kiyai naayati yaawihandi usai nusatipihahandi apipaahi awaindihandi numwitaase," undataase.

Kima Piwima Apopaati Waati Nawihu Kahapaamapipa Taahipipa Owehaati Autaahaatihopi Maaritatu Autaahaatihuoi Gaarehandi Numwindihandapihaare

(Rukiho 21:1-4)

41 Aihu Jisaasiho niyati Autaahaatihomi Ayi Awaindihandaatihu nandaataise. Nandaati bokisihandi nawihu gaarehandapiho wihohitihandamihini deti bindataise. Bindata iwinjatihu isihya taahiyihya nawihu ikipipa asaketahya kandi nawihu wihohitihandopi nawihu wiwawaayopo. Nawihu asaketahya ami waati awaisiho taahihu kandopi wiwawaayopo.

42 Aihu apopaati waati wariho aini napomasihu osihaamaati kahapaamapipa nawihu taahipipa owehaati nasataise. Nasati nawihu nehi jisahasuri yasuri kandopi iwiwataise.

43 Aihu Jisaasiho kaati osihaamaati iwinjatosati komi otipipatihyai gaata numwaati detematosati kiyai sata kaundataase. "Nini akitinihu sangi sandi kasatitaato Kimaati osinimaati wariho owemaati kaatami nawihu timasiho isihya nahatiya kimiyaami nawihu awaisiho kimandi Ayi Awaindimandami nawihu wihohitihandopi wihohihoai nusatipihati apipaahi awaisiho iwiwataise.

44 Iyataati kimiya isihya nahatiya nawihu asaketahyaasi nahato nga kiyati ahusotihu nehi yandihu isoho timawaayopo. O kimaati osinimaati nawihu apipaahi nenoahita owetihahaati kaati kaatami nawihu kora nandapa nunyati neti nandandihu nahato konihu timataise. Isi kaati nandapaapi nunyati neti nandandihu apipaahi owendaise," undati Jisaasiho komi otipipatihyai kaundataase.

13

Kima Piwima Jisaasiho Ayi Awaindihandi Nosasindaise Tati Katindihandapihaare

(Matiyuhu 24:1-2; Rukiho 21:5-6)

1 Jisaasiho Ayi Awaindihandi namasi notaise. Namasi ko taati naihi komi otipipatihu wo Jisaasihoai saundataase. "Katipinyasingihonye, ayaayi kimaiwa apipaahi gaahaiwa sanahiwaiwe. Iyati ami nawihu kimaiwa apipaahi aungwohaiwaraahi ayimatiwihapanyaare," undataase.

2 Aihu Jisaasihomiha wihooayihua koai saundataase. "Kinyi kimaiwa animaiwai usonapaapino? O saiwa ipotihura nawaamaiwa tiwati nyepinati ahotiwimaiwa siyati windi ahimotitaise. Owetitaise. Isihya nepi natipi nopisasiwi nepi nepuhwitaapo. Nepuhwisaihi nahomanindiwa mihaapi yatihu yapipateti timihaitaise," undataase.

Kima Piwima Jisaasiho Naayihaiwa Pihitatu Noaipaitaise Tati Katindihandapihaare

(Matiyuhu 24:3-14; Rukiho 21:7-19)

3 Jisaasiho niyati nasaamanati Aýi Awaindihandi wihini ahetihi Sisiho Oripihoasini bindataise. Aihhi komi otipipatihya nehi wingwaasihihhi koaapihi nasawaayopo. Kingwaasami ambipati Pitaahotihi Jemisihotihi Jonihotihi Endiruhotihi siya nehi sawanaahihhi napiwi Jisaasihoai satiwi nunjenawaayopo.

4 "Kinyi Aýi Awaindihandi neti nopisasindaise tipí kanyatingitihandi maahiwura noaipaitaise? Iyataati jihhi siwipati wapa napitiyahapa noaipahonihhi sandi kinyi katindhahi aimi koaipaitande taati nyahi gwinyaitihaawe?" undiwi nunjenawaayopo.

5 Saundauhi Jisaasiho namasati kiyai wihooayíha sata kaundatase. "Sahi baiwi jaawo. Isihya usa sangisi jaipisatitaawo.

6 Isihya taahiyihya napiwi nisi ambipati ambihitiwi nini Mesaiyaahonini kimikonine satiwi isihyaati taahiyihyaatangi jaipisatisaihi ami sahi wiwa kiyaami jaipipa atiwiwi kiyaapi giwunyaitaawi jaawo.

7 "Iyataati pwisipati aungwohaiwa detuni kaanahunu noaipahonihhi piwiha sahi atisawaawi kaiwaapi yaiwi ami sami maariho owemaasetane. Ami Saiwaahi titihi noaipahonihhi sahi asisihha aimi detitihhe titaawi saiwaahi kiyati jihhi noaipaitaise. Jihhi noaipataahandi kandi asisihha ipotihha sangititaise.

8 Isihya yapipati witaahapihha dosisi ami isihya usa yapipati witaahapihhiyaisawi tundaapo. Aisaihi ami awaisiho kiýiho womihya dosisi awaisiho kiýiho yapipati witaahapihomihhiyaisawi tundaapo. Iyonihhi ami ipipatihhi nahataapipihhi ipipatihindaise. Iyonihhi ami wapihi wapihi jariho noaipahonihhi isihya nandapa nandaatiwihapa owetitaise. Saiwa apopaati maaha namwitandi timendaati jihhi wuwani namasati kihurakihura goti yausami noti aimi detitihhi suraanihhi kaatami ambipati aungwohandi yaawindhiamatiyati jihapihapa namasati noaipaitaise.

9 "Isi ami sangisangi baiwi jaawo. Sangi isihya jaipi nepi wisairapi nasamaasi nuwi piwiha piwaatitaatiwihapihisamaitaapo. Aiwi ami aýi gwiharaahaiwa ahoyaniwi ami Autaahaatihopi gwinyaapi gaapundohiwaiwa sinekokihaiwaapihi tisawitaapo. Aiwi kiya sahi nisapi ginunyaahotihandapi nisapisatiwi sangisi nasamaasi nuwi awaisawihyaami ndiheti ahisitaapo. Ndhietih ahisisaihi sahi nisi piwiha ausaapi kaunditaapo.

10 Nisi piwiha gaaha waniha akaaha yapipati aunahipati nahatewaara gaamapi nuwi isihyai kiya baiwi atitaatiwi ausaapi kaundisaihihura asisihha ipotihanihi sura noaipaitando.

11 Iyataati sangisi jaipi nepi wisairapi nasamaasi piwiha piwaatitaatiwihapihi naisaihi sahi piwiha napititaati kaunditihhaawe tiwi yaiwi pihitiwi waati gimunyaapise. Owe. Autaahaatiho keti kuraanihhi sahi piwiha katitaatiwiha nasamitaise. Nasamitaisi sahi baiwi piwiha ausaapise. Iyataati sa piwa sahi nehi sawanaati windi amusaitaapo. Owetitaise. Autaahaatihomi Itipihho samihetapi piwiha sahi katitaatiwiha ausaitaise.

12 Usa saingo saahoyai numwaapi isihya usai numwisaihi kiya tiwitaapo. Iyonihhi ami sapiho komi mwaahoi naasikati kiyati isihyaami ikwiraatihimahonihhi kiya koai tiwitaapo. Iyonihhi ami mwaaya matiya dopawi maatimaatiwi saniya sapiyai isihyaami ikwiraatihimasaihi kiya tiwitaapo.

13 Iyataati isihya sapi apipaahi apowitaise. Sandi nisapi kiyaisi poundonihhi kiya sangisi pohipisitaapo. Isi utaaho wo saiwa siya noaipahonihandi kandi anditita kaiwaisi ipihatisamati asisihha ipotihapi jaati bimisihoai Autaahaatiho numwati asitimatitandihandi numwitaise.

Kima Piwima Jisaasiho Apipaahi Maipihandi Windi Noaipaitaise Tindhiamatihaare

(Matiyuhho 24:15-28; Rukiho 21:20-24)

14 "Sahi utaaho woai iwinjaitaapo ko Autaahaatihomi Aýi Awaindihandaatihi nehi Autaahaatihopaahihhi gaarehandi tihohitihandi aritaahandi ahetimbihihi apipaahi maipihapa kapihi

ahimotihapihi gonihiyati wanihandi ko nesi nandaati maipiyausoasa neti nopisasoniho. Iyonihis isihya ese tiwi yaiwi kiyaami ambipati mwituniwi usondaapo. (Utaaho piwiha kima awindaaho biyati gwinyaane). Isi sura isihya Judiyaahanda bimohiyihya kiyaami Autaahaatihomi A'yi Awaindihandaatihi utaaho apipaahi maipihandi yawimatahandi kiyonihis kima asisiha ipotihis tiwi mmoniwimapi yanihimapi sisihoaasinapi naiwise.

15 Iyataati isihya sura kiyaami a'yi taupwataatihi \f Judaahiya kiyaami a'yihaiwaami a'yi taupwata nimaayawi a'yimatawaayopo. A'yi taupwataatihi wapa nandapa ami ipatami yandipihis ipiyawaayopo. Aiwi yatihihura mbipa nepi kasini nanopi ami gaapundawaayopo. \fe masapipihis bimambiwihya a'yititihis kiyaamihapa isisi nutaatiwihapa naitaatiwihandapi windi gimunyaaitaapo. Aiwi kiyaamapa naitaatiwi a'yititihis windi namindaapi yanihimaitaapo.

16 Iyonihis ami isihya osaataati bitombiwihya japihi nepemaitiwi nuwi kiyaamihapa uti apotihiri kiyaami a'yipipihis naitaatiwi windi namuwise yanihimapise.

17 Aisaihi sura asihya maaha sangihaisahyauni ami maahaapi gwisihyauni keti sura yanihimapi namaisaihi yaawihandi naitauhi, "Ese", ningi kiyaapi maariho tindataise.

18 Saiwa siyati wipati wipiwati boahonihura sangisaapihi namwaipaitandi sahi Autaahaatihopi baiwi gaapundiwise.

19 Ami sandi apaapimaato sura naa'yihandi apipaahi awaindihandi noaipaitaihi. Jihura Autaahaatihu kahapaamapipa kiyati ahaisuraapi nasati wani kimura siyahaiwa windi namwaipase. Iyataati ami ipotisangi windi siyahaiwa naa'yihaiwa apipaahi awaiwaiwa windi namwaipaitaise.

20 Isi Awaisiho Autaahaatihu asisiha sa naa'yihaiwa apipaahi awaiwaiwa noaipaitandi neti nuhimaitandi aimi gwinyaase. O ami ko windi siyati asisiha sa neti nuhimaamahonaahi isihya windi nga bimimaawi nahandi kiyaanihi owetitaue. Saitihati kati ami Autaahaatihu isihya komihiyaimatitaatiwi aimi namihanati ahiwisawihyaapimatonihis gwinyaataati kiyai neti iwitatanitandi namati asisiha neti nuhimaitaise.

21 "Isi sura isihya usa napiwi nisapi satiwi, 'Kiraisiho komi isihyai japihi numwaitandi Autaahaatihu namihainjiho kimbihis kimosi jase ami yaihapihis yaihosis jase ami mihapihis mihosis jase,' satisaihi ami sahi kiyaami piwiha atiwi windi gimaawunyaapise.

22 Iyonihis ami isihya usa taahiyihya napiwi sangi jaiwisatiwi sasatitaapo. 'Nini kimonini Kiraisihonini Autaahaatihu komi isihyai japihi numwaitandi nanimihainjihonine,' satitaapo. Aiwi ami usa taahiyihya nehi ninaasohi wura wura napiwi satiwi, 'Nini Autaahaatihomi piwiha atindi neti kopi awusaahohihonine,' satiwi jaipisatitaapo. Aiwi ami kiya watipihaiwa kihaiwa kihaiwa kahatamatipetahaiwa kaitaapo. Satiwi saiwa kiyawaahandi kandi Autaahaatihu isihya komihiyaimatitaatiwi namihanati ahiwisawihyai maawi jaipundiwi numwaitaatiwaitaapo.

23 Siyahaiwa noaipaitaihi ami kaiwa sangi noipasihis nini piwiha jihis timaniti aimi kasatataatoni sahi baiwi jaawo.

Jisaasihis Isihyaami Saahonini Jihonini Napitotindihandapihaare

(Matiyuhis 24:29-31; Rukihi 21:25-28)

24 "Saiwa siyati naa'yihaiwa noaipati owetanihura sura.

'Ipiho noaipati asahatitaise.

Iyonihis ami waatihohaisangi windi namusaatitaise.

25 Iyonihis ami kaumbwaati yamihapataatihapi timihaitaise.

Iyonihis ami yamihapataatihi watipihaiwa ahotiwaiwa ahoainati nasihaahaarindaise.'

Aisaiyaahis 13:10, 34:4; Isikierihis 32:7; Joerihis 2:10, 31, 3:15

26 Iyonihī sura Nini Isihyaami Saahonini Jihonini nisi watipihandisa ami nisi yundanyaahaisati watipihonini tiwipataatihi napisanihi isihya ninjaitaapo.

27 Saindi sura nini nisi enjerihya otipipatihiya yamihapataatihapihiyai nandusaasito. Nandusoaasisanihi kiya nuwi nisi isihya nisihiyaimatitaatiwi namihanohiyihyai nahataapipihī yapipatamuni ami yamihapataatihapuni mangiraini numwaapi nepi ahonitaapo.

Kīma Piwima Jisaasiho Komi Napitandihuraapi Awaatipihoeiti Yatitandihura Wapa Noaipasipapaapi Namihana Katindihandapihaare

(Matiyuho 24:32-35; Rukiho 21:29-33)

28 "Awaatipihō kaindihandapi aimi mmowī nepi gwinyaapihiyaate. Awaatipihō kupwirati tiwihandiwihī sahi mmonawaawi kimura yatihiri yatitandihuraare tiwihyaate.

29 Sahi saiwi aimi mmowihyaatīsi naayihaiwa siyahaiwa noaipahonihī mmonawaawi sahi nisapi satiwi, 'Ko napitandihura aimi detindaate,' tiwi gwinyaapise.

30 Nini akitinihi sangi sandi kasatataato. Isihya kimuraahiya sangi napopi bimisaihi saiwa naayimaiwa nini katohiwimaiwa noaipaitaise.

31 Yamihapatuni ami yapipatuni noti owetitaise. O nisi piwihaahi windi owemetitaise. Owemetati, Kaahi kaanihi ahotimi nutaise.

Kīma Piwima Jisaasiho Satati Saiwa Noaipaitandihā Asisihaapi Utaaho Wo windi Gimunyaati Windi Mose Tati Katindihandapihaare

(Matiyuho 24:36-44)

32 "Iyataahandi kandi Nini Isihyaami Saahonini napitandihuraapi utaaho wo asisiha sete ami ipihomi ndihaami siwipati suraare tati windi gimunyaati windi mose. Owe. Autaahaatihomi enjerihya itipihya otipipatihiya yamihapataatihapihiyihyaisangi windi mohopo. Owe. Aihī ami Nini Isihyaami Saahonini Jihoninisangi windi moho. Owe. Nehi Apiho Autaahaatiho sawahohihī asisiha ami ipihomi ndihaami siwipati seti suraare tati mmonati gwinyaati isiwatitaise.

33 "Isi sahi baiwi jaawo. Sahi baiwi timaniniwi jatiwise ami sahi asisiha akaaha titihī ahura noaipaitaise tiwi windi mopihyaatīso.

34 Sandi siyahande. Utaaho wo komi ayīpipihī namasi kaanihi wapihapi daitandi nutandi komi otipipatihiyai nisihapa kimba baiwi ninjaawi bimaawise undindihandamatiyahande. Iyati komi otipipati otipipatihiya kiho kiho jatitandihati yiyandihī nunyataise. Iyati maasomwaaŷi jatitandihoi, 'Kinyi baimbi namopi koŷinihi jatime,' undindihandamatiyahande.

35 Isi siyahandisi sahi baiwi jatiwise, aŷaaŷami satiho napitandihandapi sahi windi moniwihyaatīso. Iyati komi napitandihura asisiha taati napandosuraatitaindihō ami apatihī apwitetetititaindihō ami asisiha wa taati bowataati sangi saasinihonihititaindihō ami ipihō taati yahutaahonihititaindihō.

36 Sahi nasisoaari kiyaatinihi timetiwise. Ami wiwa ko keti kuraanihi nasati sahi nanihaiwi nanopotisaihi jasondaiso.

37 Piwiha kīma nini sangi timetiwise satiti kasatohīma naasika isihya nahatīyai sahi jaawi timetiwise undataato," undati Jisaasiho komi otipipatihiyai kaundataase.

Kīma Piwima Jisaasihoai Aŷi Awaindihandami Mitihya Tiwitaatiwi Piwiha Katohitandapihaare

(Matiyuhu 26:1-5; Rukiho 22:1-2; Joniho 11:45-53)

1 Asisiha yatairi ahondaise ami Asisiha awaisiha Pasopaahanduni ami kimbapiho nandapa biretighandi nipitandighandi yisighandi owehandi nandaatiwiha noaipaitando. Pasopaahandi sandi Judaahiyaami asisiha sa kimbapiho awaisihaare. Aihiki kiya sandi Pasopaahandi kinaungwiha nahateweti nehi naasaaraahi mmoniwihyaare. Sandi jihura asisiha weti Autaahaatihomi enjeriho otipipatiho yamihapataatihi bimisiho jitipati ayaayami maasomwaaayi jaahohipati mmonataati Isiraherihyaami manyinya bwandipihya jihiyai timaawati nehi nusatipasitighandapi gwinyaaapi mmoniwihyaare. Sa asisa noaipasihura kiya nandapa biretighandi nipitandighandi yisighandi owehauni maasapiho sipisipighanduni nanawaayopo. Aiwihaasi ka asisiha noaipaitandi nehi asisiha yatairi ahotihi pisisihya awaisawihyauni Siya pisisihya isihyaapi kiyaami aunahipati nepi kohasipho nandapa tihwi Autaahaatighoi waamaindumwapi dipumaniwi nunyohiyihyaami mitihya jihyaare. ami winihapipa katiwunjohiyihyauni ahoyaniwi piwiha kanawaayopo. Aiwi kiya Jisaasihoi daihira wiraapi nanihundiwi jaiwaiwihiretapi isiwatawaawi sohoai tiwitaatiwi kanawaatopo.

2 Aiwi ami kiya sanawaatopo: "Nyahi asisiha awaisiha Pasopaahandeti sandi isihyaami ndiheti windi kamaitihaawo, ami kiya wiwa maatimaatiwi pwisipati noaipaitaiso. Isi gaasi namihaitihaawo," niwi kanawaatopo.

Kima Piwima Apopaati Waati Atipati Waamainjotahati Gaahati Jisaasihomi Mitighaatihi Niwindighandapihaare

(Matiyuhu 26:6-13; Joniho 12:1-8)

3 Jisaasiho aunahipa Betanihanda niyati utaaho wo jihisa asaaha pisapipa neho komi ambipati Saimonihomi ayipipihiki nandaati bindataise. Bindata ganihoaasini taati nandapa nainjihiki apopaati waati onihiki wa atipati apipaahi waamainjotahati windaha nesi nasataise. Atipati sati nawihiki awaindahandisahate. Onihiki atipati windisihiki nupwi napuwitighandi owehaasi namati nehi awihiki napuhohininapi maipihinjaapihiki tiwitasati Jisaasihomi mitighaatihi niwisataise.

4 Aihiki kapihiki isihya usa bimohiyihya kaati siya niwihiki kiya mmonawaawi mimaipaiwi gwinyapenawaayopo. Kiya saiwi mimaipaiwi gwinyapeniwi satiwi kanawaatopo. "Ese kimaati apomaati atipati kimati apipaahi nga waamainjotati gaamati napaapi nyahowati nuhoase?"

5 O sati atipiti isihya usai nawihopi nunyaati nawihiki ikihiki murimo Nawihiki ikihiki murimo so jihiki suraahiya nawihopi otipipati kiyohiyihya kinaungwiha naasaapi nehotihore. nga naito. Newaati isihya ikipipa owehiyai nga numwito," nnawaatopo.

6 Sanihauhi Jisaasiho kiyai saundataase. "Sahi kimaati apomaati munyaipundiwi itihimundiwi bipi namihaapise. Sahi saiwa napaapundopo. Kaati maipihati kiyataamaise. Owe. Ningi apipaahi gaahati kanisataise.

7 Nahateweti isihya ikipipa owehiya sangisawi maasi nasisoaari bimitaapo. Isi sahi kiyai wura wura iwitatamanitaapo. O ami ninihiki sangisati maasi nahateweti windi bimimito.

8 Apopaati kimaati wapa nga kaati kaitandihapa aimi kiyataise. Kimaati atipati waamainjotihati nisi ambipateti nanuhoasitimandi nini animwaahipatopi yamwaatitandighandapi nisi ambipati neti apipaahi nimanati kanisataise.

9 Nini sangi akitinihi kasatataato. Yapihiki nahatewara isihya Autaahaatihomi piwiha gaaha waniha ausaawaawi kimaati apomaatami kimandi gaamandi kaandimandapi piwihaatihi ahoyawi ausaapi katitaapo. Ausaapi katisaihi isihya kaatapi giwunyapendaapo," undati Jisaasiho kiyai kaundataase.

Kima Piwiha Judaasiho Noaipati Jisaasihomi Tiworihomainjitighandapihaare

(Matiyuhu 26:14-16; Rukiho 22:3-6)

10 Aihi sura Jisaasihomi otipipatihya ikwimaindimwitih auhirami yahuritisawihya aposerihyaami wo komi ambipati Judaasiho aunahipa Kariyotihandaahapih tiworisai nusepaati mwitipiwitandi notaise. Noti pirihihiya mitihya jihya (isihya isihyaapi nandapa kohasipih tihwi Autaahaatihoai dipumaniwi nunyohiyihyaami) awaisawihyai Jisaasihoai kiyaami ikwiraatihimahonihi kiya tiwitaatiwi mwitipiwisati nusepaataise. Nusepaati, "Nini koai saindi sami ikwiraatihimati nasamito," undataase.

11 Satati ko mwitipiwisati kaundihi kiya pirihihiya atisawaawi gaaso tiwi waati maaritawaapo. Aiwi kiya Judaasihoai nawih wo numwitaatiwi watipitiwi katawaatopo. Aihi Judaasiho Jisaasihoai kiyaami ikwiraatihimaitandihira daihiraapuni asisiha titih gaaheti numwitandihapuni gwinyaati jatata timanataise.

Kima Piwima Jisaasiho Komi Otipipatihyaisati Asisiha Awaisiha Kimbapih Pasopaahandeti Nandapa Ipotihapa Nainjitihandapihaare

(Matiyuhu 26:17-25; Rukiho 22:7-14, 22:21-23; Joniho 13:21-30)

12 Nandapa biretihandi nipitandihandi owehapa sipisipihohi tipi tihwi gaarehandi Autaahaatihoai nunyaw komi gwititihohaisawi nandaatiwihaiwaami asisiha jihapiha noaipataise. Iyataati asisiha sa awaisiha kimbapih Pasopaahandami jiha noaipataise. Asisa seti Judaahiya gaarehandi (Autaahaatihoai) nunyaw nandaatiwi sipisipihandi tipihyaare. Sandi sipisipihandi tiwotimandi jih aimehura Isiraherihyaami manyinya jihya bwandipihyai Autaahaatihomi enjerihohi otipipatihohi yamihapataatihohi bimisiho timaawati kiyai nehi nusatipati Isipihyaami manyinya usihya bwandipihyai tiwindihandapi gwinyaapi bindawaawi biretihandi nipitandihandi yisihandi owehandisawi tihwi nandaatiwi so sipisipihohi tiwawaapo. Aihi kura asisiha keti Jisaasihomi otipipatihya Jisaasihoai satiwi nunjenawaapo. "Pasopaahandapi Sipisipihohi gwititihohi nandapa biretihandi nandaapihapa nyahi newa maahapihi tihaati tingimanitihawo gwinyaapaise," undiwi nunjenawaayopo.

13 Aihi Jisaasiho komi otipipatihuri yahuri kapa Pasopaahandapi sipisipihohi tipi gwititihohi biretihandi nandapa nandaatiwihapa nepi tihimi timanitaatimi piwih sata kaundati natausaasataise. Iyati ko kuri saundataase, "Sahuraahi aunahipata awaipati sitihanda numwise. Numwi noaipasahi utaaho wo onihara waapohohi niwatesihohi daihira taati niyonihohi sihoahohi koaisami nutandaise. Nutaniwi ko nasitipa jih niyonihohi ami sahuraahi koai niwipinjai ipoti numwise.

14 Ko noti ayihandi windaatihohi nandaitaise. Ko ayindi nandaasitindami satihohi satimi nunjepi kaundimise. 'Nyangi katanyasisihohi sanyatihe. Asisiha kima awaisimeti nini nisi otipipatihyaisati nandapa biretihandi sipisipihohi gwititihohi Pasopaahandapi nandapa Autaahaatiho Isiraherihyai Nehi Iwinjasihohi Nga Bimohitihandapi Gwinyaawaati nandandihapihi ayipihohi maahipihohi? Nyatihe,' undimise.

15 Satimi kaundisaihi ko ayihandami satihohi autaahi wiri awairihohi kahapaamapipa ganiho gwitihohi aimi timaninda ahotahiroti neti nasisitaise. Nasisonihohi kiroti nyahi Pasopaahandapi nandapa nandihahapa nepi nyamanimise," undati kuri natausaasataise.

16 Aihi kuri komi otipipatihuri atimi nomaise. Numwi aunahipati awaipati Jerusaremihandi noaipapi Jisaasiho kaundimuwaaay kamwaaay kaiwa titihohi noaipasihohi mmonimi kiyamaise. Aimi asisiha Pasopaahandeti nandapa Jisaasihoaisawi kiya nandaatiwihapa nepi timanamaise.

17 Aihi asahataahura aimi napwihohi asihananaataatihohi Jisaasiho komi otipipatihya 12 kaiwihyaisati niyati sapihi ayipihohi nandaataise.

18 Aihi kiya ganihomihini nausaniwi yaataati bindawaawi nandapa taawi nanawaawi Jisaasiho komi otipipatihyai saundataase. "Nini akitinihi sangisi sandi kasatataato. Sahi kimiyaatami otihatihapi wo

nisi tiworihoyimatipi ningisi isihiya niwitaatiwihya tiworisaami ikwiraatihinimaitaise. Wani kimbihi ganimoaasini nandapa maasi ningisati maasi supwihandi waapohoaatihi biretighandi timandaati nainjimopito," undataase.

19 Aihi komi otipipatihya piwiha sa atisawaawi maariho naayawisataise. Naayawihhi namasawi ninaasohi saundiwi, "Akitinihi nini nisapino," undiwi Jisaasihoai nunjenawaapo.

20 Aihi Jisaasihomiha kiyai saundataase. "Usaapimaato owe. Sahi kimiyaati 12 kaiwimiyaatami wo'yi ningisapi maasi nandapa biretighandi waapoho supwihandi disihandaatihi nimandisihoaatihi timandaati nainjimopito.

21 Ye, kimandi ningi nanoaipaitandaindimandihhi akiti titihe. Autaahaatiho komi piwihaatihapi nisapi napwitaise tati katimumwaa'yi kamwaa'yi Nini Isihiyaami Saahonini Jihonini japepihiriti napwito. Iyataahandi kandi kimo utamo isihiya niwitaatiwihyaami ikwiraatihinimaitandaisimoai yaawati apipaahi awaindihandi Autaahaatiho numwitaise. Isi ami koaisi sanaati namaamotaataahi ngaatitaihe. Koai sanaati napaapi namotaihihotindiho?" undati kiyaisi kaundataase.

Kaatiha Biretighanduni Waapoho Wainihanduni Jisaasiho Komi Otipipatihyai Numwindihandapihaare

(Matiyuhu 26:26-30; Rukiho 22:14-23; 1 Korindihiya 11:23-25)

22 Saiwi kiya taawi nandapa naniwi bindawaawi Jisaasiho nandapa biretighandi windi netaise. Neti isiwataatai Autaahaatihoai, "kinyi gaahoye gaare," undati gaapundataise. Gaapundati naumboti komi otipipatihyai nunyataise. Nunyataati saundataase. "Kimati nisi ambipatisi sahi nepise," undataase.

23 Iyatosati ami wipati kapihopi waapoho wainihandi neti gaapundati Autaahaatihoai "kinyi gaahoye gaare," undatosati komi otipipatihyai numwihhi nepi nahatiya kapihombi nanawaayopo.

24 Kiya aimi nanihauhi Jisaasiho kiyai saundataase. "Kimandi wainimandi kapimopi windindimandi nisi jitipate. Nini nisi jitipati kati nuhoaataayo. Nuhaahonihhi Autaahaatiho kati neti komi isihiyaisati kataahi piwiha katati wisataise. Iyati ka piwiha wisasati ahaisiha wani kimura neti watipimati akaahe tati nisi jitipati nuhaamaitandiyohipataahi (Autaahaatiho) komi isihiyai neti sawihoaisati timaamahi wataise. Isi kimati nisi jitimati nuhaamaitandiyohimataahi isihiya titaahiyihyai (kiyaami maipihaiwa nemwati) iwitatamanitaise.

25 Nini akitinihi sangi sandi kasatataato. Wirihihi wainihandami waapomo kimo nini japihi windi namandi bimaami nundi Apihouni ninuni isihiyai iwinjaaha bindihaahuraahi wainihandi asitighandi yandipihomi waapoho asoho nando," undataase.

26 Sata kaunda owetihi aunihihiri wiri katiwimapaahi Jerusaremihandi namasi Sisiho Oripihooasinapi niyawaayopo.

Kima Piwima Jisaasiho Pitaahoai Saundati Kinyi Ningi Nanoaasapi Windi Mausotihonine Tipi Katitaise Undindihandapihaare

(Matiyuhu 26:31-35; Rukiho 22:31-34; Joniho 13:36-38)

27 Naiwi noaipapi Sisiho Oripihooasini Jisaasiho komi otipipatihyai saundataase. "Sahi nahatiyaati ningi nanimasi yanihimaitaapo ami sandapi Autaahaatihomi piwihaatihisangi satati jipatipindiso: 'Sipisipighandi jaati bitosihoi nini tiwisanihi sipisipighandi yanihimati kihira kihira nandairaitaise,' tati aimi jipatipindiso

28 Isi nini napotati japihi nepasi nini jihi taati Garirihandaahapi naito," undataase.

29 Aihi Pitaaho Jisaasihoai saundataase. "Nisaahoyaahi gi nangimasi yanihimaisaihihandi kandi ninihhi gi nangimasi yamaanihimaito. Owetitaise," undataase.

30 Aihi Jisaasiho koai saundataase. "Nini akitinihi gisi sandi kahitataato, kinyi atinime. Wani kimura apimatihī otipwisipaati sapiho yataira sangi gaatonihī kinyi nisapi satipi, 'Nini koai windi mausoti gimunyaatihonine,' tipi mairīmaara isihiyai kaunditaise," undataase.

31 Sata kaundihihandi kandi Pitaaho mwitetati watipititi saundataase. "Nini gisati maasi napwitandi kinyapi windi mausotihonine mundito. Apipaahi akitinihi owetitaise," undataase. Aihī ami otipipatihīya nahatīyaisangi nehi naasika katawaatopo.

Kīma Pīwima Jisaasiho Getisemanihanda Gaapundindhāpīhaare

(Matiyūho 26:36-46; Rukiho 22:39-46)

32 Aihī kiya nuwī wapihī kapihāmī ambipati Getisemanihanda noaipawaayopo. Noaipapī Jisaasiho komi otipipatihīyai saundataase. "Sahī kimbihī bimaawise, nini yambihī nundi gaapunditāano," undataase.

33 Undati nehi Pitaahoaisuni Jemisihoaisuni Jonihoaisuni singwaasisaahihī numwaasi naihi nowaayopo. Aihī komi ambipati nahato naayawisati maipiwimataho notaise.

34 Aihī kingwaasi saundataase, "Nini nisi maariho ambipati apipaahi awaindihandi naayānisati yaasati daahi nipatisati mimaipinimainjihīyo. Sanimainjihī ami ningi apipaahi napwitaahinyihīyo. Isi sahī kimbihī bindawa baiwī jatiwise," undataase.

35 Saundamapi notī onihī masiwonjaapihī yapipateti timahiyati ahondaati gaapundataase. Iyati siyati gaapundataase sa asisiha maipihā ko yaawihandi naitandima ami gaatanaahi ka koai nehi nusatipati sanutando.

36 Iyati ko Autaahaatihopī satati gaapundataase. "Apa, \f Metihonji konjami sapihoai ambihundirihireti ambipati kandaase. \fe nisi Apo. Apore nahatewa kinyi nga kaitaise. Isi Apore, ningisi yaasamaiwa kimaiwa waapoho ipiho yahoti ikonati maipihō nanihohipatamataindi nini naitandiyohiwimaiwa nepinimapehitataato. Ami nehi kinyi maaritipi gwinyahingirihireti japepihire. Nini maarititi gwinyaahohirihireti kinyi windi minjapepihirime. Owetane," undati Sapihoai kaundati gaapundataase.

37 Siyati gaapundamapi Jisaasiho nasati mmonata komi otipipatihingwaasi nanoposauhi Pitaahoai saundataase. "Saimonihoye, ningisapi wonji maipihonji minjatipi napaapi nanihaimbi nanopotise?"

38 Sangi nasisendandihaiwa sangisaapihī namwaipaitandi sahī baiwī jatawa andititīwī gaapundīwise. Maarihohi Autaahaatihomī gwinyaasirihireti kaitandi maaritihihandi kandi ambipatihī saiwa kaitandi windi anditiminje," undataase.

39 Saundamapi japihī notī gaapipati jihī notī gaapundipati kati jihara gaapundataase.

40 Gaapundamapi komi otipipatihīyenda japihī nasataise. Nasati usonata kiyai naapipa apipaahi tiwamasihī nanomihauhi ahowimasihī nepapi piwihā kaunditihā owetihī kiya Jisaasihoai wihoaaīhā windi kamundopo.

41 Aihī Jisaasiho jihara niyati mairi manda gaapundataase. Gaapundamapi japihī nasati komi otipipatihingwaasi saundataase. "Saingwaasaati daahi ikiniwī nanopotawaayopo. Naapipa nga nanopi nepawaawaahi nutihaawi dopise. Nini Isihīyaami Saahonini Jihonihī isihīya maipihīyaami ikwiraatihinimaitatiwihura wani kimuraare.

42 Isi saingwaasaati dopise nutihaawo. Iwinjasawise utaaho nisi tiworihō ningi nanimaati isihīyaami ikwiraatihinimaitandihō aimi kimo koaipataiso," undataase.

Judaasiho Jisaasihoai Isihīya Maipihīyaami Ikwiraatihimasitihandapīhaare

(Matiyūho 26:47-56; Rukiho 22:47-53; Jonihō 18:3-12)

43 Jisaasiho satati taati kaundihi Jisaasihomi otipipatihya ikwimaindimwitihia auhirami yahuritisawihyaami wo komi ambipati Judaasiho keti kuraanihi noaipataise. Ko Judaasihoaisawi isihya taahitihandi pwisipi yaipa irihiri gupwati namatanaati bainatihiri isindihi nasawaayopo. Siya saiwa isipi nasohiyimiya pirihiya awaisawihya isihyaami maipihaiwaapi Autaahaatihoi nandapa maahoipati kohasipihohiwi dipumanihohiyihyaami mitihyauni ami winihapipa katiwunjohiyihyauni ami gwinyaahiya usauni siyai nepi natiwusaasauhi napiwihyaare.

44 Iyataati utaaho Jisaasihoi neti isihyaami ikwiraatihimaitandihohiwa wa sata isihyai kaundamapihore. "Nini nundi utaaho woai naahipauma gerundisanaahi so Jisaasihosi ko naahipauma gerundohoi titihia isipise. Isipi baiwi iwinjaawitopi numwaasi nutaatiwe," undati kaundamapihore.

45 Isi ko keti noaipati deti Jisaasihoaapihi titihia noti saundataase. "Katipinyasingihonye," undati naahipauma gerundataase.

46 Aihia kiya sotihiso tiwi Jisaasihoi ikwira isipi wirawaayopo.

47 Aihia kapihi otihatihapi koai niwipinjohiyihya bitohohiyihyaami wo komi namatinaati bainatihiri napatati pirihi isihyaami maipihaiwaapi Autaahaatihoi nandapa kohasipihohiwi dipumanihohiyihyaami mitihomi otipipatihoi amiteteti mitihohiatihi tiwito tati timasihi ko nawisainjihia komi atihiri oturamasihia mihaapi yapipateti timahiyataise.

48 Aihia Jisaasiho kiyai sata kaundataase. "Sahi ningi nipi nanimaita nasohiyimiyaati pwisipi yaipa irihiri gupwati namatanaati bainatihiri isipi nasohitimandi utaaho wo maatimaatisa tunnati ikopaisahoi nimbipupwi isiwitaatiwihandamataiwi sahi nasawaayopo.

49 Nini asisiha nahateweti Autaahaatihomi Ayi Awaindihandaatihia sami ndiheti bindata piwiha kandisasonihia sahi windi kura ningisi maanipihyaatiso. Iyataahandi kandi Autaahaatihomi piwiha jipatipindirihiri kireti titihia noaipaitandi gaasi sikiyati noaipane," undataase.

50 Aihia Jisaasihomi otipipatihya nahatiya koai namapi usesi kihira kihira yanihimapi nandiwirawaayopo.

Kima Piwima Utaaho Wo Waimwaaho Yanihimasitihandapihaare

51 Aihia utaaho wo waimwaaho apotihiri nehi naasairihia kihopihiri niyoho Jisaasihoi niwipinjai maasi sura niyataise. Niwipinjai naihi isihya koai pinuwi nama'indiwi isiwawaapo.

52 Saiwi ko waimwaasoai piwuwi isiwauhahandi kandi komi apotihiri naasairihia niyosirihiri nesipandiwihia kiri kiyai nesipaunyami somaahihohi yanihimataise.

Kima Piwima Jisaasihoi Awaisawihya Kaunjorihyaapihi Tipitapaapi Usotihandapihaare

(Matiyuhu 26:57-68; Rukiho 22:54-55, 22:63-71; Joniho 18:13-14, 18:19-24)

53 Saiwi isipi Jisaasihoi numwaasi pirihiho wo isihyaami maipihaiwaapi nandapa tihiwi Autaahaatihoi dipumanihohiyihyaami mitihohi awaisihomi ayipihia numwaasi nowaayopo. Numwaasi niyauhi pirihiho isihyaami maipihaiwaapi Autaahaatihoi nandapa tihiwi dipumanihohiyihyauni ami isihya usa gwinyaahiyauni ami isihya usa winihapipa katiwunjohiyihyauni siya nahatiya kapihi ahoyaniwi bimauihapihia Jisaasihoi numwaasi nuwi noaipawaayopo.

54 Aihia Jisaasihoi numwaasi niyauhi sura Pitaaho Jisaasihomi ipoti koai yandihia kaanihi notaise. Noti pirihiho isihya isihyaami maipihaiwaapi maahoipati nandapa tihiwi Autaahaatihoi dipumanihohiyihyaami mitihomi matambipoti nandaataise. Nandaati masapihia tingatihaisahiyai bumasihia sisiha tihoahauhi kiyaisati maasi bindata sisihaini tiwindataise.

55 Aihi isihya isihyaami maipihaiwaapi nandapa tihwi Autaahaatihoi dipumanihohiyihyauni ami usa Judaahyaami awaisawihya nahatiyauni isihya usaapi gaatawaayopo kiya napiwi Jisaasihopi, "Ko siyahoe satahoye," titaatiwo. Sandi Jisaasiho windi maipihandi kiyonihi atiwi newaawaahi koai sohoai tiwitaatiwe. Saiwi kiyawaahandi kandi kaunjorihya nahatiya ko maipihandi kaihendi windi mohopo. Owetise.

56 Isihya taahiyihya napiwi piwiha kiha kiha yiyandih nesuwi katauhi kiyaami piwiha wa noaipati titihi windi akaahaamimainje. Owetise.

57 Aihi ami isihya usa bitotawa piwiha wa jaipitiha nepi Jisaasihoi yawutaapi satiwi kaundawaatopo.

58 "Jisaasimo kimo satahoye. 'Autaahaatihomi Ayi Awaindihandi isihya ikwira ayimatotihandi nupwisasitima japihi asisiha mairimanya sanionih ipoti ayimatito. Isihyaami ayimatohimumwaayi windi ayimaamatito. Owe. Nehi kandi wamwaayi noaipa ayimatinditaise,' tahoye," taawaatopo.

59 Ami piwiha saiwaisangi isihya siya katowiwa noaipati windi akiti akaahaamimainje. Owetise.

60 Aihi pirisiho awaisiho Kaiyapaasiho isihyaami maipihaiwaapi nandapa tihwi Autaahaatihoi dipumanihohiyihyaami mitiho awaisawihya kaunjorihya nahatiyaami ndiheti doti bitonda Jisaasihoi sata nunjenataise. "Isimiya kimiya kinyapi piwima kimaiwa kahitohiwimaiwaapi kinyi wihooayihya kamunditaahimaasihaino? Kinyi kiya piwiha kinyihetemapi katohiwimaiwaapi wihooayihya kaunditaapihaya owetiso?" undati ko Jisaasihoi nunjenataise.

61 Siyati ko nunjesihandi kandi Jisaasihohi piwiha wihooayihya koai kamunda nehi apihimaata bitondaise. Aihi awaisiho mitiho pirisiho jihaati Jisaasihoi sata nunjenataise. "Kinyi Kiraisihoyi Piwiha Ipiruhaara Mesaiyahoye tawaatopo. Sandami tanyaaha satiwi Komi Isihyai Japihi Numwaitandi Autaahaatihoi Namihainjihore tawaatopo. \fe Autaahaatihoi nyahi apipaahi gaahoye taati mepi autahewaumwahohihomi Mwaahoye e wooyo?" unda nunjenataise.

62 Aihi Jisaasiho komiha koai saundataase. "Ye, kimikonine. Nini Isihyaami Saahonini Jihonini Autaahaatihoi nahatewaami Awaisiho Watipihomi ikwiri gaatihiraihoayihya bindataati autahi mihoti yamihapataatihapi tiwipatisati taati napisanihi sahi ningi ninjaitaapo," undataase.

63 Sata Jisaasiho kaundihi ko pirisiho isihyaami maipihaiwaapi nandapa tihwi Autaahaatihoi dipumanihohiyihyaami mitiho sa piwa atisataati apowih komi apotihiri nipaatihiri napwiramosati sandaase. "Isihya kimopi, 'ko siya siya kiyahoye katahoye,' tiwi katitaatiwihya usaapi jihaati gamaatihahaawo. Owe.

64 Sahi sawanaati aimi Autaahaatihopi komi sisipitindhendi atiwi newaapo. Ami ko komi piwihaara nini Autaahaatihonine ndaasi sahi napitaiwi gwinyapenawaayopo?" undataase. Aihi kiya satawaatopo. "So maipihandi kandaasi napone," tiwi katawaatopo.

65 Aihi isihya usa sapihi bitohohiyihya namasawi maahoaipuripwi ami apotihiri nepi ndimaahomwaayi namaasaposawi kiya saundawaatopo. "Autaahaatihomi piwiha atindi neti ausaatihonine tipihoyisi wani aho aho ningi niwataise tipi kanyate," undiwi nanipi maahipiwaihirawaayopo.

Kima Piwima Pitaaho Jisaasihopi Koai Nini Windi Mausotihonine Tindhandapihaare
(Matiyuhu 26:69-75; Rukiho 22:56-62; Joniho 18:15-18,25-27)

66 Isihyaami maipihaiwaapi nandapa tihwi Autaahaatihoi dipumanihohiyihyaami pirisihyaami awaisiho mitiho pirisihomi ayayami masapipih yatih Pitaaho bindataise. Bimih ko pirisiho awaisiho mitihomi otipipatihaati waati nasataise.

67 Nasati Pitaahoi usonata ko taati sisihaini tihwimihi kaati biyati koai mwitipisa iwinjatataise.

Iwinjataatai Pitaahoai saundataase. "Kinyo, gimaawi yapipati Garirihandaahapihoyisi ami aunahipati Nasaretihandaahapihoi nuwipinjohiyihyaami woýe," undataase.

68 Aihî ko Pitaaho kaati owe undati sata kaundataase. "Nini utaaho soaisati windi dahomaindihonine. Kinyi piwima kima kandingimaapi windi gimaanunyaatati ami windi ningi namaanesipainje," undataase. Saundamapi ko Pitaaho matambipaami onepataapihi naihihura koho otipwisipaati sapiho waati gandaase.

69 Aihî apopaati kaati jihara Pitaahoai usonataati kapihî isihya bitohohiyihyai sata kaundataase. "Kimo utaamo isihya Jisaasihomihyaamihore," undataase.

70 Sata kaundihihandi kandi Pitaaho owetati satati kaundataase "Nini Jisaasihoisati maasi windi apipaahi dahomaindihonine," undataase. Aihî otihitihî kapihî isihya bitohoyihya Pitaahoai japihî saundawaatopo. "Akite, kinyi Jisaasihomihyaamihoye. Kinyi titihî Garirihandaahapihoye," undawaatopo.

71 Aihî Pitaaho watipita anditita sata kaundataase. "Utaaho so nini windi mausotihopi sahi katawaatopo. Isi nini titihî apipaahi akitihî kandaatoni nini jaipindi katisanaahi Autaahaatihî nisi jaipindi katotihandapi yaasati naayihandi naninyane," undataase.

72 Sata taati kaundihi keti kuraanihi otipwisipaati kasinihaati gandaase. Aihî Pitaaho Jisaasihomi piwiha jihî sata kaundisihaapi gwinyaataise. "Otipwisipaati yataira sangi gaatonihî kinyi mairimaara nisapi koai windi mausotihonine unditaise," undati Jisaasiho jihî kaundisihaapi gwinyapenataati namati waati gotaise.

15

Jisaasiho awaisiho Pairotihoi Ndiheti Bitositihandapihaare

(Matiyuhu 27:1-2, 27:11-14; Rukiho 23:1-5; Joniho 18:28-38)

1 Aihî isihya pîrisihya isihyaami maipihaiwaapi nandapa tihîwi Autaahaatihoi dipumanihohiyihyaami awaisawihyaatihî ami isihya usa winihapipa katiwunjohiyihyaatihî ami isihya usa gwinyaahyaatihî ami isihya usa awaisawihya nahatiyaatihî asisihaatihî kohokoaisawi kapihî ahoyanawaayopo. Ahoyaniwi Jisaasihopi piwiha wa katiwi wisasawaayopo. Aiwi Jisaasihoi kiya wirihiri wiri watipihiri ipipamatayahira wisasiwi numwaasi nuwi awaisiho gapinaaho Pairotihoaapihimawaayopo.

2 Aihî Pairotiho Jisaasihoi sata nunjenataise. "Kinyi Judaahyai winjaapi bimingihoyi awaisihoyi kiýihoye?" unda nunjenataise. Aihî Jisaasihomiha wihoaayiha koai saundataase. "Ye, saahi kinyi kiwaahoyi katapaase," undataase.

3 Aihî pîrisihya isihya isihyaami maipihaiwaapi nandapa tihîwi Autaahaatihoi dipumanihohiyihyaami awaisawihya piwiha kiha kiha Jisaasihopi satahoe, siyahoe tiwi awaisiho Pairotihoi kaundawaatopo.

4 Satiwi Pairotihoi kaundauhi Pairotiho ami jihara Jisaasihoi saunda nunjenataise. "Isimiya kimiya kinyi atinihi piwiha taahiwaiwa kihaiwa kihaiwa kinyapi katawaatowi kinyi kaapi wihoaayiha nyangi napaapi kamaanyatise?" undataase.

5 Aihî Jisaasiho wihoaayiha kiyai windi kamundihi awaisiho Pairotiho kandapi waati pihitati gwinyapenataise.

Kima Piwima Jisaasihoi Tiwitaano Undauhi Pairotiho Gaasi Tipi Nimaapise Undindihandapihaare.

(Matiyuhu 27:15-26; Rukiho 23:13-25; Joniho 18:39'P5C2,5,0,0,0,0,0.'P255C255'-19:16)

6 Kinaungwiha nahateweti asisiha sa awaisiha Pasopaahandi noaipasihura isihya titihi kiyaisunyaapi utaahe wopi ambihitiwi utaahe soai nupusoase tiwi Gapinaaho Pairotihoai kaundauhaahi kiyaami ambihitiwi katotihoi titihi nuwausoasahore.

7 Isi sura utaahe wo komi ambipati Barapaasiho napwitati bindataise. So Barapaasiso Romihandaahapihiyaami gamaniho Judaahiya iwinjaati bimitandihandapi poundihi isihya Judaahiya usaisi maatimaatiwi isihya usa dopi tiwauhi tunnawaawi kiyaami usaisi ko tiwih napwauhi kandapi koai nepi napuhauhore.

8 Aih isihya taahiyihya wirisandihandi napiwi Pairotihoai namasawi nunjenawaayopo. "Kinyi asisiha awaisiha kimiyaha noaipasihura napwitohiyihyai nupusoasapiho'isi wani ami kati kaimbi nupusoase," undiwi nunjenawaayopo.

9 Aih awaisiho Pairotiho kiyai sata nunjenataise. "Judaahiyaami awaisihoai bipi nehi nuta nini nandusaasano?" undati nunjenataise.

10 Sandi sata kaundindimandi siyati usona gwinyaataate. Isihya pirihiya isihyaami maipihaiwaapi nandapa maahoipati tihiwi Autaahaatihoai dipumanihohiyihyaami awaisawihya nyangi isihya nahatiya namaanyipinjawi Jisaasihoai niwipinjowo tiwi Jisaasihopi apowih, "Nyahi gamanihomi awaisawihyaanamihetimawaayowo," tati gwinyaataate.

11 Kiyataahandi kandi pirihiyaami awaisawihya mitihya aimi jih timaniwi isihyai saundiwi nusepaawaayopo. "Jisaasihopi wihoayih Barapaasihoai nupusoase undiwise," undiwi awaisawihya nusepaipapi kaundawaatopo.

12 Aih Pairotiho japihi kiyai saundataase. "Kimo utaamopi Judaahiyaami awaisiho kiyai iwinja bimisihoe tohimoai nini napitiwitande?" undataase.

13 Aih kiya japihi waapihitiwi satawaatopo. "Ipi titihi atawihateti tipi nimaape," tawaatopo.

14 Aih Pairotiho kiyai saundataase. "Napaape? Ko windi maipihandi kaiho niwipihanditowo?" undataase. Aih kiya komiha nemapi jihaati waapihitiwi kaahaatiwi satawaatopo. "Jisaasihoai ipi titihi atawihateti tipi nimaape," tawaatopo.

15 Aih Pairotiho kiyaami piwiha napaisaati bipi atiwisati isihya wirisandihandi maaritorihireti Barapaasihoai nuwausoasahi ko kiyenda naihi ami Pairotiho katihi Jisaasihoai ainjiharwi yupawaayopo. Aiwi ipi titihi atawihateti tipi tipimandaitaatiwi Pairotiho neti Romihyaami pwisipi yaipa kaiwi tunniwi yahwinohiyihyaami ikwiraatihimataise. Aih kiya koai tipi tipimandaitaatiwi numwaasi nowaayopo.

Kima Piwima Jisaasihoai Pwisipi Yaipa Kiyohiyihya Sisipundotihandapihaare

(Matiyuho 27:27-31; Joniho 19:2-3)

16 Aih Jisaasihoai Romihyaami pwisipi yaipa kaiwi tunniwi yahwinohiyihya numwaasi utaahe wo awaisiho gapinaaho Pairotihoai matambipoti niyawaayopo. Naiwi ami sasaahoya usa nahatiyai gaatiwi numwaawaayopo.

17 Gaatiwi numwaahauhi akoyaniwosawi apotihiri wiri nyanyipihiri awaisawihya ki'ihya niyohohirihiri niwisowaayopo. Aiwi ami wirihiri wiri mwitoaipati kaariha nangisawi ningopi tingaatiha kaiwi Jisaasihomi mitihoatihi niwipaawaayopo.

18 Saiwi niwipaaposawi kiya namasawi isihya ki'ihya awaisawihyai kawisohipatamataiwi sisipihundiwi kaiwunjawi saundawaatopo. "Judaahiyaami ki'ihya awaisiho'yi iwinjaapi bimingihonye, ipihirete," undawaatopo.

19 Saundiwi Romihyaami pwisipi yaipa kiyohiyihya taahiwaiwaara Jisaasihoai mitihoatihi irihira tiwawaayopo. Aiwi koai maahoipuripwi kiyaami ipihomataiwi iwiwi ami isihya awaisawihyai ambipati awaipati nunyawawi atotipiwesohirihireti kaiwi koai ambipati awaipati nunyawaahandamataiwi

atotipiwesawunjawaayopo.

20 Saiwi sisipihundimbiwi gaatihi apotihiri nyanyipihiri niwisohohirihiri nesipamapi komihiri japihi nepi niwisowaayopo. Niwisopi Pairotihomi masaataati namasi Jerusaremihandami matambipaami ipaahaapi noaipapi tipi nimaitaatiwihapihapi numwaasi niyawaayopo.

Jisaasihoai Tipi Nimaahotihandapihaare

(Matiyuhu 27:32-44; Rukiho 23:26-43; Joniho 19:17-27)

21 Utaaho wo aunahipati Sairinihandaahapiho komi ambipati Saimoniho Arekisandaayi Rupaasiyaami sapiho nehahaati daaya bitonjati aunahipa Jerusaremihandaahapi taati naihihoaisawi daihira otihapihi nutanawaayopo. Aiwi koai niwimbipupwi, "kinyi Jisaasihomi ipi titihi atawihati nepi tipwite," undiwi andititiwimapi nepi tipwitiwusosawaayopo.

22 Aiwi Jisaasihoai numwaasi Gorikotaahandaahapi niyawaayopo. Sandi Gorikota tiwi ambihitohitimandami tanyaaha siyate. Mitihomi anditatamatetimbipihotiwi katawaatopo.

23 Aiwi kiya wainihandisawi marasiniho wo komi ambipati mirihoaisawi ahoyawi naumbwaihiriwi Jisaasihoai komi ambipati awaindihandi niwinati yaahomaawitandiho nunyauhahandi kandi kahi pohipiyati neti wandi namainje.

24 Aihiki kiya Jisaasihoai ipi titihi atawihateti tipi nimaawaayopo. Saiwosawi Jisaasihomi apotihirapi ndi nese tiwi jatawa wapa ipipa isiwi jihimatiwi nusatipihahohiyihiya Jisaasihomi apotihiri kihonji kihonji newaayopo.

25 Sura asisihaatihi ipihoti aimi nasa saasihini 9 kirokihura Jisaasihoai tipi nimaawaayopo.

26 Aiwi Jisaasihomi mitihomihini autaaahi piwiha kaundiwi tiwohiha satiwi jipatipaiwi ahiyawaayopo. "IsiKimo utaamo Judaahiyai iwinjaati bimisiho awaisihore|r," tiwi jipatipaiwi ahiyawaapo.

27 Aiwi ami utaahuri wuri ikopaisahuri Jisaasihomi ikwiri gaatihiraihoaaayi wotihiti ami ikwiri konaamohiraihoaaayi wotihiti tipi nimaawaayopo.

28 Aihiki Autaahaatihomi piwihaatihi jipatipindisihaami piwiha akaaha noaipataise. Piwiha sa sataha jipatipindise. "Isihiya maipihaiwaisahiyaisati maasi utaaho maipihomataiwi isihiya usonawaayopo,"\f Aisaiyaaho 53:12 handi mmome.\fe tati jipatipindise.

29 Aihiki isihiya nuwi napiwaiwi mitiho nepemaihiriwi bitotawa Jisaasihoai sisipihundiwi saundawaatopo. "Ese. Kimoaye, Autaahaatihomi Aayi Awaindihandi nini nupwisasiti japihi keti asisiha mairimeti ayimatiti owemaito tipihoye.

30 Isi wani kimura kinyi kinyi ambipatisi anditiwipe. Aimbiki ipi titihi atawihati namasi japihi noaatipape," undawaatopo.

31 Aihiki ami isihiya pisisihiyai isihiyaami maipihaiwaapi nandapa tihiwiki Autaahaatihoi nunyohiyihiyauuni ami isihiya usa winihapipa katiwunjohiyihiyaisangi kati nepi Jisaasihoai sisipihundawaatopo. Aiwi kiya sawana sanawaatopo. "Kimo utaamo isihiyai titihiwiwati anditiwihahosi ami komi ambipati napaapi titihemaama anditimaawise?

32 Ami kimo akiti titihiki Kiraisiho Isiraherihiyai iwinjaati bimisihondaataahi ipi titihi atawihati namasi noaatipane. Noaatipahonihiki nyahiki winjihaawi kopi nyahiki giwunyaitaano," nnawaatopo. Aihiki ami kapihi utaahuri yahuri ikonimihuri Jisaasihoaisawi maasi tipi nimaahohururisingi Jisaasihoai mimaipaimi itihundamaase.

Jisaasiho Napwindihandapihaare

(Matiyuhu 27:45-56; Rukiho 23:44-49; Joniho 19:28-30)

33 Aihi ipiho aimi saniya otihasini 12 kirokihantihi nahataapihi asahatindihandi namaasati asahatamataise. Asahatimi noti ipiho aimi noti yaataatisura 3 kirokihuraatihi japihi taati saasinataise.

34 Iyati taati kura saasina bowihi Jisaasiho waati kaahaata sandaase. |b"Eroi, Eroi Rama Sapakitani?"|rndaase. Sandi sata katindimandi sandaase. "Nisi Autaahaatihoýe, Nisi Autaahaatihoýe, kinyi ningisi napaapi nanimahise?" ndaase.

35 Aihi isihiya kapihi deti bitohohiyihiya sa piwa atisawaawi sanawaatopo. "Atiwise! Kimo utaamo Eraijaahopi gandaaso!" nnawaatopo.

36 Aihi utaaho wo nihiti noti wainihandi ikonahandaatihi siponjihandi windi dihaamatiyahandaahi timandaati boyati neti asatipatami otasaahasini mwitiwati isisi niyataise. Niyati deti bitonda kandi Jisaasiho nandota nunyataati kiyai saundataase. "Nyahi nehi jatitihawo Eraijaaho ambihitisiho noaatipati japihi napihausoasonihi yapipateti timihaiso e owetisotaato!" undataase.

37 Aihi Jisaasiho waapihita gaatamapi konihi napomataise.

38 Siyati Jisaasiho napwihi keti kuraanihi apotihiri wiri awairihiri mwipihiri watipihiri Aýi Awaindihandaatihi Autaahaatiho nasati komi ndimaahomwaaýi ahiyati bimitandiroti neti nimbipuwati nahoesandirihiri mihaatapi mihaapi kirinihi otutaati napwirinataise.

39 Aihi siyati Jisaasiho napwihi utaaho wo tiworisa tunniwi yahwinohiyihiyaami awaisiho Jisaasihomi deti utatototi bitonjahosi komi ndiheti napwihi usonataati ko sandaase. "Kimo utaamo titihi akitinihi Autaahaatihomi Mwaaho akohore!" ndaase.

40 Aihi ami asihiya usaisangi onihi wonji bitotawa Jisaasihoai winjatawaayopo. Kiyaami otihatihapi waati aunahipa Makitaraahandaahapihaati Mariyaahaate. Aihi ami waati Mariyaahaati waate. Kaati Jemisiho ipotihomuni Josisihomuni sanaate. Aihi ami waati Saaromihaate.

41 Siya asiya jihi Jisaasiho otipipati kiya Garirihanda daihi kiya kaiwusepaapi maasi niwipinjawi daayohiyihiyaatihi ami usa Jerusaremihandaahapi Jisaasihoaisawi maasi niyohiyihiyai maawi kapihi bitotawa iwinjatawaapo.

Kima Piwima Jisaasihoai Nawiha Isihiya Soariwi Akohaahaiwihaatihi Ahiyotihandapihaare

(Matiyuhu 27:57-61; Rukiho 23:50-55; Joniho 19:38-42)

42-43 Aihi utaaho wo komi ambipati Josepiho aunahipati Arimatiyaahandaahapiho sapihi bindataise. So utaaso kaunjorihohi awaisiho wandihaisahore. Iyataati ami koaisangi Autaahaatiho komi isihiyai iwinjaati bimitandihandapi jaati bindataahore. Isi ko mmona gwinyapenata bosonihi kiya Judaahiyaami asisiha ikindaatiwiha Sapaatihandititaihi otipipati wapa windi kamaitihaawi wani kimura kahapaamapipa timanindaatiwihuraatihi gwinyapenata ipiho aimi namaatipaitandaihi namati ko yamaayati awaisiho Pairotihoaapihi notaise. Noti noaipati awaisiho Pairotihoai Jisaasihomi ambipati ipi titihi atawihatetapi napihaati naitandi nunjenataise.

44 Aihi ko awaisiho Jisaasihopi aimi keti napwihindindiho tati waati gwinyapeninja tiworisa tunniwi yahwinohiyihiyaami awaisihoai gaata numwaataise. Gaata numwaati koai saundati, "Jisaasiho aimi napwiso e sangi napwiso?" undati nunjenataise.

45 Aihi awaisiho Pairotiho nunjesihi, aimi napwise undihi Josepihoai saundataase. "Gaasi, kinyi Jisaasihomi ambipati napihapesi numwe," undataase.

46 Sata ko aye undihi Josepiho apotihiri wiri kihoepihiri nawiho nunya nesiya Jisaasihoai napihaati kiraapihi ahiya napapihataise. Napapihati isisi niyati nawiha wa isihiya soariwi akohaahaiwihoti ahiyataise. Ahiyatosati nawiha taapwiniha naaýiha awaisiha neti nepehaasa maahomwaaýi anitisati

awaahati napuwataise.

47 Siyati Josepiho Jisaasihoai ahiyati anitisati napusihia aunahipa Makitaraahandaahapi Maariyaahaatitihia ami Mariyaahaati waati Josasihomi sanaatitihia iwinjatimbimi ami Jisaasihoai ahaimbipihia mmonimapi nomaise.

16

Jisaasiho Japihi Nepasitihandapihaare

(Matiyuhu 28:1-8; Rukiho 24:1-12; Joniho 20:1-10)

1 Judaahiyaami asisiha Sapaatihandi aimi owetihia asahataahura asihia aunahipa Makitaraahandaahapi Mariyaahaatitihia ami Saromihaatitihia ami Mariyaahaati waati Jemisihomi sanaatitihia sinya nuwi atipati witi biya waamainjotihati Jisaasihomi ambipateti nesaiwi nurihapi winjaitaatiwi nawiho nunyawu newaayopo.

2 Saiwi atipati waamainjotahati nunyawu nepi timaniwi nanopawi bowihia asisiha jiheti, Sandehura asisihaatihia kohokoaisawi ipiho aimi yahutaasihia kati atipati isihia Jisaasihomi ambipateti jaitaatiwi koai ahiohipihia nawihaami animwaahipataapihapi niyawaayopo.

3 Niyawaawi daihira otihapihi sawinya sanawaatopo. "Ese! Jisaasihoai ahioyotihandami maasomwaa'yi mipateti nawiha aungwohanda nepehaasawi anitiwi napuhowi ndi neti nepehaasa nuwatinyositande," nnawaatopo.

4 Saniwosawi naingaapi jawa wa nawihandi windi maasomwaa'yi mipateti namaapundihi utaaho wo neti nepehaasa nemasihia nehi maasomwaa'yi nundihi jawaayopo. Iyataati sa nawa apipaahi awaisiha naa'yihaare.

5 Siyati maasomwaa'yi nundihi kiya nandaapi mihatihia jawa utaaho wo waimwaaho apotihiri nehi aminaihiri kihoehipihia utarihiri nipaataho ikwiri gaatihiraihoa'yi bimihia iwinjawaayopo. Iwinjaposawi waati yaiwipwitawaayopo.

6 Yaiwimahauhi ko kiyai saundataase. "Sahi windi waati yamaiwise owe. Sahi Nasaretihandaahapi Jisaasihopi daapi nasauhi nini aimi jasoho ipi titihia atawihateti nimaapi tipimandaahohihopo. Isi ko windi kimbihia ahimotise owe. Aimi japihi nepasi naise. Koai ahiohipihia kimbihia sahi sawanaati mmowise.

7 Isi sahi nuwi komi otipipatihiai kaundiwise. Aiwi ami Pitaahoi maawi kaundiwise. Kaundawaawi saundiwise. "Jisaasiho aimi jihia satindihande, 'Nini napotati japihi nepasi Garirihandaahapi nini jihia taati naito,' undindihandisi aimi nepasi ko jihia Garirihandaahapi naisi kiya koai kapihi iwinjaita ipoti naita kaundiwise," undataase.

8 Aihia kiya asiya noaipasi kapihi namasi yanihimapi nowaayopo. Nowaawi kiya kiyaami maariho owesotihia yaiwi itipi nowaayopo. Nowaawi isihia usai windi kamundopo, owe. Sandi kamundotimandi apaapimahe. Kiya aungwohandi yaiwimawaawe.

Mariyaahaati Makitaraahandaahapihaati Jisaasihoai Usositihandapihaare

(Matiyuhu 28:9-10; Joniho 20:11-18)

9 Saraarehirami asisiha jiheti (Sandehura) Jisaasiho asisihaatihia api kohokoaisa japihi nepataise. Siyati ko aimi nepasihura ipoti Mariyaahaati aunahipa Makitaraahandaahapihaataapihi jihia noaipataise. Saati itapaati jihura Jisaasiho itipihia maipihapa ikwiri naasairitihia wihinirami yahuritahapai nemwasaamaate.

10 Isihiya Jisaasihoai niwipinjawi koaisawi maasi daayohiyihya Jisaasihopi maariho tundihi taawi gwiwi bimaui kaati Jisaasihoai usositihandapi noti kiyai kaundataase.

11 Kiyaisi Jisaasiho japihi asoheomatati nepasitihandapuni ami kaati sawihaami koai usositihandapuni kiyai kaundihi kiya kaatami piwiha atisawaahandi kandi kaatami piwihaapi akite tiwi windi baiwi atiwi nepi gimunyaahopo, owe.

Kima Piwima Jisaasihoai Otipipatihuri Yahuri Daihira Usositihandapihaare

(Rukiho 24:13-35)

12 Kaihi otipipatihuri yahuri aunahipa namasi taami daihira naihi Jisaasiho noaipati windi jihamatimetati nehi koai wipetaho kuri iwinjataise.

13 Aihi kuri japihi nepemaitimi numwi otipipatihya ami usai, "Yihooay'i Jisaasihoai iwinjaho," undimi kaundihihandi kandi kiya kurami piwiha kaundisihaapi windi akaahe akite tiwi atiwiwi gimaawunyaahopo. Owetise.

Kima Piwima Jisaasiho Komi Otipipatihya Komi Piwiha Awusaitaatiwi

Natausaasindihandapihaare

(Matiyuhu 28:16-20; Rukiho 24:36-49; Joniho 20:19-23)

14 Aihi ipotinihi Jisaasiho sawaho komi otipipatihya ikwimaindimwitihuhirami naasohitahiya 11 kaiwihya bindawa taawi nandapa nanihauhi noaipati nunjaanati iwinjataise. Noaipati iwinjati itihundataase. Sandi itihundimandi apaapimahe, isihiya usihiya asihya ko aimi nepasih usonihohiyihya Jisaasihopi aimi japihi nepase undiwi kaundauhhandi kandi kiya daahi kiyaami maariho nimbiputiwi windi kopi akite tiwi gimunyaahauhi kandapi itihundataase.

15 Iyati kiyai piwiha sata kaundataase. "Sahi yapipati nahatewara gaamapi nuwi isihiya nahatiyai nisi Piwiha Gaaha Waniha anusaapi kaundiwise.

16 Piwiha Gaaha Waniha kandi kiyohiwaiwaapi ausaasahi utaaho itapaati wo waati atisati piwiha kaapuni nisapuni ginunyaasiho ginunyaasaamaati waapohora baawusisahi Autaahaatiho soai saati japihi numwaitaise. O utaaho itapaati wo waati nisapuni ami nisi piwihaapuni nepi nimbipwitiwi windi gimaanunyaasiho gimaanunyaasaamaati ipotihura kinyi maipihoye, maipihaa'ye undati komiheti kaatamiheti Autaahaatiho piwiha neti yawutoaati yaawihandi nunyati nemaitaise.

17 Autaahaatiho isihiya nisapi baiwi ginunyaahohiyihyaisatitonih kiya nisi ambipataahi watipihaiwa kaitaapo. Nisi ambipataahi Bwaasirihirami itipih maipihapa isihyaamiheti oma'ytitih bimiwaiwai nepumaitaapo. Aiwi ami piwiha wa kiya windi piwaamaatiwiha waniha wanihandi Autaahaatihomi Itipih Gaaho neti kiyai giwunyaahonih kiya piwaatitaapo.

18 Aiwi ami akwiraniho tataapwinihoai iwisaihi ko windi ikomaawitaise. Aiwi ami onaapipa wapa nanawaawi kiya windi kapa onaapipaapi namwaapwitaapo. Aiwi ami kiya timbipaisahiyai ikwiri kiyaamiheti ahiwisaihi kiyaami timbipa keti owesuetitaise," undataase.

Kima Piwima Jisaasihoai Autaahaatiho Numwaasi Yamihapataatihapi Naindihandapihaare

(Rukiho 24:50-53; Aposerihya 1:9-11)

19 Awaisiho Jisaasiho piwiha saiwa kaunda owetih Autaahaatiho koai yamihapataatihapi numwaasi naihi niyati yamihapataatih Autaahaatihomi ikwiri gaatihiraihoay'i bindataise.

20 Aihi komi otipipatihya yapihi nahatewara nuwi gaamapi Autaahaatihomi piwiha gaaha waniha Jisaasihopitaha awusoawaayopo. Siyauhi Awaisiho kiyai anditiwiwa kiyaisatitih kiya watipihaiwa kaiwa kaiwa kiyauhi isihiya mmonawaawi Autaahaatihomi piwiha akitiha akaahaare tawaatopo.\f

Isihiya amitihihsahiya taahiyihiya kima piwima (16:9-20 ma) Maakiho sawaho jipatiimaise ami utaaho wo ipoti jipatihiyataise tiwi gwinyaawaayopo.\fe